

❀ (ଅଠ୍ଟବଜ୍ର) ❀

ଐତିହାସିକ ପଦ୍ୟାଳୟ ନାଟକ ।

ଶ୍ରୀଯୁକ୍ତ (ଗଞ୍ଜେଶ) କୁମାର ଚଟ୍ଟୋପାଧ୍ୟାୟ

ପ୍ରଣୟକ

ପ୍ରାଣ ସାହାଯ୍ୟ

ଶ୍ରୀଶରତ୍ଚନ୍ଦ୍ର ଶୀଳା

୧୫।୩ନଂ ଲକ୍ଷ୍ମୀନଗର ଲେନ, କଲିକାତା

ପ୍ରଥମ ସଂସ୍କରଣ, — ୧୯୭୪ ମାସ ।

ମୂଲ୍ୟ : ୧।୦ ପାଞ୍ଚାସିକା

প্রকাশক—

শ্রীশরচ্চন্দ্র শীল ।

২৫নং লক্ষ্মীদত্তের লেন,

পোস্ট বাগবাজার, কলিকাতা ।

প্রকাশক কর্তৃক সর্বস্বত্ব সংরক্ষিত

প্রিণ্টার—এস, সি, শীল ।

অন্নপূর্ণা প্রেস ।

২৪ নং লক্ষ্মীদত্তের লেন, কলিকাতা ।

ভূমিকা

মহাভারতের বিরাটপর্বে পাণ্ডবগণের আত্মপ্রকাশ সময়ে দুর্কাসা-
কর্তৃক শাপগ্রস্তা উর্কনী-অশ্বিনীরূপে যুগসারত অবস্থী অধিপতি দণ্ডীর
হস্তগত হয়। যদুপতি শ্রীকৃষ্ণ-ভক্তবৎসল ভগবান—উর্কণীর কাতর
আহ্বানে—দুর্কাসার অনুরোধে—ধর্মপ্রাণ পাণ্ডবগণের ধর্ম-পরীক্ষার—
বিজয়দানে, দণ্ডীর নিকটে উক্ত অশ্বিনী প্রার্থনা করেন। দণ্ডী অশ্বিনী
প্রদানে অনিচ্ছুক হইয়া ত্রিলোকের রাজদ্বারে আশ্রয়প্রার্থী হয়, শেষে
কোনস্থানে আশ্রয় না পাওয়ায় মনস্তাপে—অপমানে—হতাশ হৃদয়ে
জাহ্নবী-সলিলে জীবন বিসর্জনে উচ্চত হয়, সেই সময় স্নানরতা স্নানদ্রা-
দেবী দণ্ডীর করুণ কাহিনী শ্রবণে—অভয়দানে, নিজ আশ্রয়ে আশ্রিত-
দণ্ডীকে আশ্রয় দানে জগৎপতি ভ্রাতার প্রতিপক্ষতাচরণেও ভীত না
হইয়া, স্বামীগণকে শ্রীকৃষ্ণের বিরুদ্ধে ধর্মরণে উত্তেজিত করিয়া দেখাইয়া-
ছেন, যে জগতে আশ্রিত রক্ষাই শ্রেষ্ঠধর্ম। অতএব সে ধর্ম-রণে কৃষ্ণ-
প্রাণ পাণ্ডবগণ কৃষ্ণসহ ত্রিলোক-বিরুদ্ধে দণ্ডীকে রক্ষার্থে কুরুক্ষেত্রে সম-
বেত হইয়া—ভীষণ যুদ্ধে দেবগণকে পরাজিত করিলে, কৃষ্ণের আদেশে
দেবগণ নিজ সম্মান রক্ষার্থে স্ব স্ব বজ্রধারণে পাণ্ডবগণকে ধ্বংস করিতে
উচ্চত হইলে, রণচণ্ডা হুস্তিতে আদ্যাশক্তি জন্মীও নিজ বজ্রহস্তে রণ-
ক্ষেত্রে উপস্থিত হন, এইরূপে রণক্ষেত্রে অষ্টবজ্রের একত্র সমাবেশে উর্কনী
শাপমুক্তা হইয়া অশ্বিনীরূপে ত্যাগ করিয়া সমরোদ্যত বীরগণকে যুদ্ধে
নিরস্ত করেন। আশ্রিত-রক্ষা-পুণ্যে দেবগণের আশীর্বাদে পাণ্ডবগণের
অক্ষয়কীর্তি জগদ্ব্যাপ্ত হয়। এ সকল পৌরাণিক ঘটনা—মনোমুগ্ধকর
ভাব-ভাষা ও সঙ্গীতাদি প্রয়োগে পাঠকগণের মনোরঞ্জনার্থে সাধামত
চেষ্টা করিয়াছি, এখানে তাঁহাদের নিকট সমাদৃত হইলেই দীন বেথক
নিজেকে ধন্য জ্ঞান করিবে। ইতি—

পিপলন }
বর্ধমান }

বিনীত—

শ্রীগঙ্গেশকুমার চট্টোপাধ্যায়।

নাটোলিখিত ব্যক্তিগণ ।

পুরুষ

অচ্যুত, ব্রহ্ম, ইন্দ্র, পবন, লক্ষ্মণ, হতাশন, যড়ানন, অশ্বিনীকুমার-
দ্বয়, সূর্য্য, চন্দ্র, রম, শ্রীকৃষ্ণ, বলরাম, কাম্যানন্দ, তুর্ক স।
সাতাকি, মনন, দণ্ডী (অবন্তীরাজ), কুলী (বিনভরাজ),
অরাসন (মগরাজ), শিশুপাল, দম্ববক্র (চন্দ্রীধর), ভীষ্ম,
দ্রোণ, অশ্বত্থামা, ধৃতনাথ, লক্ষ্মণ, দিগন্ত, চাখোবান,
হুমায়ুন, কর্ণ, শকুনি, যুধিষ্ঠির, ভীম, অর্জুন, নকুল,
নহাচন, সৃষ্টি, বিরাট, পাঞ্চাল, মদ্রী, সেনাপতি,
বয়স, ভ্রাক্ষণগণ, শিখানন, বনবাসীগণ, পতি
চারক, প্রাতিহাসী, গ্রহরী প্রভৃতি ।

স্ত্রী

অম্বা, উর্ধ্বা, অলকা (নগুরাজ), অশ্বি, (অবাসকের কন্যা),
শ্রীমতী (শিশুপালের মাতা), সুভদ্রা, কুলী, অক্ষয়গণ,
মর্তুকীগণ, পরিচারিকাগণ, বনবাদিনীগণ,
সেনিকাগণ ইত্যাদি ।

প্রস্তাবনা ।

অমরা—সভা ।

ইন্দ্রাদি দেবতাগণ ও অপ্সরাগণের প্রবেশ

ইন্দ্র । অমরায় সুসজ্জিত দেবতার সভা,
দেবগণ আনন্দিত—পুলকিত চিত্ত,
বিশ্রাম—বিলাস সুখে—এই ত সময় ।
সুন্দর জ্যোৎস্নামাখা সুন্দরী যামিনী,
সুন্দর সে শশধর গগণের কোলে,
মাঝে মাঝে পাপিয়া বঙ্কার,
কোকিলের কুহু কুহু তান,
প্রেমানন্দে মাতায় পরাগ ।
মন্দ মন্দ গন্ধবহ পুষ্প-গন্ধ ল'য়ে
দিতেছে ছড়িয়ে যেন ত্রিদিব নগরে ।
হাস্তময়ী অমরা নগরী,
হাস্তময় দেবতার প্রাণ,
এমন আনন্দকালে আনন্দ-দামিনী
অপ্সরার নৃত্য-গীত অতি মনোরম !
গাও ত মেনকা, রম্ভা, উর্ধ্বশী প্রভৃতি !
বিমোহন নর্তন—সঙ্গীতে,
বিমোহিত কর দেবগণে ;
সুধা ধারা ঢালিয়া শ্রবণে ।

অঙ্গরাগণ।—[নৃত্যসহ] গান ।

ওই ভেসে আসে বসন্তে মনর বার ।

মুহু মন মধুর স্নিক হ'য়ে পরশিছে বিরহী-কার ।

ফুটেছে কুম্ব, ছুটেছে গন্ধ, মেতেছে অলি লোভে মকরন্দ,

শুণ শুণ গানে প্রণয় আনন্দ, প্রেমিক প্রেমিকার হৃদয় মাতায় ।

শাখে বসি গাহে পাখী গান, ভেসে আসে তটিনীর কুলু কুলু তান,

আবেশে আকুল—বিহ্বল প্রাণ প্রাণনাথ বিনে যায়—যায়—যায় ।

দুর্ভাসার প্রবেশ ।

দুর্ভাসা । জয় হ'ক্ দেবেন্দ্র বাসব !

সুখে বসবাস কর অমরায়

আত্মীয়, বান্ধব পুত্র পৌত্র ল'য়ে

মহানন্দে অতিপাত করহ জীবন ।

ইন্দ্র । কে ? মহর্ষি দুর্ভাসা ?

তাপস কুল প্রধান সাধক রতন !

অলঙ্কৃত কর সিংহাসন ।

পাদ্য অর্ঘ্য দানে করিব পূজন ।

লহ, ঋষি ! বাসবের সতর্কি প্রণাম ।

[প্রণাম]

দুর্ভাসা । বিনয়, সৌজন্য, নিষ্ঠ আচরণে

তুষ্ট আমি রাজা শতক্রতু !

আশীর্বাদ করি সুরেশ্বর !

শান্তি তৃপ্তি লাভ কর তুমি গুণধাম !

দেব-প্রজা পালহ যতনে,
 তক্তি রাখি পূজন,র গণে ।
 সোণার অমরা তব তোমারি সদৃশ্বে,
 ভোগ কর ত্রিদিবের অতুল বিভব ।

ইন্দ্র !

কহ শুনি ঋষিবর !
 অসময়ে কি কারণে দেব-সভা মাঝে ?
 আছে কি হে প্রয়োজন কিছু,
 অভাজন-ইন্দ্রের নিকটে ?

ভ্রূক্সমা !

স্বর্গপতি, শচীকান্ত, সুরেন্দ্র বাসব !
 নাহি কোন প্রয়োজন তব সন্নিকটে,
 বিশেষ কারণে কোন ভাসি নাই হেথা ;
 কন্মশূন্য এবে আমি—
 যোগাসনে বিগুঞ্চ জীবন—
 ইচ্ছা হ'ল দেখে আসি দেবরাজে,
 শুনে আসি-সভায় তাহার
 মনোহর অঙ্গরা—সঙ্গীত !
 বড় ইচ্ছা দেবরাজ !
 বিলাস—আনন্দে ভাসি
 নৃত্য-গীতে তৃপ্তি লভিবারে ;
 পূর্ণ কর তাপসের বাঞ্ছা ।
 তব অঙ্গরাগণের মধ্যে
 নৃত্য-গীত সুনিপণ আছে যে সুন্দরী,
 তাহারেই কর—অনুমতি
 নৃত্য-গীতে তৃপ্তি দান করিতে আমার ।

সম্ভষ্ট করিলে মোরে কলা বিদ্যাচারী
আশীর্ব্বাদে তুমি তাহারে ।

ইন্দ্র ।

সমাগত সভামাঝে যে সব অঙ্গরা,
তার মাধ্যে প্রধানা উর্ব্বশী,
এই কার্য্য সম্ভব তাহার ।
সেই নৃত্য-গীতে সুনিপণা,
তাহারেই করি অমুমতি,
তব চিত্ত বিনোদন হেতু ।

দুর্ব্বাসা ।

যে পারিবে নৃত্য-গীতে তুমিতে ছায়ায়,
যেই নারী তব প্রধানা নর্ত্তকী,
তাহারেই কর অমুমতি,
অসম্মতি কিছু নাহি তাহে ।

ইন্দ্র ।

অঙ্গরা প্রধানা তুমি উর্ব্বশী রূপসী !
মহর্ষি দুর্ব্বাসা! আজ সমাগত হেথা,
গুনিবারে তব নৃত্য—গীত ।
পরিভূপ্ত করহ তাপসে,
মধুর সঙ্গীত ধারা করিয়া সিঞ্চন ।
তুমিতে পারিলে ঋষিবরে,
আশীর্ব্বাদ পুরস্কার পাইবে নিশ্চয় ।
পরম সাধক—তপস্বী দুর্ব্বাসা,
বাক্য সমুদয় সিদ্ধ তাঁর,
তুষ্ট হ'য়ে দানিলে আশীষ,
অনন্ত সৌভাগ্য লাভ হইবে তোমার ।

উর্বাশী । [স্বগত]

এই শুষ্কার বিকৃত বদন
প্রোত সম প্রতিমূর্তি ছুঁয়াসা তাপস,
কি বুঝিবে নৃত্য-গীত মোর ?
নীরস—বিগুফ—তাপস প্রাণ,
সর্কশ্রেষ্ঠা নর্তকী উর্বাশী অপ্সরার
নর্তন—সঙ্গীত লীলা কেমনে বুঝিবে ?
কল্প কেশ—শুক দেহ—জটা বিমণ্ডিত
বিলাস বাসনা বিবর্জিত—কদাকার
কিন্তুত কিমাকার—কুৎসিত আকৃতি !
হেরি ওই তাপসের মুখ-প্রতিকৃতি
হাস্ত সঘরিতে নারি—

কেমনে গাহিব গান—করিব নর্তন
সত্যতা বিহীন এই মর্কটের পাশে ?

ছুঁয়াসা । অরে রে অঙ্কুরতা প্রগল্ভা রমণী !
স্বর্গ-বারাঙ্গনা হ'য়ে এতই স্পর্ধিতা ?
ছুঁয়াসার প্রতিকৃতি মর্কটের মত
কুৎসিত—কদাকার ভাবি মনে মনে
নৃত্য-গীতে ইচ্ছা নাহি হয় ?
শোন্ তবে ছুঁচারিণী ছুঁয়াসার বাণী—
যে, রূপ-গৌরবে অঙ্কুরতা হ'য়ে
হের চক্ষে হের ছুঁয়াসায়,
সেই, রূপ তব হইবে বিকৃত মম অভিধানে,
যেই রূপ-গর্বে ছুঁয়াসারে কর অবহেলা,

সেই রূপ তব হইয়া বিধ্বস্ত,
 অশ্বিনীর রূপে কর বিচরণ
 মর্ত্যধামে করিয়া গমন ।
 তোম মত দুর্কিনীতা-দুশ্চরিত্রা নারী
 স্বর্গে থাকিবার উপযুক্তা নহে
 অশ্বিনী আকারে যাও মর্ত্যধামে ।

[কল্পনা]

উর্ধ্বশী । হায় ! হায় ! কি করিলে ঋষি !
 কেন হেন দিলে অভিশাপ
 জ্ঞানহীনা অবলার প্রতি !
 ক্রমা কর ঋষিবর ! ধরি শ্রীচরণে,
 কর নিজগুণে শাপে অব্যাহতি ।

[পদধা :

দুর্কাসা । দুর্কাসার অভিশাপ বার্থ নাহি হবে,
 নিজ কর্মোচিত ফল পাইবি পাপিনী !
 অবশ্যই যেতে হবে মরত মাঝারে,
 ধরিয়া অশ্বিনী রূপ ভ্রমিবি কাননে,
 নিষ্কৃতি না পাবি অভিশাপে !

ইন্দ্র । ঋষিবর ! মিনতি আমার,
 উর্ধ্বশীর কর শাপোদ্ধার ;
 নতুবা অঙ্গরা দল মোর
 নাগিকা বিহীন হ'য়ে হইবে শ্রীহীনা ।

দুর্কাসা । দুর্কাসার অভিশাপে নাহি অব্যাহতি,
 ধর্মে বর্মে বাক্য তার হইবে সফল !

অশ্বিনী আকারে যেতে হবে উর্কশীরে
মর্তধামে ভ্রমিতে কাননে ।

ইন্দ্র ।

জানি প্রভু !

তব বাক্য অব্যর্থ সংসারে
ফলিবে নিশ্চয় তব অভিশাপ-বাণী ।
তবু প্রভু, পদে ধরি, করি অনুন্নয়

[পদধায়ণ]

উর্কশীর শাপ বিমোচনে কর সহুপায় ।

হুর্কাসা ।

ওঠ দেবরাজ । তব অনুন্নয়ে,
শাপ মোচনের করিব উপায় ।
দিবসে অশ্বিনীরূপে ভ্রমিয়া কাননে
সক্কা গমাগমে পাবে নিজরূপ ।
অষ্টবজ্র সন্মিলন হবে যেইদিন,
সেই দিন উর্কশীর হইবে উদ্ধার ।

উর্কশী ।

কহ ঋষি ! কৃপা প্রকাশিয়া
কেমনে সে অষ্টবজ্র হবে সন্মিলন ?
না বুঝিয়া, অপরাধ করেছি চরণে,
আমার উদ্ধার ভার লহ নিজশুণে ।

হুর্কাসা ।

যাও, মর্তধামে ভূঞ্জ অভিশাপ,
লইলাম আমি তব উদ্ধারের ভার ।
আসি দেবরাজ !
আনন্দ লভিতে আসি
কর্ম ব্যাপদেশে হই বিজড়িত ।
যাই তবে কর্ম সম্পাদনে ।

ইত্র । এণিপাত হ্রস্ব চরণে ।

[সকলের এণাম]

হ্রস্বানা । পূর্ণ হ'ক্ বাসুনা সবার
হবে হ্রা অশ্বিনী-উদ্ধার ।

[সকলের প্রশ্নান ।

অষ্টম

প্রথম অঙ্ক ।

প্রথম দৃশ্য ।

রাজসভা ।

রাজ-সিংহাসনে মহারাজ দণ্ডী, পার্শ্বে মন্ত্রী, সেনাপতি
ও বয়স্কের প্রবেশ ।

দণ্ডী । মন্ত্রিবর ! রাজ্যের সমস্ত মঙ্গল ত ?

মন্ত্রী । হাঁ, মহারাজ ! বর্তমানে রাজ্যের কোনরূপ অমঙ্গল
নাই, রাজ্যবাসী প্রজাগণ সকলেই নিরাপদ কুশলে অবস্থান করছে।
আপনার সুশাসনে রাজ্যে কোন অশান্তি—উচ্ছৃঙ্খলা-উপদ্রব, কিছুই
নাই। অন্নভাব, জলাভাব, ব্যাধির প্রকোপ, অকালমৃত্যু, নাই।
রাজ্যের সর্বঙ্গীন মঙ্গল ।

দণ্ডী । আমার বিরুদ্ধে কেউ কোনরূপ ষড়যন্ত্র করছে না ত,
সেনাপতি ?

সেনা । দৌর্দণ্ড প্রতাপবান্ মহারাজ দণ্ডীর বিরুদ্ধে ষড়যন্ত্র
করতে সাহস পায়, এমন মহাবলেত্র কেউ নাই। আপনার নিয়ম—
সুখলায় সুশাসিত এই শান্তিময় সাম্রাজ্যের মধ্যে কোনরূপ অত্যাচার

অনটন বা অশান্তি কিছুই নাই । যথাকালে সৃষ্টি বর্ষণ হচ্ছ—
রাজ্যে শস্তাদি প্রচুর সমুৎপন্ন, প্রজার গৃহে গৃহে মা কমলা বিরাজিতা, এ রাজ্য এখন শান্তির শীতল আশ্রয়ে অবস্থিত ।

দণ্ডী । কোন অরাতি প্রকাশো বা গোপনে আমার বিরুদ্ধে উত্তেজিত হয় নাই ত ?

সেনা । কার এত সাহস যে, আপনার বিপক্ষে মাথা তুলে দাঁড়ায় ? বিশেষতঃ আমার এই এই সূদৃঢ় বিশাল বাহুর শক্তি-প্রভাব ত কার অবিদিত নয়, তবে কে সাধ ক'রে স্বেচ্ছায় মৃত্যুর ঔষধ গলায় বাধবে ?

দণ্ডী । যাক, তাহ'লে আমি একবার নিশ্চিতভাবে বিলাস-আনন্দে প্রমত্ত হ'তে পারি ?

বরষ । আজ্ঞে হাঁ মহারাজ ! একবার আমোদ আহ্লাদ করুন— কেবল রাজ্যের ভাবনা ভেবে ভেবে—যুদ্ধ হাঙ্গামার মধ্যে ছটোছটি ক'রে আপনার তেমন সরল-সরস প্রাণ, নীরস-নিশ্চেষ্ট—নিজ্জীব হ'য়ে উঠেছে, তাকে একটু তোরাজ করুন—ফুর্তি দিন, তা হ'লে দেখবেন এখনই কি একটা ভয়ানক রক্তের কাণ্ড বেধে যায় ?

দণ্ডী । কি ভয়ানক কাণ্ড বাধবে বরষ ?

বরষ । সে যখন বাধবে তখন টের পাবেন । আপাততঃ মহারাজ ! এই পেটুক ত্রাক্ষণের জন্ত কিছু সেবার ব্যবস্থা ক'রে দিন । আমার জঠরানল দাবানলের মত ধু ধু ক'রে জ্বলছে—পেটের জালায় হ হ ক'রে মগ্নছি—খেঁচের বন্দোবস্ত করুন মহারাজ, নৈলে এখনই প্রাণটা মাঠে মারা যাবে মহারাজ !

সেনা । বরষ মশায়ের কেবল আহারের চেষ্ঠা ?

বরষ । আহার নৈলে কি দেহের বাহার হয় ? আহার না করলে সেই রক্ষা হবে না—দেহ রক্ষা না হ'লে প্রাণ রক্ষা হবে না—

প্রাণ রক্ষা না হ'লেই, নাম রক্ষা হ'ল না—নাম রক্ষা না হ'লেই তখন মরণ পথে যেতে হ'ল—বাস্—সব শেষ ! তাই আহারের চেষ্টাতে সর্বদাই থাকি । আমিই আহার করি, আর মশায়রা বৃষ্টি অনাহার করেন ?

মন্ত্রী । আমরাও আহার করি বটে, কিন্তু আপনার মত অত আহার-প্রিয় নই ।

বয়স্ক । আচ্ছ হ্যাঁ, মন্ত্রী মশায় ! যা বলছেন ? হাজার হ'ক্—মন্ত্রীর মাথা কি না ? বলি—মাছ খায় সব পাখীতেই, ধরা পড়েছে মাছরাঙ্গা. সেই-ই মাছ খাওয়ার জন্ত যেমন দোষ পায়, আমরাও তেমনি ঘটেছে । আহার করেন সব মহাশয়ই, কেবল ধরা পড়েছি আমি ?

মন্ত্রী । আপনার মত এমন অসম্ভব আহার ত আর আমরা করি না ? আমরা পরিমিত ভোজী, আর আপনি যে অপরিমিত ভোজী অর্থাৎ কি না—“পেটুক” ।

বয়স্ক । কি বললেন ? আমি পেটুক না আমি ভাগ্যবান্ ? যে অতিরিক্ত ভোজন ক'রে পরিপাক করে, সে ভাগ্যবান্—বলবান—রূপবান—গুণবান । যে অল্প খায়. তার অগ্নির ঘর মন্দা হ'য়ে অস্থলের ব্যায়রাম হয়েছে । আপনারা যে অস্থলে রোগী, খাবেন কোথেকে ? খাবার ভাগ্য থাকা চাই ।

সেনা । তাব'লে আপনার মত খাবার ভাগ্যে আমাদের দরকার নেই । ও রকম খাবার যদি আপনার মত আর একজনকে দিতে হয়, তাহ'লেই রাজ-সংসার ওজোড় হ'য়ে যাবে ।

বয়স্ক । আমি আর এমন কি বেশী খাই, আমি ত বাহাত্তুরে খাই, কি না—যা খাই, সব বাহাত্তুর—বাহাত্তুর খাই । যথা বাহাত্তুর সের চিড়ে বাহাত্তুরসের মুড়কী, বাহাত্তুর সের গুড়, বাহাত্তুর সের দই, বাহাত্তুর সের

জল, এই রকম খাই আর কি ? মোটে নয় মণ, তাই আমার নাম ন'মুণে কার্তিক ।

সেনা । আচ্ছা বরষা মশায় ! আপনার মত এমন ভোজন প্রিয়— এইরূপ ন'মুণে কার্তিক আর কেউ জগতে আছে কি ?

বরষা । ন'মুণে নাই বটে, কিন্তু আমার চেয়ে অনেক বেশী খায় — এমন লোক একজন আছে :

দণ্ডী । সে কে বরষা ?

বরষা । আচ্ছা সেই—যে বাহান্ন পোটি ধানের খই খেয়ে—বাছে ফিরে মলয় পর্বত বানিয়েছিল, সেই পাণ্ডুরাজার মেজো ছেলে ভীম । উহ—হ—হ ! ঐ জনোই ত ঐ পোড়া নামটা করতে চাই না । উহ— গেলেম মহারাজ ! গেলেম !

দণ্ডী । কি হ'ল বরষা ?

বরষা । আর কি হ'ল—কি মর্মে হ'ল । মলয় পর্বতের নাম ক'রে মহা বিপদে পড়েছি । মলয় বাতাস গায়ে লেগে প্রাণ-মন-লয় লয় । বসন্ত হয়—হয়—কিন্তু নাচউলী—কৈ ? মহারাজ ! নাচউলী ডাকুন, নৈলে ব্রহ্মহত্যা হবে । মলয় বাতাসে জালা জুড়াতে নাচ-উলী ডাকুন । দোহাই—দোহাই—মহারাজ !

মন্ত্রী । আহার ভুলে গেলেন যে ?

বরষা । আহার ভুলি নেই, কেবল “আ টা” ভুলেছি, হারটা ঠিকই আছে । কেবল “আ” এর যায়গায় “বি” বসেছে । ছিল আহার এখন হ'ল বিহার । হার ঠিক আছে । এই গলার যে হার, মহারাজের দেওরা উপহার । বেহের ভিতরে আছে যত হাড়—তাদের মহারাজ পুষ্ট করতে বোগাচ্ছেন আহার, এখন মলয় বাতাসে বসন্ত বাহার এসে বিহার দেখা দিয়েছে, মহারাজ ! নাচউলীদের নাচ গান শুনিতে সুস্থ করুন ।

মন্ত্রী । ব্যস্ত হবেন না, ঐ দেখুন—সেই কমকঠা কামিনীগণ কেমন কমলের মত কুটুম্ব মুখে গান গাইতে গাইতে আসছে ।

গীতকণ্ঠে নর্তকীদের প্রবেশ

নর্তকীগণ । —[নৃত্যমহ] গান ।

চমকে চমকে ঠমকে ঠমকে
 দামিনী দমকে আয় লো কামিনী ।
 ভ্রোষ' প্রাণ বঁধু, দাও প্রেম-মধু—
 সুরথ-সিধু দান কর সারা যামিনী ॥
 নরনে নরনে রাখ, হৃদয়ে হৃদয়ে থাক
 ভালবাসা নিয়ো না ক' লধু ভালবাসা দিও ভামিনী ॥
 পরকোয়া, যে প্রণয়, ভেনো না লো বিষনয়,
 যদি মনের মত হয়, প্রেমিকা রমণী .—
 পুরুষ প্রেমিক বর, রমিক সুন্দর নাগর,
 রাখে তারে বুকের উপর করিয়ে নরন-মণি ॥

[প্রস্থান ।

দণ্ডী । বয়স্য ! কেমন শুন্নে ? সুস্থ হয়েছ ত ?

বয়স্য । আজ্ঞে, নারীর নাচ গানে সুস্থ হয় না, এমন অসুস্থতা কিছুই
 নাই, মহারাজ ! আমি সম্পূর্ণরূপে সুস্থ হয়েছি, মলয় বাতাসের
 জ্বালাও ভুলেছি ।

দণ্ডী । তবে যাও, শীঘ্র আহারাদি শেষ ক'রে এস, আমার সঙ্গে
 মৃগয়ায় যেতে হবে । সেনাপতি ! এই নিশ্চিন্ত—কর্মহীন সময়ে মৃগয়া
 আনন্দ উপভোগ করতে ইচ্ছা হচ্ছে ; তুমি মৃগয়া যাত্রার আয়োজন
 কর ।

বয়স্ক । আর মন্ত্রী মহাশয় ! আমার ভোজনাগারে নিয়ে গিয়ে,
পাচককে ব'লে চর্ক চুষ লেহ—পের ভোজনের আয়োজন ক'রে দেবেন,
কেমন মহারাজ ?

দণ্ডী । আচ্ছা, তাই হবে । মন্ত্রী !

মন্ত্রী । আজ্ঞা করুন মহারাজ !

দণ্ডী । পাচককে ব'লে দিয়ে এস—বয়স্ককে বেন উত্তমরূপে ভোজ্য
দানে পরিতৃপ্ত করে ।

মন্ত্রী । যে আশ্বে ।

বয়স্ক । হাঃ হাঃ [হাস্ত] এমন না হ'লে কি রাজার হুকুম বলে !
চলুন মন্ত্রী মহাশয় ! আজ একবার বহুদিন পরে আদা জল খেয়ে সেবার
লাগা যাক্ গে । আজ রাজবাড়ীর আহাৰ ! কত রকম খাবার এসে
পাতে পড়বে—আর আমিও টপাং টপাং ক'রে দুখে ফেলব ।

হে অনাহারী দ্বিজের উদর !

সকৌর্গতা পরিহরি হও পরিসর,

পাবে বহুবিধ খাদ্য রসাল—রসাল

রাজার ভোজনাগার হ'তে ।

যত ইচ্ছা—যাহা পার খাও দম ভ'রে ।

সন্দেশ, মিঠাই, বন্দে জ্বিলাপী, কচুরী,

পানতুয়া, রসগোল্লা, ন্যাংচা, খাজা, গজা,

মোহন ভোগের সনে চক্রাকার লুচি,

সর্বশেষ দই, ক্ষীর, মাগাই, রাব্‌ড়ী

স্নেদার পড়িবে পাতে খাও হরদম ।

আকণ্ঠ করিয়া—আহার

হও যদি তুমি সন্দম হে ক্ষুধার্ত পেট !

ছেড়ে না—ছেড়ে না তবু খেঁট,
 হরদম গবাগব পুরাও উদর
 যায় যাবে দম ফেটে বহুতাচ্ছা তার ।
 আস্থন—আস্থন যন্ত্রী মহাশয় ।

যন্ত্রী । আজ্ঞে হাঁ, আস্থন—আমার সঙ্গে !

[বয়স্য সহ প্রস্থান ।

দণ্ডী । আজ মৃগয়া যাবার আয়োজন করতে ব'লে অবধি আমার
 দক্ষিণ চক্ষু—স্পন্দিত—দক্ষিণ হস্ত—পদতল কণ্ডুরমান হচ্ছে ! প্রাণে
 কেমন যেন অব্যক্ত অপূর্ণ আনন্দ রসের সঞ্চারণ হচ্ছে । জানি না কেন
 আজ এমন ভাবোদয় হচ্ছে ? বিশ্বপতি ! তোমার উদ্দেশ্য তুমিই
 জান । যাই, মৃগয়া যাত্রায় প্রস্তুত হই গে ।

[প্রস্থান ।

গীতকণ্ঠে পরিচারক ও পরিচারিকার প্রবেশ ।

উভয়ে ।—[নৃত্যসহ] গান !

নপাসপ ঝাড়ু দিয়া সাক কর রাজদরবার ।
 ময়লা মাটি—জল তুলে কর না সত। পরিষ্কার ।
 স্ত্রী ।— আমি ছইহাত কাটা চানাই,
 পুরুষ ।— আমি ভিন্ধী খুলে পানি ছিটাই,
 উভয়ে ।— হাত চালিয়ে কাজ সেরে নে চলু ঘরে যাই—
 আর বেলা নাই, সুখি মামা ডুবল এবার ।

স্ত্রী ।— এই ত আমি সেরে নিয়েছি কাড়ু দেওয়া,
 পুরুষ ।— পানি ছিটান শেষে হব খর মুখো খাওয়া,
 উঠয়ে ।— বানিয়ে ভাল রুটী খাওয়া, আর শোওয়া,
 ছেঁড়া চেটোর, দড়ির খাটে কর রাত কাবার ।

স্ত্রী ।— আমাদের তাতেই লুখ বাসি,
 স্ত্রী-পুরুষে থাকি পাশাগানি,
 আমাদের বেজার ভালবাসাবাসি,—

পুরুষ ।— বাদের নাগর হর প্রবাসী—
 তারা রয় উপবাসী—

তাদের চেয়ে আমরা স্মৃতি কি হুখে আছি ;

তারা সব গাড়া—চ'ড়ে, খাটায় মোদের ভুতের ব্যাগার ।

[প্রস্থান ।

দ্বিতীয় দৃশ্য।

দ্বারকা—কক্ষ।

একাকী শ্রীকৃষ্ণ চিন্তা করিতেছিলেন

শ্রীকৃষ্ণ : তাজি' লীলাভূমি বৃন্দাবন ধাম,
 ব্রজলীলা করি অবসান,
 মথুরার খেলা করি সমাধান
 আসিয়াছি দ্বারকায় নিশ্চিত্ত বিশ্রামে।
 কিন্তু হায় ! কোথায় বিশ্রাম মোর ?
 অনন্ত বিশাল ভব কর্মক্ষেত্রে
 বহু বহু কর্ম ওই রয়েছে সম্মুখে !
 আমি কৃষ্ণ ব্রাহ্মণের দাস,
 ব্রাহ্মণের তরে কৃষ্ণ সতত জাগ্রত,
 সেই ব্রাহ্মণের মনগোপে
 মর্ন্যহত আমি,
 বসি দ্বারকায় শান্তি-সুখাসনে।
 মহর্ষি ছর্কাসা ঋণকোষী জতি,
 সেই হেতু আনন্দ লভিতে গিয়া
 উর্কশীরে অভিশাপ করিয়া প্রদান,
 এবে তার শাপোদ্ধারে বিকৃত মস্তিষ্ক
 আসিছেন দ্বারকা নগরে !
 সত্যকি ! সত্যকি !

সাত্যকির প্রবেশ ।

সাত্যকি । [অভিবাদনাস্তে] কি আদেশ, প্রভু ?

শ্রীকৃষ্ণ ! মহাতপা দেবর্ষি দুর্কাসা
এসেছেন দ্বারকায় মোর অশ্রমেণে,
সমস্রমে করিয়া দতন
লয়ে এস তাঁরে মন সন্নিধানে ।

সাত্যকি । শিরোধার্য্য অন্তমতি প্রভু !
বাই তাঁরে মসন্ধ্যানে আনিতে সভায় ।

[প্রশ্নান

শ্রীকৃষ্ণ ! দেবে না বিশ্রাম মোরে ধ্বংস কালচক্র ।
এসেছে কশ্মের ভার সম্মুখে ধরিয়া ।
ওই সুবিশাঙ্গ ভব-কর্ম্মক্ষেত্র
সুপ্রশস্ত পতিত রয়েছে ।
ওই বাজে গম্ভীর নিঃশ্বনে,
নিয়তির বিজয় দুর্কুভি—
“কর্ম্মী কেবা আছ কর্ম্মে লিপ্ত হও !”
কর্ম্ম—কর্ম্ম ! কোন্ কর্ম্ম করিব সাধন ?
অনন্ত কর্ম্মের স্রোত বেগে বয়ে যায়,
কে রোধিবে সে গতি তাহার ।
আমি—আমিই রোধিব গতি তার ।
আদিই করিব সব কর্ম্ম অবমান
কর্ম্মীরূপে কর্ম্মক্ষেত্র মাঝে দাঁড়াইয়া ;
এস কর্ম্ম ! কর্ম্মীর কিতে ।

সাত্যকি সহ দুর্কাসার প্রবেশ ।

সাত্যকি । প্রভু ! আদেশে তোমার

সম্মানে আনিয়াছি দুর্কাসা ঋষিরে ;

শ্রীকৃষ্ণ । [গাত্রোথান করিয়া ;

আমুন হে তপোধন ! বসুন আসনে,

প্রণিপাত লহ কেশবের । [প্রণাম]

দুর্কাসা । [হাত ধরিয়া তুলিলেন] এ কি কৃষ্ণ !

এ আবার কি রহস্য তব ?

দুর্কাসার উপাশ্রু যে তুমি নারায়ণ !

প্রণিপাত গোরে মাজে কি তোমাব ?

একেই পাপের ভারে পূর্ণ দেহ তরী,

তাহে তুমি বিশ্বের-প্রণম্য নিধি

প্রণমিয়া মোরে কেন কর পাতকের ভাগী ?

শ্রীকৃষ্ণ । হেন বাণী কেন শুনি মহাতপোধন !

জানেন না কৃষ্ণের অন্তর ?

ব্রাহ্মণের দাশু পাশে চিরবদ্ধ আমি,

ভৃগু পদাঘাত চিহ্ন বক্ষে মোর,

অনার্যস লক রত্ন সম তাই ।

ব্রাহ্মণে প্রণাম করি আমি কত্ররাজা !

কিবা দোষ তাহে তপোধন ?

বঞ্চনা ক'রো না দাসে দাও পদরজঃ !

দুর্কাসা । কমা কর দারকা-ঈশ্বর কৃষ্ণ !

জ্বালার উপর আর বাড়ায়ো না জ্বালা ।

নিজকৃত কর্মদোষে দহমান আমি

সততই অনুতাপাননে;
 তাহে পুনঃ কেন প্রভু, দাও মনস্তাপ ?
 ত্রিতাপে তাপিত তনু অনুক্ষণ মোর,
 ত্রিতাপ নিবারি হরি !

কর মোর এ তাপ মোচন ।

শ্রীকৃষ্ণ : কেন প্রভু ! “ কি কারণে অনুতাপ এত ?
 যোগ সিদ্ধ মহান পুরুষ যেরা,
 কোন তাপে হয় না সে তাপিত কখন,
 নিজ পথচ্যুতি বিনা ?

হর্ষাসা । সত্য কৃষ্ণ ! পথচ্যুতি ঘটেছে আমার
 তাই এই অনুতাপ তোনার ইচ্ছায় ।
 ব্রহ্ম-উপাসক ব্রাহ্মণের বংশে
 জনম লভিয়া আমি,
 করিয়াছি অবহেলা দ্বিজের কর্তব্য ।
 বৈরাগ্য বাসনা ত্যজি কৰ্ম্ম শূন্যকালে,
 বিলাসে মজিতে গিয়া অনর্থ সাধন !
 কর প্রভু, কৰ্ম্মদোষ প্রতীকার মোর,
 কলঙ্কের হাতে দাও অব্যাহতি,
 নাশ কর ত্রিতাপ-উত্তাপ,
 নিভাও এ অনুতাপ অনল ভীষণ !

শ্রীকৃষ্ণ । কি হয়েছে প্রকাশিয়া কহ তপোধন ?
 আমি জুড়াইব তব ত্রিতাপের জালা,
 নিভাব আমিই তব অনুতাপ বহি !
 এ বিশ্ব কৰ্ম্মময়—কৰ্ম্মী মোরা সব ;

কর্ম শূন্য—হবে যে যখন
কর্ম-কর্তা নব কর্ম করিবেন দান,
কর্মীজনে আশ্রুতৃপ্তি হেতু ।
কহ কিবা কর্ম-ব্যাপদেশে
কোন্ সুমহান্ বস্মক্ষেত্রে গিয়া,
ঘটিয়াছে কি প্রকারে কোন্ কর্মদোষ ?

হর্কাসা । ক্ষণ ক্রোণী হর্কাসার রোম
কর্মদোষ করেছে সৃজন ।
গিয়াছিল ইন্দ্রের সভায়
নৃত্য-গীত গুনিবার তরে,
উর্কশীর ব্যাঙ্গোক্তি অন্তরে বুঝিলাম
অভিশপ্তা করিলাম তারে,
স্বর্গ হ'তে মর্তে পাঠাইয়া বনে ।

শ্রীকৃষ্ণ । কিবা অভিশাপ দানে স্বর্গ-অঙ্গরায়
মর্তধামে পাঠালেন বনে ?

হর্কাসা । দিবসে অশ্বিনীরূপে করিয়া ভ্রমণ
সন্ধ্যা-সমাগমে পাবে নিজ রূপ ।

শ্রীকৃষ্ণ । শাপোদ্ধারে কি উপায় রেখেছেন তার ?

হর্কাসা । অষ্টবজ্র সম্মিলনে অশ্বিনী-উদ্ধার ।
সেই অষ্টবজ্র সম্মিলন ভার,
উর্কশীর অশ্বরূপ উদ্ধারের ভার,
হর্কাসার বড়ই হর্কহ ভার,
হে ভূপার হরণকারী ! ধর ভার হর্কাসার ।
কর আণ কর্মদোষে মোর ।

বিপন্ন ব্রাহ্মণ আমি,
 নিরুপায়—অবসন্ন—হ'য়ে
 তোমার শরণাপন্ন, প্রভু !

শ্রীকৃষ্ণ । হে ব্রাহ্মণ !
 স্তির হ'ন-পরিহরি ব্যাকুলতা ।
 অষ্টবক্র সন্মিলন ভার—
 যাহা ব্রাহ্মণের গুরু ভার
 সেই ভার লইলাম আমি :
 আমিই সেই অশ্বিনীকে করিব উদ্ধার,
 অষ্টবক্র করি সন্মিলন ।

হর্ষাসা । আঃ ! এ ক্ষণে হলেম নিশ্চিত,
 ভার দিবে ভব-ভারহারী হরির উপরে
 বিশ্রামের হ'ল অবসর ।

শ্রীকৃষ্ণ । বিশ্রামের সময় এ নহে, ঋষিবর !
 কন্ধ্য কর কন্ধ্যক্ষেত্রে কন্ধ্যী সাজে সাজি ।
 অষ্টবক্র সন্মিলন গুরুতর কন্ধ্যে
 সহায়তা করুন আমার ।

হর্ষাসা । আমি অতি ক্রোধী বিকৃত মস্তিষ্ক
 নির্যত চঞ্চল চিত্ত,
 আমি কি পারিব, প্রভু !
 অষ্টবক্র সন্মিলনে—অশ্বিনী উদ্ধারে
 সহায়তা করিতে কিছুই ?

শ্রীকৃষ্ণ । অন্য সহায়তা কিছু হবে না করিতে,
 মাত উর্কশীরে দিন পাঠাইয়া

কোন পুণ্যবান ভাগ্যবান নরের আশ্রয়ে ।

ছৰ্ব্বাসা । কেবা হেন পুণ্যবান—হেন ভাগ্যবান
উর্কশীরে এ বিপদে দানিবে আশ্রয় ?

শ্রীকৃষ্ণ । ভাগ্যবান নরপতি দণ্ডী নাম তাঁর
আসিত্তেছে বনমাঝে মৃগয়া করিতে ।
অশ্বিনীরে যেতে বল সম্মুখে তাহার
তাহ'লেই পাইবে আশ্রয় ।

ছৰ্ব্বাসা । তাহ'লেই তব যদি সাহায্য তোমার,
এই দণ্ডে অশ্বিনীর করিয়া সন্ধান
পাঠাইব মৃগয়ার্থী দণ্ডীর নিকটে ।
আসি তবে প্রভু !

প্রণমি চরণে—

শ্রীকৃষ্ণ । করেন কি ঋণি !
ধরাধামে আমি যে ক্ষত্রিয় ।

ছৰ্ব্বাসা । হাঁ সত্য-তুমি ক্ষত্রিয় এখন,
ব্রাহ্মণের অকর্তব্য ক্ষত্রিয়ে প্রণাম.
ব্রাহ্মণ প্রণম্য ক্ষত্রিয়ের ।

শ্রীকৃষ্ণ । তবে ক্ষত্রিয় কৃষ্ণের সতর্কি প্রণাম
গ্রহণ করিয়া ঋণি ! দিন্ আশীর্বাদ ।

[প্রণাম]

ছৰ্ব্বাসা । আশীর্বাদ—মনোসাধ পূর্ণ হ'ক তব
অষ্টবক্র সম্মিলনে
মহাকীর্ত্ত রেখে যাও বিশ্বে ।

[প্রস্থান ।

শ্রীকৃষ্ণ । সত্যকি ! গুনিলে সকল তুমি,
সাবধান—রেখো সংগোপনে !

সত্যকি । চিরদাস সত্যকি তোমার
আজ্ঞাবহ—আদেশ পালক ।
তব আজ্ঞা শিরোধার্য—
সাবধানে রাখিব গোপন ।
এস প্রভু, করিবে বিশ্রাম ।

[উভয়ের প্রস্থান ।]

তৃতীয় দৃশ্য :

বনভূমি

মৃগয়াবেশে দণ্ডী, সেনাপতি ও সৈন্যগণের প্রবেশ ।

দণ্ডী ! সেনাপতি ! এই স্থান হ'তে সতর্ক-সূক্ষ্ম দৃষ্টিতে লক্ষ্য কর—
কোথাও কোন শিকার পরিলক্ষিত হচ্ছে কি না ?

সেনা :। কৈ—না মহারাজ ! কোন শিকারই ত'নয়ন গোচর
হচ্ছে না । বরাহ, মৃগ, সজ্জাক, কোন প্রাণীরই দেখা নাই ।

দণ্ডী । আমাদের কোলাহলে হয় ত তারা বন পরিত্যাগ ক'রে
পলায়ন করেছে, অথবা কোনরূপে আত্ম-গোপন ক'রে আছে ।

সেনা । তাও অসম্ভব নয় মহারাজ ! প্রাণের ভয়ে সকলেই শঙ্কিত ।

বয়স্যের প্রবেশ ।

বয়স্য । মহারাজ ! মহারাজ ! সেনাপতি মহাশয় ! ঐ—ঐ দেখুন
একটা জ্বর শিকার দেখা দিয়েছে । ঐ—ঐ দেখুন কেমন একটা
রংদার ঘোড়া বনের মাঝে ঘুরে ঘুরে বেড়াচ্ছে ! ঘোড়ার অমন
রং—অমন চেহারা আমি কখনিকালেও দেখি নি । মহারাজ ! ঐ
ঘোড়াটাকে যদি কোন রকমে জীবন্তে ধ'রে নিয়ে যেতে পারা যায়,
তাহ'লে বেশ মজা ক'রে চড়া হবে ; আর রাজ-ভাণ্ডারে একটা
রকমারী ঘোড়াও থেকে যাবে । তাতে একটা প্রদর্শনী বসিয়ে পরমাণ্ড
উপায় হতে পারে ।

দণ্ডী । সত্যই ত ! সেনাপতি ! দেখ-- দেখ—কেমন একটা নয়ন

রঞ্জন—মনোহর অশ্ব ঐ অদূরে বিচরণ করছে ! এমন অপূর্ব—চিত্র-
বিচিত্র, সুচারুদর্শন—সুপ্রিয় অশ্ব যে, ইতিপূর্বে কেউ কখন দেখেছি,
তা বোধ হয় না ।

সেনা । না, মহারাজ ! এমন বিচিত্র বর্ণ সংযুক্ত অশ্ব আমরা
আর কখন দেখি নাই, ঐ অশ্বটাকে আজ আমাদের সংগ্রহ করতে
হবে মহারাজ ! যুগ্মায় অশ্ব শিকার না পাই, ঐ অশ্বটাই জীবন্তে
শিকার করতে হবে ।

দণ্ডী । তাই কর সেনাপতি ! তাই কর । তুমি সত্বর সৈন্যগণ
সহ চতুর্দিক বেষ্টিত কর । মধো গম্বুক আবদ্ধ কর—ব্যূহাকারে
ওকে বন্দী করবার চেষ্টা কর—বেমন ক'রে পার ঐ অশ্বকে ধৃত
কর—ঐ অশ্ব আমার চাই ।

বয়স্য : হাঁ, হাঁ, ওটাকে ধরা চাইই । দেখো যেন কোন রকমে
ফাঁক পেয়ে পালাতে না পারে ?

দণ্ডী । হ্যা—সেনাপতি ! সকলকে জানাচ্ছি—আমার কঠোর
আদেশ, ঐ অশ্ব যার কাছ দিয়ে ব্যূহভেদ ক'রে পলায়ন করবে,
তার প্রাণপণ চেষ্টায় ঐ অশ্ব ধ'রে এনে দিতে হবে, অক্ষম হ'লে
তার প্রাণদণ্ড করব । যাও, সত্বর কার্য্য তৎপর হও ।

সেনা । আপনি সম্মুখ পথ রোধ ক'রে রাখুন, আমরা অবিলম্বে
বিছ্যাংগতিতে চক্রাকারে ঐ অশ্বকে বেষ্টিত করছি । এস সৈন্যগণ !

[সৈন্যগণ সহ প্রস্থান ।

দণ্ডী । বয়স্য ! আমার সঙ্গে এস, ব্যূহ-মুখ রোধ ক'রে থাকতে
হবে ।

[বয়স্য সহ প্রস্থান ।

সেনা। [নেপথ্য হইতে] অশ্ব ঘেরা পড়েছে—সাবধান! যেন
পলায় না।

শশব্যস্তে দণ্ডীর প্রবেশ ।

দণ্ডী। আশ্চর্য্য—আশ্চর্য্য শক্তি!
অদ্ভুত অশ্বের গতি!
চক্ষের পলক নাহি ফেলিতে ফেলিতে
মম পার্শ্ব দিয়া গেল পলাইয়া
জা বিমুক্ত তীরের মতন;
নারিলাম ধরিতে অশ্বেরে।
ওই—ওই—ধায় উর্দ্ধ্বাসে—
আর পাছে ফিরে চায়।
যাই—আমি অশ্বের অনুসরণ করি
যে প্রকারে পারি নিশ্চয় ধরিব অশ্ব।
ওই লতাগুল্য গায়ে পনি' মনের হরষে
লতা-পত্র করিছে ভঙ্গল।
এই অবসরে আমি সুযোগ বুঝিয়া
সুর্কোশলে ধরিব অশ্বেরে।
এমন সুন্দর অশ্ব না পেলো ধরিতে
বথা এ শিকারে আসা, বৃথা এ জীবন।
ওই পুনঃ ধায় অশ্ব চঞ্চল চরণে!
কোথায় যাইবে তুমি দৃষ্টি ছাড়া হ'য়ে,
দণ্ড মধ্যে দণ্ডী তোলা করিবে আয়ত্ন
যথা যাবে তুমি অশ্ব, দণ্ডী সঙ্কে যাবে

প্রাণপণ আমি তোমারে ধরিতে,
দেখি পাই কিনা পাই তোমায় তুরঙ্গ !

[বেগে প্রস্থান ।

বয়স্যের প্রবেশ ।

বয়স্য । এ আবার কি হ'তে কি হ'ল ?
বেড়াজালে বাধা পড়ি সূচারু তুরঙ্গ
মহারাজ দণ্ডের পার্শ্ব ভেদ করি
বায়ুবেগে গেল পলাইয়া ।
মহারাজ তার পশ্চাতে পশ্চাতে
ক্রতপতি হ'ল ধাবমান ।
সৈন্যদল ছত্রভঙ্গ—সেনাপতি অস্তুরিত
কে যে কোন্ পথে গেল নাহিক নির্ণয় ।
এখন একাকী—আমি এ বনের মাঝে
নিরীহ—নিরঙ্গ প্রবীণ ব্রাহ্মণ
কি করি—কি খাই—কোথায় বা যাই ?

দণ্ডী । [নেপথ্য হইতে ;
কতদূর বাবে তুমি অস্থ ?
ধরিব নিশ্চয় তোমা, সাগরে লুকালে ।

বয়স্য । 'ওই ওই মহারাজ ! এই দিকে—
এই দিক হ'তে—এসেছে তাঁহার সুর ।
যাই—যাই তবে এই পথে ।

[বেগে প্রস্থান ।

গীতকণ্ঠে সৈন্যগণের প্রবেশ ।

বাবারে, কি হ'ল রে একি ঝড়—বাদল ।

ওলোট পালোট করলে ঝড়ে, ভাসুল জলে ধরাতল ।

তোলুপাড় করছে গাছ পাতা, কোথায় দাঁড়াই সাঁঝের বেলা,

তাইরে পাতা পাতা, সামলা ঠেলা নৈলে প্রাণটী হবে বিকল ।

মেঘ ডাকছে গোঁ—গোঁ—গোঁ, ঝড় বইছে সোঁ—সোঁ—সোঁ ।

ছুট্ লাগা সব পোঁ—পোঁ—পোঁ । —আপনি বাঁচলে বাবার নাম ;—

বাজ পড়ছে কড়্ কড়াকড়, বুক করছে ধড়্ ফড়্ ধড়্ ফড়্,

যদি পালিয়ে বাঁচ'বি তৎপর তবে চল্—চল্—চল্ ।

[প্রস্থান ।

সেনাপতির প্রবেশ ।

সেনা ।

অকস্মাৎ ভীষণ দুর্যোগে

প্রাকৃতিক বৈশ্বচন বশে

সব ছন্নছাড়া—আমি সঙ্গ—হারা !

রাজা গেল অশ্বের পশ্চাতে

সন্ধান জানি না তাঁর,

কোথা সে বয়স্ক সুরসিক

কোথা মম প্রিয় সৈন্যগণ—

জানি না কিছুই তার কোন সমাচার !

এবে শাস্ত সে ঝটিকা, শাস্ত এ প্রকৃতি,

কিন্তু আমি বিপন্ন—অশাস্ত ।

হৃষ্যোগের অবসান সনে
 সন্ধ্যার ধূসর ছায়া অঁধারে মিশিয়া
 ধীরে ধীরে আসি ঘেছিল কানন !
 এইকালে বন পথে চলা অসম্ভব ;
 না গেলেও জীবনের ভয় !
 মাংসাশী হিংস্র প্রাণী আছে বনভূমে
 নেত্র পথে পড়িলে তাদের,
 রাত্রি মধ্যে পঞ্চত্ব পাইব ।
 না—তার চেয়ে উঠি কোন উচ্চ বৃক্ষোপরে—
 অন্ধ রাত্রি জাগিয়া—মাপিতে ।
 চতুর্থী রজনী আজি ক্লমপক্ষ
 অষ্টদণ্ড পরে যবে হবে চন্দ্রোদয়,
 তখন অনেক হইব নির্ভয় ।
 নারায়ণ ! সকলি তোমার খেলা প্রভু !
 দয়া—ক'রো এ দাসের প্রতি ।
 বাঁচাইয়া রেখো আজ এই কাল রাতে
 বাঁচাইও রাজার জীবন
 রক্ষা ক'রো—সেই ব্রাহ্মণ বয়স্বে,
 রক্ষা ক'রো—সৈন্তগণে ।
 নিরাপদে রাত্রি গত হ'লে
 প্রত্যুষেই সকলের করিব সন্ধান ।
 বাই—উঠি গিয়া—বিটপী আশ্রয়ে ।

পুনঃ শশব্যস্তে দণ্ডীর প্রবেশ ।

দণ্ডী ।

ওই—ওই ধায় অশ্ব বেগে !

বহুশান অশ্বসনে করিলু ভ্রমণ

কিন্তু কি আশ্চর্য্য হায় !

এত চেষ্টা করি অশ্ব পারি না ধরিতে,

এত দ্রুতগামী অশ্ব কভু হেরি নাই ।

ভীষণ ঝটিকাবর্ডে চঞ্চল না হ'য়ে

প্রাণ মায়া করি পরিভ্যাগ,

বুড়িজলে সিন্ধু দেহ হ'য়ে

আসিতেছি অশ্বের পশ্চাতে ।

দেখিতে—দেখিতে সন্ধ্যা আগমনে

কোথায় লুকান অশ্ব না পাই খুঁজিয়া !

তন্ন তন্ন করি অবেষণ,

স্থল্ল দৃষ্টে করি নিরীক্ষণ,

তবু সে অশ্বের আর দেখা নাহি পাই ।

একি একি পুনঃ হেরি অপরূপ !

নিবিড় কানন ঘোর অন্ধকারময়

কেহ নাই বনমাঝে, আশ্রয় নাহিক কার,

তবে কোথা হ'তে হেন অসময়

বিদ্যৎ প্রভায় আলো করি এই বন,

নারী মূর্ত্তি কে আসে এদিকে !

ধীর মছর মরাল গমনে

কেন বালা একাধিনী—বন বিহারিণী ?

কিছু না বুঝিতে পারি রহস্য ইহার ।
ইচ্ছা হয় কাছে গিয়া ওর
পরিচয় করিয়ে জিজ্ঞাসা,
উৎকর্ষা করি নিবারণ ।

[প্রশ্নান ।

নিজবেশে উর্কশীর প্রবেশ ।

উর্কশী ! সারাদিন গত হ'য়ে গেল,
সন্ধ্যা—সমাগমে পাই নিজরূপ ।
বিজন বিপীন মাঝে অন্ধরা—উর্কশী—
অনাথার মত নিরাশ্রয় হ'য়ে,
অভিশাপ ছুঁকাসার করিতেছি ভোগ !
হায় ! কেন রূপ যৌবনের গর্বে,
ঋষিবরে ব্যঙ্গ করিলাম ?
কেন হেন দুর্শক্তি হইল আমার ?
যেমন ছিলাম সুখে ত্রিদিব নগরে
তেমনি দুঃখের বজ্র পড়িল মস্তকে !
নারায়ণ ! কর ত্বরা মম শাপোদ্ধার ।
পারিনা অশ্বিনীরূপে যাতনা ভুঞ্জিতে,
ত্রাণ কর—ত্রাণ কর দয়াময় হরি !

দণ্ডীর পুনঃ প্রবেশ ।

দণ্ডী ! কে তুমি সুন্দরী বাল্য
একাকিনী জমিছ কাননে ?

উর্কশী । আমি অভাগিনী স্বর্গের অঙ্গরা—

উর্কশী আমার নাম ।

তুর্কাসার অভিশাপে ভ্রমি বনে বনে

দিবাভাগে অশ্বিনী হইয়া,

সন্ধ্যায় আবার পাই নিজরূপ ।

দণ্ডী ।

তবে তুমিই কি এতক্ষণ

ছুটিয়াছ অগ্রে অগ্রে মোর ?

যে অশ্বের অনুসরণ করি.

সৈন্য—সেনাপতি সঙ্গ ছাড়া হ'য়ে,

এতদূর আসিয়াছি অজ্ঞানের মত,

তুমিই কি তবে সেই বিচিত্রা অশ্বিনী ?

উর্কশী : সত্য তব, মহাভাগ ! এই অনুমান !

আমারি পশ্চাৎ ধরি তুমি এতক্ষণ

বহুকষ্ট সহ করি এসেছ ছুটিয়া ।

নহি আমি প্রকৃত অশ্বিনী,

স্বর্গের অঙ্গরা উর্কশী আমার নাম,

তুর্কাসার অভিশাপে অশ্বী রূপে ভ্রমি,

কর্মফলে নিরাশ্রয় হইয়া কাননে ।

দণ্ডী ।

সুবদনী ! হেরি তব রূপের মাধুরী,

চিত্ত মোর প্রেমাকৃষ্ট তোমার উপর ।

অশ্বিনীর রূপে যবে হেরিয়াছি তোমা,

তখনও বিচিত্র বর্ণ হেরি অঙ্গে তব,

মোহিত হইয়া এসেছি ধরিতে ।

যদি বিধাবোধ না কর, সন্দরি !

হও যদি মম প্রণয়িনী,
 আমি তোমা দানিব আশ্রয় ।
 উর্ধ্বশী এত ভাগ্য হবে কি আমার ?
 পাইব কি ককুণা তোমার ?
 কে তুমি হে রূপবান্ ?
 বেশ দেখি বোধ হয় রাজ্যেশ্বর তুমি !
 দণ্ডী । সত্য, শুভাননে !
 আমি মহারাজ দণ্ডী, অনন্তর অধিপতি ।
 মৃগয়া—কারণে পশিয়া কাননে
 তোমারেই নিরখিলু অশ্বিনী রূপেতে,
 তারপর যা হয়েছে জান ত সকলি ?
 কস্ম্যচারিগণে দিয়েছি আদেশ
 চক্রাকারে ঘেরিয়া তোমায়
 হস্তগত করিতে কৌশলে ।
 যার পার্শ্ব দিয়া অশ্ব যাবে পলাইয়া,
 দিতে হবে অশ্ব তারে আনিয়া যেক্রমে,
 নচেৎ জীবন নাশ করিব তাহার ।
 কিন্তু তুমি অশ্বিনী রূপেতে
 মম পার্শ্ব দিয়া তীরবেগে এলে পলাইয়া,
 আমিও পশ্চাতে তব এসেছি ছুটিয়া ।
 এবে তুমি মোর সঙ্গে না বাইলে,
 অশ্ব রূপ করিয়া ধারণ,
 না পারিব মগোরবে নগরে পশিতে ?
 উর্ধ্বশী । মহারাজ ! আমি তব রহিব আশ্রিতা,

অকপটে দানিব প্রণয় হেন যোগ্যজনে ।
 কেন কাতরতা এত তাহার কারণ ?
 যাব আমি তব মনে অশ্বিনী হইয়া ।
 কিন্তু দুর্কাসার বাণী—
 দিবার অশ্বিনী হব, নিশায় উর্কশী ।
 অদ্য নিশা দণ্ডী—উর্কশীতে
 মহানন্দে বাস করিয়া হেথায়,
 প্রত্যয়ে অশ্বিনী রূপে যাব তব মনে ।
 কিন্তু রাজা, আছে মম এক নিবেদন,
 নিজগুণে করহ শ্রবণ !

দণ্ডী । বল—কিবা আছে বক্রব্য তোমার ?
 উর্কশী । স্বর্গ-বেশ্যা আমি তব হইব আশ্রিতা,
 নিশায় হইব বটে তব প্রণয়িনী,
 দিবাভাগে অশ্ব-মূর্ত্তি করিব ধারণ ।
 দিবা-নিশা সর্বকালে তুমি
 সঙ্গে সঙ্গে রাখিবে আমায় ?
 মোর রক্ষা তরে অরাতি-সঙ্কটে
 আবশ্যক হ'লে যদি দিতে হয় প্রাণ,
 সম্মত কি হবে তাহে তুমি ?
 হও যদি সম্মত ইহাতে,
 তবে কর পণ
 মম রক্ষা হেতু রবে প্রাণপণ !

দণ্ডী । এই নিশাকালে পরনি তোমার শির,
 চক্রদেবে সাক্ষ্য রাখি, করিতেছি পণ—

তোমার রক্ষায় আমি হব প্রাণপণ ।
 বিশ্ব যদি হয় একদিকে,
 তথাপি প্রেমসী ! না পারিব ত্যজিতে তোমার ।
 অসমর্থ হই যদি রক্ষায় তোমার,
 তব সনে গঙ্গাজলে নিমগ্ন হইয়া
 এক সঙ্গে ত্যজিব জীবন ।

উর্ধ্বশী । তবে আমিও তোমার দিলাম জীবন,
 যতদিন দুর্কাসার অভিশাপ ভোগ,
 ততদিন রব রাজা, আশ্রিতা তোমার !
 কিন্তু দেখো মহাভাগ !

অন্তের আশ্রয়ে যেন না হয় ঘাইতে !

দণ্ডী । তোমার প্রাণয়লাভে ভাগাবান্ হ'লে,
 চোখে-চোখে বৃকে বৃকে পরম যতনে
 কণ্ঠহার সম সদা কণ্ঠেতে রাখিব ।
 যতক্ষণ দণ্ডী দেহে রহিবে জীবনীশক্তি,
 ততক্ষণ কার সাধ্য লইতে তোমায় ?

উর্ধ্বশী । প্রিয়তম ! দেখ কিবা সুন্দর চাঁদিমা !
 কি সুন্দর শশধর গগনের গায় !
 তারকাখচিত নভঃস্থল—
 জ্যোৎস্না বিধৌত ধরাতল
 মৃদু মন্দ গন্ধবহ
 প্রাণানন্দ প্রদ প্রসূনের গন্ধ—
 পাপিয়ার সুমধুর তান, কেমন সুন্দর !

দণ্ডী । প্রিয়তমে ! তুমি আর আমি যুবক যুবতী

এমন পবিত্রকালে নির্জনে মিলিয়া

বিশ্বময় নেহারি সুন্দর !

সুন্দরি ! এ কেবল তব রূপ-গুণে !

উর্ধ্বশী । না—না প্রাণসখা ! পরম সুন্দর তুমি,

তোমার মিলনে আমি,

সুন্দর নিরখি সমুদয় !

বগ্নী । কথাস্তরে নাহি প্রয়োজন,

চল যাই কোন নিরজন স্থানে,

অন্ত নিশা প্রেমালোকে করি অতিপাত,

প্রত্যাষেই বাব রাজ্যমুখে ।

সৈন্য-সেনাপতি দৈব ছর্কিপাকে

কে কোথায় গিয়াছে চলিয়া,

রাত্রে কারু সনে আর হবে না সাক্ষাৎ ;

অতএব তুমি আমি সুন্দর-সুন্দরী

সুন্দর এ প্রকৃতির সুকোমল অঙ্গে,

সুখ তৃণ শয্যা' পরি করিয়া শয়ন

সুন্দর শশাঙ্ক দেবে হেরিতে হেরিতে

আত্মহারা হ'য়ে রব প্রণয়ে ডুবিয়া ।

এস ধনি ! এস—এস সুধাংশুবদনি ! [হস্তধারণ]

উর্ধ্বশী । বাহ! অতিক্রমি তব কর প্রাণনাথ !

আশ্রিতা দাসীর মত

রব তব চির অনুগতা !

[উভয়ের প্রস্থান ।

চতুর্থ দৃশ্য ।

বন ।

বনবাসিগণ ও বনবাসিনীগণের প্রবেশ ।

সকলে ।—

গান ।

বামিনী পোহাইল,

প্রভাত হইল

জাগ-জাগ বনবাসী ।

প্রাতঃস্নান করি'

প্রাতঃকৃত্য সারি'

প্রভুর সেবা-অভিলাষী ॥

হুল শু জীবন

মল্লয়া জনম

দিয়েছেন যিনি করুণা প্রকাশি,

শরনে-স্বপনে সার,

ভোজনে-গমনে তাঁর

নাম ছপ আর ভাব রূপরাশি ॥

সম পদ্ম পত্র জল

জীবন সচকল

মানব দেহ নহে অবিনাশী,

এই আছে এই নাই,

কিসের গরব ভাই

হরি ব'লে বাহতুলে নাচ অহর্নিশি ॥

[প্রস্থান ॥

দ্বিতীয় অঙ্ক ।

প্রথম দৃশ্য ।

ঘরকা—কক্ষ ।

শ্রীকৃষ্ণ শয্যাপরি বসিয়া আছেন, সেবিকাগণ
চামর ব্যজন করিতে করিতে গাহিতেছিলেন ।

সেবিকাগণ ।—

গান ।

শ্রীকৃষ্ণের শ্রীঅঙ্গ সেবা করি আয় সবাই ।

কৃষ্ণদাসী আমরা সকলে কৃষ্ণ-সেনিকা তাই ॥

চারু বসানে মাখালো চন্দন,

কঙ্কল রাগে সাজালো নয়ন,

কুসুম দামে করি শ্রীপদ বন্দন

ভবের বন্ধন যাতনা এড়াই ।

চামর ব্যজনে জুড়াই অঙ্গ,

হুহু হইবে শ্যাম জিভঙ্গ,

আনন্দে আমরা করিয়া রঙ্গ

মরম যাতনা জুড়াতে চাই ।

[প্রস্থান ।

শ্রীকৃষ্ণ । তোমাদের আন্তরিক সেবা-শুশ্রূষায় আমি পরম পরিতৃপ্ত-
পরিতুষ্ট । যাও, তোমরা নিজ নিজ স্থানে বিশ্রাম করগে যাও ।

সেবিকাগণ । প্রভু ! আমাদের প্রণাম গ্রহণ করুন । [প্রণাম]

[প্রস্থান ।

শ্রীকৃষ্ণ । কর্তব্যের কঠোর নিয়ম মানুষকে কন্দক্ষেত্রে কর্মীরূপে দাঁড় করায় । কর্তব্যই মানুষকে প্রকৃত কর্মীরূপে প্রচার করে, অকর্তব্যই মানুষকে অলস—অকর্মণ্য—উৎসাহ-বিহীন করে । কর্মময় এই বিশাল বিশ্বে সকাম ও নিকাম দুই প্রকার কর্ম । মানুষ জীবনে যে, সেই কর্মের অপব্যবহার করে, তার জীবন বিড়ম্বনাময় । মহর্ষি দুর্কাসা আজ সেই কর্মের অপব্যবহার জনিত মনস্তাপে মন্থাহত । সাধন ভজন, যোগ তপ; সব পরিত্যাগ ক'রে তাই আজ মর্তে বনে বনে ভ্রমণ করছেন । কার্যের পূর্বে যদি মানুষ বিবেচনা ক'রে কাজ করে, পরিণাম চিন্তা করে তাহ'লে মানুষকে তার অশান্তি ভোগ করতে হয় না । সংসারী কর্মী নানব ! যদি প্রকৃত মানুষরূপে আপনাকে গ'ড়ে তুলতে চাও, তবে জ্ঞানমার্গে গমন কর, বিবেচনা পূর্বক কর্ম সমাধা কর, তাহ'লে শান্তি পাবে—তৃপ্তি পাবে—অপার আনন্দ উপভোগ করতে পাবে ।

মদনের প্রবেশ ।

মদন । পিতা !

শ্রীকৃষ্ণ । কেন, প্রহ্লাদ ?

মদন । মহর্ষি দুর্কাসার প্রমুখাৎ এক আশ্চর্য্য সমাচার শুনে কৌতূহলাবিষ্ট হ'য়ে আপনাকে জানাতে এসেছি ।

শ্রীকৃষ্ণ । কি শুনেছ, প্রহ্লাদ, মহর্ষির নিকট কি সংবাদ পেয়েছ ?

মদন । অতীব বিস্ময়কর—আশ্চর্য্য সংবাদ ! মহারাজ দণ্ডী এক অপূর্ব সুন্দর অশ্বিনী প্রাপ্ত হয়েছেন, ভেগন অশ্বিনী এই ত্রিভুবনে দুর্লভ ।

শ্রীকৃষ্ণ । বেশ ত, তাঁর ভাগো ছিল, তিনি পেয়েছেন ; এ ত আনন্দ-সংবাদ প্রচার !

মদন । সত্য, কিন্তু পিতা ! আপনার রাজত্বাণ্ডারেই সেই অশ্ব শোভা পায় । দ্বারকেশ্বর শ্রীকৃষ্ণের ভাণ্ডারে যা নাই, সামান্য রাজ্য দণ্ডীর কাছে তেমন আশ্চর্য্য বস্তু থাকা উচিত নয় । তাতে যাদবের মানহানি হবে, পিতা ! সেই অভিনব অশ্ব দর্শনে, দণ্ডীর আলয়ে বহুলোক সমাগম হ'য়ে, একটা প্রদর্শনী ব'সে যাবে । সে যাদবের রাজপুরী সৌন্দর্য্যে সর্বশ্রেষ্ঠ যে যাদব-রাজ-ভাণ্ডারের নানাবিধ রত্ন-গনি-যুক্তা, গজ বাজী ভুবন বিখ্যাত, সেই যাদবের সেই গৌরব বিধ্বংস করবে দণ্ডী রাজ্যের সেই বর্গ বিচিত্রিত অশ্বিনী ? অতএব আমাদের সকলের অভিপ্রায় পিতা ! সেই মনোহারিণী-লাবণাময়ী অশ্বিনীকে দ্বারকার রাজ-ভাণ্ডারে এনে রক্ষা করি ।

শ্রীকৃষ্ণ । প্রচার ! আমার আয়ুজ্য তুমি, তোমার মানসিক ইচ্ছার সঙ্গে আমারও অভিমত সম্মিলিত হ'য়ে গেল । প্রত্যাখ্যান করতে পারি না তোমার এই সুযুক্তি পূর্ণ উক্তিকে । সত্যই ত, যা জগতে দ্বিতীয় নাই—যা সুন্দরের সেরা, এমন যে অশ্ব, তা দ্বারকাপতি কৃষ্ণের ভাণ্ডারেই শোভা পায় । আমার দ্বারকা-পুরীর মতন অপূর্ব পুরী যেমন দ্বিতীয় নাই, আমার রাজ সন্মানের মত সন্মান-প্রাধিকার যেমন আর কারু নাই, আমার ভাণ্ডারে যা নাই, তা যখন ব্রহ্মাণ্ডের কোথাও নাই, তখন সে অশ্বিনীকে দণ্ডীর আলয়ে রাখা হবে না । তাকে নিয়ে আসতে হবে দ্বারকার ।

মদন । তবে অক্ষুণ্ণ ক'রুন, পিতা ! আমরা সবিক্রমে মদন বলে পরপালেরমত দণ্ডী রাজ্যে চেপে পড়িগে । কুৎকারে ভয়ের মত দণ্ডীকে উড়িয়ে দিতে আমাদের সমবেত যাদবগণের মিলিত

নিঃশ্বাস, প্রহর বড়ের মত তার উপর আপতিত হবে। স্বাদব-শক্তির প্রতিঘাতে অবন্তীর সুখরাজ্য সহ দণ্ডীর উচ্ছেদ সাধন ক'রে, বীরের মত সদর্পে সেই অশ্ব আনয়ন করি। অথবা বলেন যদি, অবন্তীর— বা দণ্ডীরাজের কোন অনিষ্ট না ক'রে কোশলে অশ্বিনী হরণও করতে পারি।

শ্রীকৃষ্ণ। না, প্রহর! অশ্বিনী হরণ করলে চলবে না, তাতে গৌরব নেই—যশ নেই—সুনাং সুখ্যাতি নেই। দণ্ডীর নিকট হ'তে সেই অপূর্ব সৌন্দর্য্যময়ী অশ্বিনীকে হরণ না ক'রে অশ্বিনী উদ্ধার কর। আমার আজ্ঞাবাহক হ'রে তুমি অবন্তী নগরে গমন কর, দণ্ডীরাজকে বলবে—তঁার অভিনব অশ্বিনী আগাকে দান করতে, তার বিনিময়ে আমি শত, সহস্র, কোটি অশ্ব তাঁকে প্রদান করব। যদি আমার এ আদেশ অমান্য ক'রে অশ্বিনী প্রদান প্রস্তাবে অসম্মত হয়, তাহ'লে সদর্পে সগরায়োজন ক'রে তাঁর কাছ হ'তে অশ্বিনী উদ্ধারে দৃঢ়প্রতিজ্ঞ হব। যাও, মদন! যাও, প্রিয়পুত্র প্রহর! অনতিবিলম্বে সন্দেশবহু রূপে তুমি অবন্তী নগরে দণ্ডীর নিকট গমন কর।

মদন। শিরোধার্য্য আপনার অনুজ্ঞা, পিতা! এই দণ্ডে দূতরূপে আপনার আদেশ বহন করে অবন্তীরাজ্যে দণ্ডীরাজের নিকটে গমন করি। কিন্তু সহজে যে অশ্বিনী প্রদানে রাজ্য সম্মত হবেন না, এ স্থির জানবেন, পিতা!

শ্রীকৃষ্ণ। সে জন্ম আমি প্রস্তুত থাকছি, চিন্তা নাই।

মদন। আসি তবে, পিতা! [প্রণাম]

[প্রস্থান ।

শ্রীকৃষ্ণ। উর্ধ্বশী-অশ্বিনীরূপে দণ্ডীরাজের আশ্রয়ে এসেছে যখন, তখন ঐ অশ্বিনী উদ্ধারের আর বিলম্ব হবে না। কার্য্যের সূত্র-আরম্ভ

হয়েছে এই প্রথম, এখনও মধ্য ও অন্ত অবশিষ্ট । অষ্টবজ্র সম্মিলনে
অশ্বিনীর শাপোদ্ধার হবে । দণ্ডী ত অশ্বিনী প্রদান 'করবেই না, তবে
আমি নিশ্চিত থাকি কেন ? অশ্বিনী উদ্ধারের আয়োজনে প্রস্তুত
হই । সাত্যকি ! সাত্যকি !

সাত্যকির প্রবেশ ।

সাত্যকি । আদেশ করুন, প্রভু !

শ্রীকৃষ্ণ । প্রিয়তম সাত্যকি ! একটা নূতন সংবাদ শুনেছ ?

সাত্যকি । কৈ না, কি সংবাদ, দেব ?

শ্রীকৃষ্ণ । অবন্তী-নগরাধিপতি মহারাজ দণ্ডী এক অপূর্ণ দর্শন-
নয়নরঞ্জন নানা বর্ণে বিভূষিত মনোহারিণী অশ্বিনী লাভ করেছেন ।
তেমন সর্বাঙ্গ সুন্দর হয়, এই ত্রিভুবনে আর কোন স্থানে—কার
নিকট নাই । এমন কি অশ্বজাতির মধ্যে সেরূপ অপরূপ লাবণ্য
সংযুক্ত অশ্ব বা অশ্বিনী অত্মাপিও দৃষ্টি গোচর হয় না । আমি মদনের
নিকট সবিশেষ বৃত্তান্ত অবগত হ'য়ে ঔৎসুক্যবশতঃ তাকে অবন্তী
নগর প্রেরণ করেছি, সেই অশ্বিনী প্রদানের জন্ত মহারাজ দণ্ডীকে
আমার আদেশ জ্ঞাপন করতে । দণ্ডীরাজ যে, তাঁর যুগয়ায় লক্ষ
অশ্বিনী আমাকে সহজে প্রদান করতে সম্মত হবে, এমন আশা নাই ।
সুতরাং আমার অশ্বিনী লাভ আশা পূর্ণ করতে হ'লে দণ্ডীরাজের
সহিত সমর ঘোষণা করতে হবে । সেইজন্য তোমায় সতর্ক ক'রে
দিচ্ছি, তুমি ত্রিবিক্রমাদি বীরগণ সহ সৈন্য শ্রেণী সজ্জিত ক'রে,
প্রস্তুত থাক ; আমার আদেশ মাত্র সকলকে অবন্তীরাজের বিরুদ্ধে
অভিযান করতে হবে । অশ্বের রূপ যেরূপ বর্ণনায় শুনলেম, তাতেই
আমার চিত্ত মোহিত, না জানি সেরূপ দর্শনে কত আনন্দ ! যে

অশ্বের এমন রূপ—এমন সৌন্দর্য্য, যা জগতে আর দ্বিতীয় নাই, তেমন যে মনোহারিণী অশ্বিনী—তা আমার চাই। যাও, তুমি আমার আদেশ অক্ষরে অক্ষরে প্রতিপালন করগে।

সত্যকি। যে আজ্ঞে। [অভিবাদন]

[প্রস্থান ।

শ্রীকৃষ্ণ। এই অশ্বিনী উদ্ধার করে জগতে একটা নূতন লীলায় সূত্রপাত হবে। সে লীলারস্তুর মূল নাটক মহর্ষি দুর্কাসা; আমি লীলা-পরিচালক। এই লীলা-সূত্রে আমার প্রিয়তম পাণ্ডবগণের ধর্ম্ম পরীক্ষা হবে, সে পরীক্ষায় তাদের উত্তীর্ণ ক'রে উপাধি প্রদান করতে হবে ব'লে মহর্ষি দুর্কাসার এই অষ্টবজ্র সম্মিলনের অপূর্ব্ব অভিনয়। জগতের কোথায় কি হচ্ছে—হয়েছে—হবে, আমার কিছুই অবিদিত নাই, আমি সব জানি; অথচ সকলে জানে আমি কিছুই জানি না। দণ্ডীরাজা দিবসে অশ্বিনী নিয়ে আনন্দ পায় এবং রাত্রিতে সেই অশ্বিনী, উর্কশী মূর্ত্তিতে তাঁকে আনন্দ দান করে। এমন আনন্দ-প্রদায়িনী অশ্বিনীকে দণ্ডীরাজু কখনই প্রদান করতে পারবেন না। তাই আমিও অষ্টবজ্র সম্মিলনের আয়োজন করছি।

দুর্কাসার প্রবেশ ।

দুর্কাসা। হে নারায়ণ! হে বিপদবারণ! হে মধুসূদন! আপনার আদেশ অনুযায়ী অশ্বিনীকে দণ্ডীরাজের সম্মুখে প্রেরণ করি, মহারাজ দণ্ডী সেই অশ্বের অনুসরণ করতে করতে অকস্মাৎ সাগর উপনীত হয় এবং অশ্বিনী নিজ রূপ প্রাপ্ত হয়। তাই দেখে মহারাজ যুদ্ধ হ'য়ে অশ্বিনী সহ রাজ্যে এসেছেন এবং বেশ আনন্দে দিন অতিপাত করছেন। এইবার প্রভু! আপনি অশ্বিনীকে শাপে

মুক্তিদান করতে অষ্টবজ্র সন্নিবেশ করুন—আমার দুর্গাম যাক—কলঙ্ক
মোচন হুক্। সর্ব কর্মের কারণ ও কর্তারূপী কৃষ্ণচন্দ্র ! আমার
কৃত কর্মের কুফলের ধ্বংস সাধন ক'রে—অষ্টবজ্র সন্নিবেশে স্বর্গ-
নন্দী উর্ধ্বশীরে মুক্তি দান করুন—আমার এইমাত্র গিনতি ।

শ্রীকৃষ্ণ । হে মহাভাগ ! হে তাপসকুলতিলক ! আপনার এত
দূর ব্যাকুল হবার কোন কারণ নাই । গত কর্ম যা হ'য়ে গেছে,
তা যখন সংশোধনের কোন উপায় নাই, তখন সে জগৎ বৃথা আকু-
লতা । ব্রাহ্মণ যেমন কঠোর হ'য়ে অভিশাপ দিতে পারেন, আবার
কোমল প্রাণে সেই অভিশাপ মোচনে তেমনি আশীর্বাদ দিতে পারেন ।
কঠিন ও কোমল দুইই আছে ব্রাহ্মণে । ব্রাহ্মণ কপিলমুনি অভিশাপে
সগরবংশ ভষ্ম করলেন, গঙ্গা-আগমনে তাদের মুক্তি হ'ল । আপ-
নিও তদ্রূপ উর্ধ্বশীকে অভিশাপ দিয়ে অশ্বিনী করেছেন, আবার
আপনার চেষ্ঠাতেই অষ্টবজ্র সন্নিবেশ হ'য়ে অশ্বিনী উদ্ধার হবে ! কোমলে
কঠিনে—উজ্জ্বলে মধুরে ব্রাহ্মণ সংগঠিত । আকাশে জল আছে জীবের
জীবন, আবার বজ্রও আছে জীবন বিনাশন । সমুদ্রে অমূল্য রত্নও আছে
আবার কুস্তি রাদি জনজন্তুও আছে । বার ভাগ্যে রত্নলাভ—কাক
প্রাণ নাশ । তেমনি ব্রাহ্মণের নিকট অভিশাপও আছে ধ্বংস করার
জন্য—আবার আশীর্বাদও আছে জীবের মঙ্গলের জন্য । বার ভাগ্যে
যা ঘটে । আপনার যে মুখের অভিশাপ বাণীতে অঙ্গরা উর্ধ্বশী
অশ্বিনী, সেই মুখের আশীর্ষচনেই আমার বিধবা উমাতারার জটিল
নামক পুত্রলাভ—ভোজনন্দিনী কুন্তী দেবীর আকর্ষণী মন্ত্রলাভ ।
ব্রাহ্মণ ! আপনি অসাধারণ অসামান্য তপঃশক্তি সম্পন্ন । আপনার
দ্বারা জগতের মঙ্গল ব্যতীত অনিষ্ট হবে না । কেন আকুলতা—
কেন চিন্তা প্রভু ? চিন্তা ত্যাগ করুন—আকুলতার অবসান ক'রে

কেবল দেখে বান্—কিন্নপে অষ্টবক্র মিলন সংঘটিত হয় । আশুন,
আপাততঃ বিশ্রাম করবেন—সমরাস্ত্রে সমস্ত আপনাকে বুঝিয়ে বলব ।

হুর্কাসা । চিন্তামণি যখন বলেছেন চিন্তা নাই, তখন আর
চিন্তা কি ? ভূভারহারী ভগবান্ যখন আমার সমস্ত ভার গ্রহণ
করেছেন, তখন আর ভাবনা কি ? যার আশ্রয় পেলে নর জন্ম
সার্থক হয়, যার অভয় পেলে জীব, জন্ম-মৃত্যুর অবসান করতে
পারে—যার কৃপালাভ ক'রে কত শত সাধক—যোগী, মোক্ষ—
মুক্তি—নির্বাণ অর্জন করছেন,—যার অপার করুণাবলে সৃষ্টি, স্থিতি,
জন্ম, মৃত্যু সেই পরম কারুণিক পরম পিতা শ্রীভগবান যখন আমার
আশ্বাস দান করেছেন, তখন তার আমি ভাবি না । আর দুর্গাম-
কলঙ্কের আশঙ্কাও রাখি না । যার ইচ্ছায় কলঙ্ক—দুর্গাম—অধ্যাত্তি,
তিনিই সব দূর করবেন । নমঃ ব্রহ্মণ্যদেব্যায় গো ব্রাহ্মণ হিতায় চ,
জগদ্ধিতায় শ্রীকৃষ্ণায় গোবিন্দায় নমোনমঃ । [প্রণাম ।]

শ্রীকৃষ্ণ । আবার প্রণাম ক'রে ক্ষত্রিয় রাজার অকল্যাণ করছেন
প্রভু ! বরং আপনি আমার প্রণাম গ্রহণ করুন । [প্রণাম] প্রভু !
আমি এখন ব্রাহ্মণের দাস ক্ষত্রিয়, আমার আশীর্বাদ করুন ।

হুর্কাসা । আশীর্বাদ আর কি করব কৃষ্ণ ! তবে আপনি যখন
প্রণাম ক'রে আশীষ প্রার্থী হয়েছেন, তখন এই আশীর্বাদ করি—
হে শ্রীহরি ! সঙ্কটে পতিত মরণোন্মুখ জীবকে যেন ডাক্বামাত্রই
দেখা দিও এই মিনতি ।

শ্রীকৃষ্ণ । বিশ্বহিতকামী ব্রাহ্মণের বদনেই এ আশীর্বাদ শোভা
পায় । আদ্য আপনার এই শুভাশীর্বাদে আমি পরম প্রীত । আশুন,
বিনিময়ে আপনাকে প্রীতি প্রদানের ব্যবস্থা করিগে ।

[উভয়ের প্রস্থান ।

द्वितीयं दृश्यं ।

अवस्थी राजसभा ।

उत्तमने उपविष्ट महाराज दशुी, पार्श्वे
सेनापति ओ मन्त्री उपविष्ट ।

- दशुी । सुतकणे यईया मृगया
पईलाम सुन्दरी—अश्विनी ।
एमन अपूर्व नयन रङ्गन अश्व
त्रिभुवने करु नाहि आछे ।
भाग्यावान् आमि अतिशय
ताई ए अश्विनी लाभ अदृष्टे आमार ।
- मन्त्री । महाराज ! ये अवधि अश्विनी पईय!
सयतने राजपुरे करेछेन रक्षा,
तदवधि कि जानि केन वा मने हर्य मोर
अश्विनीर तरे बुझि घटे अमङ्गल ।
- सेना । अश्विनी-सौन्दर्य देशे ह'ले प्रचारित
निरापदे ना हईवे अश्विनी संश्लोग ।
- दशुी । आमार मृगया लक्ष अश्विनी रतने
कार साध्य करिते ग्रहण ?
केन तवे निरापदे पाव ना अश्विनी ?
आजि मम आनन्देन दिन
अत्यद्भुत अश्विनीरे करि हस्तगत ।

হেন আনন্দের দিনে—আনন্দ করহ সবে ।
কোথায় বয়স্য ! ডেকে আন নর্তকীকরে,
আনন্দ সঙ্গীতে সভা করুক মোহিত ।

বয়স্য সহ নর্তকীগণের প্রবেশ ।

বয়স্য । মহারাজ ! এই যে এসেছে সব ।
রামণী—বাগী—শ্যামী—ফাল্গুনী,
কামিনী, মোহিনী উপনীত সবে
আনন্দ দানিতে মহারাজে ।
গাও ত সুন্দরীগণ ! আনন্দ সঙ্গীত :

নর্তকীগণ ।—[নৃত্যসহ] গান :

আনন্দে, উলসে ওঠে প্রাণ ।
হাস্য কর মনে মনে গাইব কি আর গান ॥
প্রাণের ভিতর হামির লহর,
বাছে ছুটে বেগে ধরে তর তর তর তর,
নোরা আনন্দে বিভোর বিরহে নই ত কাঁতর,
ফুলের মত মুখখানি দেখে মন করে আনন্দান্ ॥
আমরা জানি না দুঃখ করে কর,
আমাদের প্রাণে অপর বয়,
প্রেমিক পেলে হৃদয়ের মিলন হয়,
রয় না খেদ, ভেদাভেদ এমনি মোহের টান ॥

দণ্ডী । আচ্ছা যাও সবে স্থানান্তরে ।

[নর্তকীগণের প্রস্থান ।

মন্ত্রিবর ! সেনাপতি !
 জান কি সংবাদ,
 আমার অশ্বিনী লাভ করিয়া শ্রবণ ।
 লুকু কেহ হয়েছে কি তাহার উপর ?
 সেনা । জানি না ত কোন সমাচার ?
 বোধ হয় এ বারতা হয় নি প্রচার ?
 বয়স । আমি শুনলাম জনশ্রুতি, মহারাজ !
 দ্বারকার দূত নাকি এসেছে অবস্তী,
 জানাইতে তব পাশে কি গুপ্ত বারতা ।
 দণ্ডী । দ্বারকেশ শ্রীকৃষ্ণের দূত
 মম সন্নিধানে আসে কোন্ প্রয়োজনে ?
 বয়স ! রাখ কিহে সংবাদ তাহার ?
 বহস । শুনলাম জনরবে দ্বারকার রাজা
 শুনেছেন তব অশ্বিনী সংগ্রহ,
 তাই তিনি অস্বী প্রার্থী হ'য়ে
 তব সন্নিধানে দূত করিলা প্রেরণ ।
 দণ্ডী । [স্বগত]
 অশ্বিনীর কিবা গুণ জানিতে না পারি
 কখনই কৃষ্ণ মোরে চায়নি অশ্বিনী ।
 কিন্তু সে অশ্বিনীর নিগূঢ় বৃত্তান্ত
 জানে না আমার কোন আত্মীয় স্বজন,
 কৃষ্ণ তবে জানিল কেমনে ?
 নিশ্চয় নিগূঢ়ত্ব পেয়েছে জানিতে
 তা না হ'লে দূত কেন আসে দ্বারকা হইতে !

প্রতিহারীর প্রবেশ ।

প্রতি । অভিবাদন মহারাজ ! [তথাকরণ]

দণ্ডী । কি সংবাদ প্রতিহারী ?

প্রতি । দ্বারকেশ কৃষ্ণের তনয় দূতরূপে
আসিয়াছে তব সন্নিধানে ।

দণ্ডী । জান তারে রাজ সভা মাঝে ।

[প্রতিহারীর প্রস্থান ।

মন্ত্রী । মহারাজ ! যে আশঙ্কা হ'তেছিল মনে
এইবার বুঝি তাহা হ'ল সংঘটিত ।
কৃষ্ণ জানিয়াছে অশ্বিনী-সন্ধান,
তাই বুঝি পাঠাইল নদনে হেথায়,
লইবারে তব মৃগয়া লক্ক অশ্বিনীরতনে ।

সেনা । মৃগয়া সময়ে হেরিলাম ছল'ক্ষণ যত
এতদিনে বুঝি তার ফলিল কুফল ।
মহারাজ অবগ্নী জৈশ্বর !
সামান্য অশ্বিনী তরে কৃষ্ণ সনে বাদ
নহে রীতি সমীচীন,
করি বিবেচনা, দূতে দিবেন উত্তর ।

দণ্ডী । দেখা যাক্ পরিণাম—
শোনা যাক্ কৃষ্ণের উদ্দেশ্য,
তারপর দানিব উত্তর ।
অশ্বিনীর তরে কৃষ্ণ পাঠাইল দূত,

নিশ্চয়তা কি আছে তাহার ?

অন্য কোন বক্তব্যও পারে ত থাকিতে ।

মদনের প্রবেশ ।

- মদন । জয় হ'ক, অবলী-ভূপাল !
- দণ্ডী । এস—বস—তুমিই কি কৃষ্ণপুত্র—
মহাবীর—মহাবীর—প্রহ্মায় স্মৃতি ?
- মদন । হাঁ মহারাজ ! আমিই মদন—কৃষ্ণপুত্র,
বর্তমানে হারকেশ শ্রীকৃষ্ণের দূত ।
কোন সুবিশেষ প্রয়োজন বশে
দূতরূপে নিজপুত্রে করিলা প্রেরণ ।
- দণ্ডী । কহ মতিমান্ ! কি বা প্রয়োজন ?
দূতরূপে কি সংবাদ এনেছ কৃষ্ণের ?
- মদন । শুনিলাম মহারাজ না কি
মৃগয়ায় পেয়েছেন অপূর্ব অশ্বিনী ?
- দণ্ডী । কে কহিল এ বারতা
কার মুখে শুনেছ তোমরা ?
- মদন । মহর্ষি ছর্কাসা আর দেবর্ষি নারদ
বলেছেন সমুদয় পিতার নিকটে ;
পেয়েছেন মৃগয়ার আশ্চর্য্য অশ্বিনী !
- দণ্ডী । হাঁ, পেয়েছি অশ্বিনী সত্য কথা ইহা
তাহাতে কি হয়েছে প্রহ্মায় ?
- মদন । পিতার আদেশ—কর দান শ্রীকৃষ্ণে অশ্বিনী,
বিনিময়ে তার ইচ্ছামত অশ্ব লও, রাজা !

- দণ্ডী । এ অতি অসম্ভব—আকারের কথা !
আমার অশ্বিনী যদি নাহি দিই আমি
কি করিতে পারে কৃষ্ণ মোর ?
- মদন । জনা কিছু না পারিলেও—
রণসাজে বীরদর্পে অবস্খী আসিয়া
সবলে লইতে পারে কাড়িয়া অশ্বিনী,
পরাজিত বিতাড়িত করি তোমাদের ।
- দণ্ডী । এই বুঝি তব পিতা কৃষ্ণের আদেশ ?
- মদন । হাঁ—এই মম পিতার আদেশ ।
স্বৈচ্ছায় সহজে না দানিলে অশ্বিনী—
যুদ্ধ সাজে প্রস্তুত হইয়া থাক,
অচিরেই আসিতেছে ষাদব বাহিনী,
কৃষ্ণদেশ লজ্বনের প্রতিফল দিতে ।
- দণ্ডী । শোন তবে কৃষ্ণের নন্দন !
থাকিতে জীবন দণ্ডী-কলেবরে,
ক্ষত্রিয়-সহায় অস্ত্র থাকিতে সম্বল,
কিছুতেই কৃষ্ণে আমি দিব না অশ্বিনী ।
এর তরে যুদ্ধ চাও চল রণক্ষেত্রে
দিব প্রাণ—দিব মান—দিব সমুদয়,
তথাপি অশ্বিনী দিতে পারিব না কড়ু ।
যাও হে প্রহর ! বল গিয়ে জনকে তোমার
যুদ্ধক্ষেত্রে দণ্ডী সনে করিতে সাক্ষাৎ,
সেইস্থানে হবে তার অশ্বিনীরে লাভ
সুশানিত বিবাক্ত শায়কে ।

অন্যের ঐশ্বর্য হেরি ফুক লুক ঘেবা
 পরশ্রীকাতর হীনচেতা সেই ।
 কৃষ্ণ হীন—নীচ—অতীব অধম,
 গোপোচ্ছিষ্টভোজী কামুক, লম্পট,
 রাখা গোপিনীর প্রেমের কিঙ্কর,
 বাজীকর গোপপুত্রে দণ্ডী নাহি ডরে ।
 ব'লো সেই রাখাল কৃষ্ণেরে,
 চায় যদি দিব হে গো-পাল গোপালে,
 অশ্বিনী দিব না সেই ঘৃণ্য লুক কৃষ্ণে ।

মদন । অতি স্পর্ধা—অতি দর্প—অতি অহঙ্কারে
 কৃষ্ণে বল কটুভাষা কৃষ্ণদেষা ক্রুর !
 সাবধান তবে কর্মোচিত প্রতিকল নিতে ।
 আসি নরাধম ! দেখা হবে রণক্ষেত্রে পুনঃ ।

[সদর্পে প্রশ্নান ।

দণ্ডী । সেনাপতি ! সুসজ্জিত কর সৈন্যগণে,
 যাদবের সনে রণ হবে হুনিশ্চয় ।
 বহুকষ্টার্জিত অশ্বিনীর লোভে—
 প্রলুক হইয়া কৃষ্ণ সাধে হেন বাদ,
 প্রতিশোধ দাও তার দর্প চূর্ণ করি,
 সমরে বিজিত হ'ক যজ্জগণ ।

সেনা । মহারাজ ! সামান্য অশ্বিনী হেতু
 করিও না কৃষ্ণ সনে বাদ ।
 কৃষ্ণ নহে সাধারণ—স্বরং ঐশ্বর,

তাঁর সনে রণে জয়াশা কোথায় ?
 দণ্ডী । আমি বলি কৃষ্ণ গোপাধম
 কৃষ্ণ অসাধারণ, গরুর রাখাল,
 মাতুলানী—অপহারী,—লম্পট, কামুক
 হীন—নীচ প্রকৃতি তাহার
 প্রবৃত্তিও অতি নিম্নগামী ।
 কে বলে ঈশ্বর সেই গোপের নন্দনে ?
 শত্রু সে আমার—শত্রু সে আমার
 সাজাও বাহিনী ছরা দিপক্ষে তাহার ।
 যাই আমি অশ্বিনীর পাশে ।

[প্রস্থান ।

বক্রী । বুঝিলাম ছুঁটবুদ্ধি ঘটেছে রাজার ।
 সেনা । তা না হ'লে কেন চাবে কৃষ্ণ সনে রণ ?
 মৃত্যুমুখী—তাই ইহা মরণ কারণ ।
 যে কৃষ্ণ শৈশবে ব্রজে বধিল পুতনা,
 অঘ, বক, ভৃগাবর্ত্ত শঙ্খচূড় আদি
 কংস অমুচরগণে বধিল হেলায়,
 করিলেন যিনি কালীয় দমন—
 গোবর্দ্ধন ধারণ—শকট ভঞ্জন
 কংস নিপাতন, চানুর মৃষ্টিকে নিধন,
 সেই কৃষ্ণ সনে রণে আজ্ঞা দানিলা ভূপাল
 হুর্ভাগ্যেরে যতনে আনিতে ।
 হার ! অবস্থীর রক্ষা নাহি আর ।

মন্ত্রী । আজ্ঞাবাহী—ভূতা মোরা রাজার সেবক,
 রাজ-আজ্ঞা করিব পালন
 রাজভক্ত হইতে জগতে না ভাবিব শুভাশুভ,
 এম রণ আয়োজনে যাই—যা থাকে অদৃষ্টে ।
 বল জয় রাজার জয় ।

উভয়ে । জয় রাজার জয় !

[উভয়ের প্রস্থান ।

হুতীর দৃশ্য ।

অস্তঃপুর ।

দণ্ডী ও অলকার প্রবেশ ।

অলকা। এ কি কথা শুন্লেম মহারাজ ? কেন স্বেচ্ছায় সুখের সংসারে
আগুন জালবেন কাস্ত ?

দণ্ডী। কি শুনেছ অলকা ? কি আগুন জাললেম সুখের সংসারে ?

অলকা। আপনি নাকি আপনার যুগ্ম-লক্ষ সাগান্ত অধিনীর জন্ত
স্বাক্ষরপতি কৃষ্ণচন্দ্রের সঙ্গে যুদ্ধার্থে প্রস্তুত হয়েছেন ?

দণ্ডী। সামান্য অধিনী নয় অলকা ! এমন অসাধারণ অধিনী লাভ
আমার সৌভাগ্যের কারণ—অধিনী আমার ভাগ্যলক্ষী ; তেমন অন্যায়
লক্ষ অতি প্রিয় অধিনীর প্রতি কৃষ্ণের লোলুপ দৃষ্টি নিপতিত, সে চায়
আমার কাছে অধিনী আদেশ জানিবে—অনুন্নয় অনুরোধে নয় । তার
এই অন্যায় আদার—অসম্ভব আশা পূর্ণ করতে আমি অক্ষম, তাই এই
যুদ্ধ । মশা পরাক্রান্ত দুর্দান্ত সঙ্গির ভূপাল রাজ-দণ্ডধর দণ্ডী, সামান্য
একটা গোপ শিশুর ভয়ে ভীত হ'য়ে—তার আদেশ শিরোধার্য্য ক'রে,
তাকে অধিনী দিতে অসম্মত—অপমানিত । কৃষ্ণের এ অমার্জনীয়
অপরাধের দণ্ড দিতে দণ্ডী আজ দৃঢ় প্রতিজ্ঞ ।

অলকা। এ ভ্রান্ত ধারণা আপনার হৃদয়ে কে বদ্ধমূল ক'রে দিলে
কাস্ত ? কৃষ্ণকে এমন হেয়জ্ঞানে—হীনচক্ষে দেখবার উপদেশ কে
দিয়েছে আপনাকে ? কে বুঝিয়ে দিয়েছে আপনাকে, কৃষ্ণের সঙ্গে শক্রতা
ক'রে জয়লাভ করতে পারবেন ?

দণ্ডী । কেউ বোঝায় নাই—কেউ উপদেশ দেয় নাই, আমি নিজেই বুঝেছি—নিজেই করেছি—নিজেই জেনেছি । এ ধারণা আমার ভ্রান্ত নয় । অভ্রান্ত ।

অলকা । কি বললেন কাস্ত ! সামান্য একটা অশ্বিনী না দিয়ে বিশ্ব পূজিত ত্রিলোক বন্দিত ভগবান্ কৃষ্ণের সঙ্গে বিরোধ করবার ধারণা আপনার যদি অভ্রান্ত হয়, তবে স্বরণ করবেন রাজা ! মহাপরাক্রমী মথুরানাথ বংশের কথা ! তিনিও কৃষ্ণকে বধ করতে অভ্রান্ত ধারণা করেছিলেন, কিন্তু তার পরিণামে নিজেই কৃষ্ণ-বরে নিহত হলেন । নিকশানন্দন লক্ষাপতি দশানন রামের সীতা হরণ করেছিলেন, রাম সম্মরে জয়ী হবার অভ্রান্ত ধারণা করে, কিন্তু তাঁরও পরিণাম বড় বিষময় ভাবুন দেখি নাথ ! মহাবলী বলির দান—গর্ভ অতিশয় হ'য়েছিল বলেই ভগবান বামন মূর্তিতে ত্রিপাদভূমি প্রার্থনা করে বলির দর্প দলন করেছিলেন । এমন যিনি মহাশক্তি সম্পন্ন—এবল প্রতাপান্বিত মহাপুরুষ, তাঁর সঙ্গে এ শত্রুতার পরিণাম শুভ হবে না মহারাজ ! হত অভাগী অলকার অন্তঃ দোষে মর্কনাশ হবে । পায়ে ধরি নাথ ! বিনয় করি, কৃষ্ণের সঙ্গে শত্রুতা করবেন না । বরং চলুন—আমরা উভয়েই অশ্বিনী নিয়ে দ্বারকার কৃষ্ণের নিকট গমন করি ।

দণ্ডী । শুদ্ধ হও রাণি ! কাস্ত হও শত্রুর প্রশংসায়—কৃষ্ণকে যে বিশ্বাসে ব্রহ্মজ্ঞান করেছ সেই বিশ্বাসকে অন্ধ করে রাখ । শ্রীরাম, বামন এরা ভগবান বলে কি গোপকুল জাত নীচ কৃষ্ণকেও তুমি সেই—ভগবান পদে প্রতিষ্ঠা করতে চাও নাথ ? শোন রাণি ! কৃষ্ণ সাধ করে আমার সঙ্গে শত্রুতা করেছে, ক্ষত্রিয় বীর দণ্ডী তাতে ভীত হ'য়ে তাকে অশ্বিনী প্রদান করবে না ; বরং যুদ্ধের জন্য রণাঙ্গণে অগ্রসর হবে ।

অলকা । কুম্ভকে তাপনার এত হেয়জ্ঞান কেন ? যিনি বালো কত শত দানব দলন করলেন, কুজাকে সুরূপা করলেন—কুবলয় পীড় হস্তীকে বধ করলেন, চামুর স্ট্রিক কংসকে সংহার করলেন, সেই কুম্ভকে উপেক্ষা করে আর নরকের পথ পরিষ্কার করবেন না ।

দণ্ডী । সে বিচারে তোমার কি অধিকার থাকতে পারে ? আমি নরকে যাই যদি, তাতে তোমায় ঘটনা ভোগ করতে হবে না, তবে তুমি নিরস্ত হও সেই পাপিষ্ঠ কুম্ভের গুণ বর্ণনায় । ওরূপ স্তাবকতা আমার মহিষীর চলবে না ! তুমি কুম্ভ-স্তুতি ত্যাগ কর—আমার স্তুতিবাদ কর ; জান—তোমার কাছে আমি কি ?

অলকা । আপনি আমার পতি দেবতা—উপাস্ত মূর্তি—স্বয়ং আমার ঈশ্বর ।

দণ্ডী । আমি যদি তোমার পতি হই—ঈশ্বর হই, তবে আবার কুম্ভকে ঈশ্বর বলছ কেন ? কুম্ভকে যদি ঈশ্বর ভাবতে পার, আমার ত্যাগ করে কুম্ভের শরণ গ্রহণ করলেই ত পার ? কি সন্দেহ ? আমারই পত্নী হ'য়ে আমারই শত্রুর স্তুতিবাদ কীৰ্ত্তন ? শোন মহিষি ! যা বলেছ—বলেছ, আর যেন আমার অভিমতে কোন অন্য মত প্রকাশ করে কুম্ভকে শ্রেষ্ঠত্ব দিবে, আমার সমক্ষে ঈশ্বর ব'লে প্রতিপন্ন করবার চেষ্টা করো না, তাহ'লে তোমার অদৃষ্টে দণ্ডীর বিচারে প্রচণ্ড দণ্ডভোগ অনিবার্য । কুম্ভ আমার শত্রু, সেই শত্রুর স্তাবক—শত্রুর অযথা চাটুকায় যে, সে আমার পরম আত্মীয় হ'লেও দণ্ডযোগ্য । স্ত্রী ব'লে তুমিও ক্ষমা পাবে না, অলকা ?

অলকা । আমায় ক্ষমা করতে হবে না, যে দণ্ড আপনার বিচারে হয়, সেই দণ্ডই আমার দান করুন, আমি শাসন দণ্ডের নিম্নে মাথা পেতে দোব । এমন কি যদি আমার প্রাণদণ্ড দিবে পরিতুষ্ট হ'ন্, তাতেও

কাতর হব না। কিন্তু নাথ! আমি আপনাকে কিছুতেই সেই কৃষ্ণের বিরুদ্ধে যুদ্ধে যেতে দোব না। বলব কি মহারাজ! যেদিন মৃগয়া হ'তে অশ্বিনী নিয়ে গৃহে ফিরেছেন, সেইদিন হ'তেই আমার মনে কেমন একটা অমঙ্গলাশঙ্কা! মনে হয় যেন কি সন্ধানশ হবে। মাঝে মাঝে স্বপ্ন ঘোরে দেখি—যেন আপনি কোন অপূর্ব সুন্দরীর প্রেমপাশে বদ্ধ হ'য়ে আমায় ভুলে গেছেন। এই সব কারণে রণে যেতে নিবারণ করি।

গান ।

ধরি শ্রীচরণ, হে জীবনের জীবন

অবলার মার পতি দেবতা ।

রাখ অমুরোধ, তাজ হেন বোধ

ভাব ইষ্টদাতা কৃষ্ণে শ্রেষ্ঠ দেবতা ।

বাহার ইচ্ছার চন্দ্র সূর্য্য তারা,

যাঁর স্মরণমে বড়বড় ধারা,

দেব বিজ্ঞ, যোগী ঋষির নরনতারা

তাঁর অসীম অনন্ত ক্ষমতা ।

বৃক্ষবংশের মনে করিতে সমর,

শকার সশস্ত্রিত দেবতা অমর,

কে হবে জগতে পাতকী পামর

বিষ্ণুমনে করি বৈরতা ;—

কৃষ্ণ সৃষ্টি স্থিতি জয়ের কারণ,

তাঁর ইচ্ছায় জীবের জনম মরণ,—

কে ক'রে ব্যরণ বিনা ভবতারণ

নিদানের দিনে কৃষ্ণ পরিজাতা ।

দণ্ডী । এ তোমার কি বিষম ভ্রম ? আমার আদেশ অমান্য ক'রে কুককে ইখর ভাবার পরিণামে অলকা ! এ রাজপুরীতে তোমার স্থান হবে না । স্বামীর মতবিরুদ্ধা স্বাধীনা রমণী সমাজের ঘৃণ্যা—পরিভ্রাতা যাও দূর হ'য়ে আমার অবস্থীর ত্রিষীমা হ'তে । আমি তোমার মত স্বরীষ্ট দ্বারিনী মহধর্মিণী চাই না । আমি তোমায় নির্বাসন দণ্ডে দণ্ডিত করবুম । এই কে আছে ?

পরিচারিকার প্রবেশ ।

পরি । কি আজ্ঞা হয় মহারাজ ?

দণ্ডী । আমি শিবিকা প্রস্তুতের ব্যবস্থা ক'রে দিচ্ছি, তুমি সেই শিবিকায় শত্রুর হিতাকাজিণী—দণ্ডীরাজার বাণীকে বনবাসে রেখে এস ।

অলকা । নির্বাসিতা অপরাধিনীকে বনে পাঠালে শিবিকার কি প্রয়োজন হবে মহারাজ ! রাজরাণী—বনবাসিনী হ'তে পারবে—শিখারিণী কাঙ্গালিনী,—অনাথিনী হবে, তা সহবে, আর পদব্রজে বনে গেলে বৃষ্টি মানের দায়ে সহবে না ? না মহারাজ ! কি আর বলব ? আমি বনে যাই—দুঃখ নাই, কিন্তু বনে গিয়েও ত শান্তি পাব না । যার পতি যদুপতি শ্রীকৃষ্ণের প্রতিদ্বন্দ্বী, তার শান্তি বনে নাই মহারাজ ! তার চিন্তা চিতানলের মত ধু ধু জন্বে ! পতিহারা সতী কখন বনবাসে শান্তি পায় না, বনবাস দণ্ড আমার যোগ্য শান্তি হ'ল না মহারাজ ! আমার প্রাণদণ্ডই উপযুক্ত দণ্ড । দণ্ডধর ! যদি দাসীর প্রতি এমনই নিষ্করণ হ'য়ে থাকেন, তবে আমার প্রাণদণ্ডের অনুমতি দিন ।

দণ্ডী । এ সে সময় নয়, কুকের সঙ্গে এই সংঘর্ষ সৃষ্টি না হ'লে এ ক্ষেত্রে বোধ হয় তোমার প্রাণদণ্ড বিনা আমারও শান্তি ছিল না । কিন্তু

কৃষ্ণই সে পথ নষ্ট করেছে, অশ্বিনী প্রার্থনা ক'রে। 'পরিচারিকা!
যাও—আদেশ পালনে যত্নবতী হও। আমার আবার যুদ্ধার্থে প্রস্তুত হ'তে
হবে—অশ্বিনীকে রক্ষা করতে হবে।

[প্রস্থান।

পরি। রাণী মা!

অলকা। কেন মা?

পরি। এ সংসারে আর কিসের মায়া মা? চল বনে যাই।

অলকা। তাই চল মা! এই ত সংসার—এই ত সংসারের স্বামী স্ত্রী
সম্বন্ধ? এর জন্তু আমার মমতা কি? যাগো! এতদিনে জ্ঞান
হয়েছে সংসার অসার, অসার সংসারে কেউ কারু নয়। সব
স্বার্থপর—সব স্বার্থপর।

পরি। এ স্বার্থপরতার রাজ্য ছেড়ে সেই নিঃস্বার্থ পরতার নখর
শান্তিময় সাম্রাজ্য কানাম চল মা! আমি তোমার বল সঙ্গিনী
হব।

অলকা। তাই চল মা! কৃষ্ণ! অনাথার ভূমিই ভরসা?

[উভয়ের প্রস্থান।

চতুর্থ দৃশ্য :

অবস্থা ।

মন্ত্রীর প্রবেশ ।

মন্ত্রী ।

বুঝিলাম এতদিন পরে
রক্ষা বুঝি নাই অবস্থার,
সমরে উদাত সেই যাদবের সনে
যুদ্ধ জয়-আশা অসম্ভব অতি ;
অগ্নিতে দানিলে হস্ত দহিবে নিশ্চয়,
বিষপানে অবশ্যই মরণের ভয় ।
জেনে শুনে দণ্ডীরাজা তাই
নিরুহস্ত দানিল অনলে—করিল গরল পান,
কৃষ্ণ সনে সাধ করি শত্রুতা সাধিল
সামান্য মৃগয়া লব্ধ অশ্বিনীর তরে ।
ফলে তার শাস্তি সুখময় সোণার অবস্থা,
শ্মশানের নীরবতা ল'য়ে রহিবে পড়িয়া ।
হৃদ্যন্ত যাদবসৈন্য অদম্য বিক্রম,
আসিতেছে কৃষ্ণপক্ষ দণ্ডী বিদলনে ।
কিন্তু হার নাহি জানি কেহ
রাত্রমধ্যে রাজা—রাণী গেলেন কোথায় ?
বিবাদের মূলভূতা কোথা সে অশ্বিনী ?
সনরে সূচনে যার হেন বৈসূচন,

সেই সর্বশক্তিমান শ্রীকৃষ্ণের সনে
কেমনে সমরে জয় করিব অর্জুন ?

সেনাপতির প্রবেশ ।

সেনা । সর্বনাশ মন্ত্রিবর ! ঘোর সর্বনাশ ।
সাগরাভিমুখে প্রধাবিত নদের মতন
হৃদম বিক্রমে যত যাদব-বাহিনী
আক্রমণ করিলা অবস্তী ।
বহুক্ষণ করি রণ তাদের সহিত,
নিভাত্তই নিরুপায় হইয়া সম্রাতি
আসিরাছি তব পাশে দানিতে সংবাদ ।
মন্ত্রিবর ! কর ত্বরা কোন প্রতীকার,
যাদবের করে রক্ষ অবস্তী নগর,
অবস্তীর নান রাখ অরাতি দলিয়া ।

মন্ত্রী । কৃষ্ণচন্দ্র প্রতিপক্ষ যার,
ঘোর কৃষ্ণপক্ষ তার দুর্ভাগ্য কারণ ।
সেনাপতি ! যত্নপতি কেশবের সনে
কে কোথায় জিনিয়াছে রণে ?
তবে মোরাই বা কেমনে জিনিব ?
কৃষ্ণ-করে পরাজিত হ'য়ে
আত্ম সমর্পণ করা সুবিধি এখন ।
কাজ নাই যুদ্ধে কৃষ্ণে করিয়া বন্ধন
ভবের বন্ধনহারী নন্দের মন্দনে,
তার চেয়ে কৃষ্ণ-করে বন্দী হওয়া ভাল ।

সেনা । শতবার—সহস্রবার—কোটি কোটিবার
 পরাজিত হইয়া সংগ্রামে
 উদ্ধ'পুচ্ছ সারমেয় সম
 প্রাণ নিয়ে পলায়ন না করি কখন,
 শত্রু করে আত্মদান বীরের কর্তব্য
 পলায়নাপেক্ষা পরাজয়ে ক্ষত্রিয়-গৌরব ।
 সেই পুত্র্য আৰ্য্য ক্ষত্রবংশজাত মোরা,
 প্রাণ দিব—তবু পৃষ্ঠভঙ্গ কভু না দানিব ;
 কৃষ্ণ সম শত্রু করে মৃত্যু ঘটে যদি,
 অনন্ত স্বৰ্গবাস নিশ্চয় ক্ষত্রের ।
 ক্ষাত্ৰবৃন্তি বীরধর্ম করিতে পালন
 কৃষ্ণসনে সময়ের এই আহ্বোজন ।
 অশ্বিনীর সনে রাজা-রাণী
 কোথায় যে নিকৃষ্টি জানি না সন্ধান ।
 রাজা-রাণী কৃষ্ণ ভরে রাজাত্যাগী যদি,
 আমাদের তবে আর কেন চেষ্টা রথ ?
 কার ভরে করিষ সময় ?
 তার চেয়ে কৃষ্ণ-করে বন্দী হওয়া ভাল ।
 চল তবে মন্ত্রিবর ! বন্ধন নিবারি হরি,
 করুন মোদের আজ এ কর বন্ধন ।

মন্ত্রী । রাজা রাণী রাজ্যে নাই, নাই সে অশ্বিনী,
 তবু রণক্ষেত্রে যেতে হবে সবে ।
 প্রথমতঃ রাজার হিতার্থে
 প্রাণপণে করিয়া সময়,

অসমর্থ হ'লে পরিব বন্ধন ।
 সাধ্য যত চেষ্টাকর না করিও ক্রটি,
 নাহি মম মনের স্থিরতা এবে,
 রাজার অভাবে মস্তিষ্ক চঞ্চল মম
 কর্তব্য নির্ণয়ে তত নাহি শক্তি মোর ।
 যাও—যাও সেনাপতি : যাদব-সমরে
 পরাক্রমে প্রপীড়িত কর যহগণে,
 পার যদি জিনিয়া কৃষ্ণেরে
 রাখ নাম—যশ—মান অবস্তীর,
 রাখ—রাখ রাজার গৌরব ।
 পুনঃ পুনঃ করি সাবধান
 হে সেনানী প্রধান !
 রণভঙ্গে পলায়ন ক'রো না ধীমান্ !
 অরাতির দর্পনাশে কর সুবিধান,
 অসমর্থ হইলে তাহাতে
 সম্মুখ সমরে দিবে প্রাণ দান ।

সেনা ।

ওই—ওই জীমূতগর্জনবৎ
 যাদবের ঘোর ছহকার ঘন সিংহনাদ !
 ওই শ্রীকৃষ্ণের পাঞ্চজন্য শব্দের নিনাদ !
 সহে না বিলম্ব আর বৃথা হে অমাত্য !
 অহকারী যাদবের হেন আক্ষালন ।
 মহাপরাক্রমে ঘূর্ণীবাযু সম
 ঘুরিতে ঘুরিতে পড়ি শক্রর উপরে ;
 সাবধানে নজ্জিবর ! কর অবস্থান ।

মন্ত্রী । সাধানে কি হইবে আর,
 তার চেয়ে আশ্বদানে প্রস্তুত হইয়া
 যাই চল সময় প্রাক্‌গে ।
 কৃষ্ণ যার প্রতিকূল রণে,
 জয় আশা কোথায় তাদের ?
 তবু বলি নিরুদাম না হইয়া মনে
 সোৎসাহে পশিতে সমরে ;
 কৃষ্ণে দি পার জিনিবারে
 অনন্ত গৌরব লাভ হইবে তাহ'লে,
 সিংহা কৃষ্ণ-করে আশ্রয় সমর্পণে
 অক্ষয় বৈকুণ্ঠনামে করহ গমন ;
 চল দ্রুতগতি পশি যাদবের রণে ।

[উভয়ের প্রস্থান ।

অন্যদিক দিয়া যুদ্ধরত সাত্যকি ও
 সেনাপতির প্রবেশ ।

সাত্যকি । অবশীর সেনাপতি ! রণ সাধ মিটেছে তোমার ?
 সেনা । ক্ষত্রিয়ের রণ সাধ সহজে কি মিটে হে সাত্যকি !
 এক পক্ষে ষতক্ষণ নাহি হয় জয় পরাজয়
 প্রতিপক্ষ রণ সাধ হয় না পূরণ ।
 সাত্যকি । অদ্ভুত সাহস তব, বাখানি বীরত্ব !
 বসুন্ধরা মশঙ্কিত যার নাম শুনে,
 যার ভয়ে ভীত সুরদল দানব কিন্নর,

বক্ষ বক্ষ নয় ভীত ত্র্যস্ত সদা,
সদর্পে দলিছে যারা চক্ষের পলকে,
স্বর্গ মর্ত্ত রসাতলবাসী সমুদরে,
এমন ভ্রমিত তেজা যাদবের রণে
জয়লাভে গন্ধধরি এসেছ সাহসে,
এ বীরত্ব প্রশংসার তব ।

কিন্তু সেনাপতি ! এত দর্প তব

অধিকক্ষণ না রাখিব আর ;

এই যুদ্ধে তব পরাক্রম হবে চূরমার ।

সেনা । জানি হে সাত্যকি আমি বীরত্ব তোমার,

যত্নকূলে বীরশ্রেষ্ঠ তুমি মতিমান !

শ্রীকৃষ্ণের প্রিয় অভিষয় ।

জানি তুমি রণ বিশারদ

সুনিপুণ তব সমর কৌশল ।

কিন্তু বল দেখি বীরবর ।

এ কেমন সময়ের রীতি ?

ক্ষত্রধর্ম নীতি তব নহে অবিদিত !

তবে কোন্ ধর্ম মতে অস্থিমীর লোভে

অক্রমিলে অবস্ত্রী নগর ?

যাই হ'ক এসেছ যখন রণক্ষেত্রে,

নিশ্চয় করিব রণ

জীবনের আশা পরিহারি ।

ধাকিতে শোণিত বিন্দু কত্রিদের দেহে,

ধাকিতে শোণিত অঙ্গ করে তাহাদের,

ডরে না সমরে কারে ক্ষত্রিয় সন্তান ।

যে ডরে, সে বা নহে কভু,

নিতান্তই হীনবীৰ্য্য কাপুরুষ সেই ।

সাত্যাকি । এত ধর্মজ্ঞান হয়েছে তোমার

বিবেকের বশে—কিন্ধা সময়ের ভয়ে ?

যাই হ'ক্ ধর্মবীর ! দেখাও বিক্রম,

ধর্ম্মাধর্ম্ম পরিচয় হইবে সমরে ।

ধর্ম্ম রণ-নীতি কত জান তুমি

এইবার তার হটক পরীক্ষা ।

[উভয়ের যুদ্ধ ও প্রশ্নান ।

যন্ত্রীর প্রবেশ ।

যন্ত্রী ।

সেনাপতি পরাজিত সাত্যাকির রণে

গৈত্রদল পলায়িত পৃষ্ঠভঙ্গ দানে ।

এইবার যুদ্ধে বৃষ্টি ঘটে পরাজয় !

অন্যত্র সৈন্ত সেনাপতি পরাস্ত সমরে

যাদবের অক্ষয়জা উড়িল অধরে,

অবস্তীর স্বাধীনতা যাদবাবধিকারে ।

হার স্বর্ণভূমি রত্নপ্রসবিনী অবস্তী জননী !

আজ তুমি স্বাধীনতা হারা,

বীর পুত্রগণ তব নিরুপায় এবে

বন্দী হ'য়ে য'দবের করে !

হার মাতা ! এই ছিল ভাগ্যেতে তোমার ?

মদনের প্রবেশ ।

মদন । কে আপনি, এ রণক্ষেত্রে ?

মন্ত্রী । আমি অবন্তীর রাজমন্ত্রী ।

মদন । এখানে কি অভিপ্ৰায়ে ?

মন্ত্রী । কৰ্ম্মময় জগতে কৰ্ম্মীর কৰ্ম্ম অন্বেষণে ।

মদন । কৰ্ম্ম পেয়েছেন ?

মন্ত্রী । পেয়েছি । এই যুদ্ধই এখন কৰ্ম্মীর কৰ্ম্ম ।

মদন । যুদ্ধের প্রতিঘন্টী কে ?

মন্ত্রী । তুমি ।

মদন । তবে যুদ্ধে নিযুক্ত হ'ন ।

মন্ত্রী । তুমি যে নিতান্ত শিশু ?

মদন । যুদ্ধও ত একটা পশুর জন্ত ? সামান্য একটা বস্ত্র পশুর
জন্ত যারা যাদবের সঙ্গে বৈরতা ক'রে, তারা কি জানে না যে,
যাব কুলের এক একটা শিশু রণক্ষেত্রে সাধাৎ কাল ?

মন্ত্রী । যাদবগণও কি জানে না যে, একজনের সম্পত্তিতে লোভ
ক'রে পরশ্রীকাতরতার পরিণাম কত বিষম ?

মদন । তার সম্যক পরিচয় দিতে আমার সময় নাই ।

মন্ত্রী । তবে যুদ্ধে পরীক্ষা দাও ।

মদন । এখনই—আমি ত প্রস্তুত ।

মন্ত্রী । আমিই কি অপ্রস্তুত নাকি ?

মদন । জানেন অবন্তী সেনাপতি পরাজিত—বন্দী ?

মন্ত্রী । জানি ।

মদন । আপনারও সেই দুর্দশা হবে ।

মন্ত্রী । দুর্দশা হবে না দুর্দশা কেটে যাবে ? যাঁর নাম নিলে
ভববন্ধন মোচন হয়, তাঁর নন্দনের নিকট বন্ধন গ্রস্ত হ'তে পারলে
ত পরকালের একটা কাজ হ'য়ে থাকে ।

মদন । বেশ তবে পরকালের কাজ করুন,—পরগারে যাবার জন্ত ?
মন্ত্রী ! এই যে বালক ! এস

। যুদ্ধ ও উভয়ের প্রশ্নান ।

গীতকণ্ঠে কৰ্ম্মানন্দের প্রবেশ ।

কৰ্ম্মা ।—

গীত ।

কালের বশে কাজের কাজী ওই সে নিয়তি ।
যার ইঞ্জিতে জনম মরণ, সৃষ্টি প্রলয় অবস্থিত ।

নিয়ন্তার সে কাল চক্র ঘূর্ণিত নিয়ত,
নিয়তি চালার চক্র, করি নিজ কর গত,
জীবনান্তে জীবের জীবন হয় অপগত

নিয়তির এই বিধি, এই ত সুসঙ্গতি ।

দণ্ডী পেলে অধিনী মৃগয়া করিতে,
কৃষ্ণচন্দ্র অস্থির সে উর্কণীতান্তিতে,—
করিতে তবে ধার্মিকের ধরন পরীক্ষা,
দানিতে মোহাক জীবে পবিত্র সুশিক্ষা,
দেখিতে কাহার প্রাণে কতই তিতিক্ষা

অধিনী কারণে রণে লিপ্ত বহুপতি ।

[প্রশ্নান ।

পঞ্চম দৃশ্য।

দ্বারকা।

শ্রীকৃষ্ণ ও বলরাম কথোপকথন করিতেছিলেন।

বল। একটা সামান্ত অশ্বিনীর জন্ত এতটা অনর্থ সৃষ্টি ক'রে একজন রাজাকে অনর্থক উৎসাদিত করা তোমার ভাল হয় নাই কৃষ্ণ! আমাদের ভাঙারে অশ্বের কি অভাব আছে, তাই সে অশ্বিনীর জন্য তুমি এমন অস্থির হ'লে? এ কাণ্ডটা তোমার ঠিক সঙ্গত বিবেচনা হয় না তাই।

শ্রীকৃষ্ণ। দাদা! আমি যে কেবল একটা অশ্বিনীর জন্তই এ কার্যে ব্রতী হ'য়েছি, তা নয়। এর জন্ত কোন গৃহ উদ্দেশ্য আছে।

বল। কি সে গৃহ উদ্দেশ্য, কেশব?

শ্রীকৃষ্ণ। আপনার আর এখন তা শুনে কাজ নাই, কার্য শেষে সমস্তই জানতে পারবেন। তা ছাড়া—আমি কখন দর্পীর দর্প রাখতে দিই না। যে যখন যতখানি অহঙ্কত হয়, তার ঠিক ততখানি দর্প আমি চূর্ণ করি; তাই এই যুদ্ধের আয়োজন।

বল। কেন তাই কৃষ্ণ! তবে কি নির্কোষ দণ্ডী অহঙ্কার ভরে তোমার কোন অপমান ক'রেছে?

শ্রীকৃষ্ণ। হাঁ দাদা, অবস্তু পতি দণ্ডী অযথা আমার নিন্দা ক'রে প্রিয় পুত্র মদনকে ব্যথিত করেছিল, তাই এই সমরায়োজন।

বল। দণ্ডী তোমায় অহঙ্কারভরে কি নিন্দা করেছে, তাই?

শ্রীকৃষ্ণ। সে অনেক কথার কথা।

বল। অনেক কথা শুন্তে চাই না, তুমি সংক্ষেপে বল।

শ্রীকৃষ্ণ । সে বলেছে—আমি গোপালভোজী, নিকৃষ্ট, আমি নিগুণ
কপট, আমি তার চক্ষু ঘৃণ্য—হেয়—অধম ।

বল । তারপর ?

শ্রীকৃষ্ণ । তারপর বলেছে—আমি পরশ্রীকাতর—লুদ্ধ—তন্দর ।
আমি গো-রাখাল—মাতুল বিনাশী ধুষ্ট । তাই তার দর্শ চূর্ণ কর্তে
এই যুদ্ধ সৃষ্টি ।

বল । এ যুদ্ধে যদি বাদদগণের পরাজয় হয়, তাহ'লেত বিশেষ
অপমান ! তুমি এখানে—আমি এখানে ! প্রহ্মার সত্যকি সকলেই
শিঙমতি, তারা কি রণজয়ে কৃতকার্য হ'তে পারবে ?

শ্রীকৃষ্ণ । অকৃতকার্য হবারও কোন কারণ নাই । ঐ দেখুন দাদা !
বন্দীদের সঙ্গে প্রহ্মার আর সত্যকি এই দিকেই আসছে ।

মদন ও সত্যকি সহ বন্দীবেশে

মন্ত্রী ও সেনাপতির প্রবেশ ।

মদন । [কৃষ্ণ বলরামকে প্রণাম করিয়া] পিতা ! অবস্থা যুদ্ধে
জয়ী আমরা, দণ্ডীরাজ অধিনী সহ পলায়িত, তার মন্ত্রী ও সেনাপতি
বন্দী । এই নিন্—যুদ্ধর বিজয় উপহার ।

সত্যকি । প্রভু ! কৃষ্ণ নিন্দাকারী দুর্গতি দণ্ডীর কোন সন্ধান
পাওয়া যায় নাই, আপাততঃ কৃষ্ণ নিন্দার ফলে অবস্থা শ্রীহীন—
শান্তিহীন, সেনাপতি, মন্ত্রী উপায় বিহীন—বন্দী ।

শ্রীকৃষ্ণ । তোমরা দণ্ডীরাজের মন্ত্রী—সেনাপতি ?

মন্ত্রী । হাঁ প্রভু ! আমি অবস্থার মন্ত্রী আর ইনি সেনাপতি ।

বল । তবে আজ তোমাদের এ দুর্গতি কেন ? যার দর্শনে ভব-বন্ধন

মোচন হয়, সেই বন্ধন বিমোচনকারী হরির নিকট এসেও তোমরা
বন্ধনগ্রস্ত কেন ?

মন্ত্রী । রাজার ছন্নমতি তাই আমাদের এমন দুর্গতি ।

শ্রীকৃষ্ণ । তোমাদের রাজা অশ্বিনী নিয়ে কোথায় লুকায়িত ?

মন্ত্রী । জানি না । যাদবগণে সঙ্কে সংগ্রাম স্থচনার পূর্বরাত্রে
তিনি তাঁর প্রাণাধিকা অশ্বিনী সহ কোথায় অন্তর্হিত, কেউ সে
সন্ধান জানে না ।

শ্রীকৃষ্ণ । সত্য বলছ ত ?

মন্ত্রী । সত্য সনাতন পূর্ণব্রহ্ম হরির নিকটে এসে, কে মিথ্যা
কথা বলতে সাহসী হ'য়ে নিরয়গমনের পথ প্রশস্ত করে প্রভু ?
আপনার কাছে সত্যই বলছি, তাঁর কোন অনুসন্ধান নাই ।

শ্রীকৃষ্ণ । তাই ত ! সে আততায়ী ভবে কোথায় গেল ?

সেনা । আপনার ভয়ে ভীত হ'য়ে অশ্বিনী রক্ষার জন্ত বোধ হয়
কোথাও গুপ্তভাবে অবস্থান করছেন ।

শ্রীকৃষ্ণ ! যাক্—আপাততঃ তোমাদের বিচার হ'বে । বল, তোমরা
কি দণ্ড চাও ?

সেনা । সেটা ত দণ্ডভোগীর ইচ্ছা নয় প্রভু ! দণ্ড দান দণ্ড
দাতার অভিপ্রেত ।

মন্ত্রী । হে সর্বময় শ্রীহরি ! বিশ্বের দণ্ডমুণ্ডের সূক্ষ্ম সুবিচারক
আপনি, আপনার ন্যায় দণ্ড—আমাদের ন্যায় দণ্ড বিধান করুক ।
এ পরাজিত ঘণিত ভীষ্ম বর্তমানে আমাদের গুরুভার ব'লে বোধ
হচ্ছে, হে ভূভারহারী ! আমাদের জীবন দণ্ড ক'রে এই দুর্কহভার
লাঘব করুন—মৃত্যু দণ্ড প্রদান করুন ।

সেনা । মৃত্যু বিনা এ দুঃপমানের তীব্র যাতনার উপশান্তি হবে

না, প্রভু! যদি দণ্ডই দেবেন, তবে হে দণ্ডদাতা দণ্ডধর! আমাদের প্রাণদণ্ডের আদেশ দিন, মৃত্যু ভিন্ন অন্য দণ্ড চাই না।

শ্রীকৃষ্ণ। অন্য দণ্ড চাও না—মৃত্যুদণ্ড চাও? কিন্তু আমার বিচারে সে দণ্ডের যোগ্য অপর ধী তোমরা নও, তোমাদের অপরাধের দণ্ড কি জান? সত্যকি!

সত্যকি। কেন, প্রভু!

শ্রীকৃষ্ণ। বন্দীদ্বয়কে মুক্ত ক'রে দাও।

সেনা। আমরা এমন মুক্ত হ'তে চাই না। বন্ধনের যাতনা নিয়ে বন্ধন মোচনকারীর নিকট যখন আসতে পেরেছি, তখন এ বন্ধন আমাদের যেন মুক্ত না হয়। ভবের বন্ধনে বাধা থাকার চেয়ে, কৃষ্ণের দেওয়া বন্ধনে বদ্ধ হ'য়েই যেন কালাতিপাত করতে পারি।

শ্রীকৃষ্ণ। সেনাপতি! অভিমান ত্যাগ কর। আমি স্বয়ং স্বহস্তে তোমাদের বন্ধন মোচন ক'রে দিচ্ছি। (তথাকরণ)

মন্ত্রী। সেনাপতি! যোগীশ্বরের শাধন হুর্ভাধন আজ নিজহস্তে আমাদের বন্ধন মোচন ছলে স্পর্শ মুখ দান ক'রে কৃত কৃতার্থ করলেন। এস, আমরা উভয়ে ঐ রাম-কৃষ্ণ ভ্রাতৃদ্বয়ের চরণ বন্দনা করি। (তথাকরণ)

শ্রীকৃষ্ণ। সেনাপতি! মন্ত্রিবর! তোমাদের মত এমন—ধার্মিক বিবেচক—বিজ্ঞ—সহায় বিজ্ঞমান থাকতে তোমাদের রাজা এমন অধা-শ্মিক কৃষ্ণদেবী কেন বলতে পার?

মন্ত্রী। যার যেমন স্বভাব, তার তেমনি স্ব-ভাব।

বল। তোমাদের মত এমন সংসঙ্গ লাভ ক'রেও তার স্বভাবের পরিবর্তন হ'ল না, এট আশ্চর্য্য!

মন্ত্রী। কেমন করে হবে হলধর? নিম্ববৃক্ষের মূলদেশে যদি মধু

সিঞ্চন করা যায়, তাহলেও যেমন নিম্বের তিক্ততা দূর হয় না, ভূজঙ্গ শিশুকে দুগ্ধ পান করালেও যেমন তার বিষ সুধা হয় না, তেমনি যে কৃষ্ণদেবী, শত সহস্র সহস্রদেশেও তার সে স্বভাবের পরিবর্তন হয় না।

সেনা । তারপর—এখন আমাদের কি কর্তব্য ?

শ্রীকৃষ্ণ । তোমরা যথেষ্টস্থানে গমন করতে পার, কোন আপত্তি নাই।

সেনা । আমাদের মুক্তি দিয়ে স্বাধীনতা দান করলে যে, আবার আপনার প্রতিশ্রুতি দাঁড়াব না, তার নিশ্চয়তা কি প্রভু ?

শ্রীকৃষ্ণ । সে কস্ম তোমাদের দ্বারা সংঘটিত হওয়া অসম্ভব। যদিও সম্ভব হয়, তবে স্বকর্মফল তোমাদিগেই সম্ভোগ করতে হবে।

মন্ত্রী । আমরা আর দ্বারকা ছেড়ে কোথাও যাব না। থাকি যদি, তবে কৃষ্ণ-রাজ্যের প্রজা হ'য়ে বসবাস করব।

শ্রীকৃষ্ণ । রাজা তোমাদের দেশত্যাগী, এ সময় তোমরা যদি দেশে না যাও, তাহ'লে সুবর্ণপুরী অবস্তী-নগর যে অরাজকতায় ছেয়ে যাবে। অশান্তি-উপদ্রব, প্রজাপীড়ন, অনাচার—অত্যাচার ব্যভিচারে দেশ পূর্ণ হ'য়ে যাবে। তোমরা দেশভক্ত-রাজভক্ত-মাতৃভূমির সেবক। যদি তোমাদের সমবেত শক্তি-সামর্থ্য-ও চেষ্টার দ্বারা রাজাহীন রাজ্য, শাস্তির আশ্রয়ে রেখে শৃঙ্খলা স্থাপন করতে পার, তার জন্ত প্রাণপণ যত্নে চেষ্টিত হও গে। যখন প্রয়োজন হবে, তখন আমার স্মরণ ক'রো, তোমাদের বাসনা পূর্ণ করব।

মন্ত্রী । নীরদবরণ ! স্মরণ গাত্রে তোমার করুণা পাব ব'লে আশ্বাস দিচ্ছ বটে, কিন্তু যদি তোমায় স্মরণ করতে বিস্মরণ হই, স্মরণ সময় যদি তোমার চরণে শরণ গ্রহণ করতে না পারি, তাহ'লে

পরকালের গতি কি হবে না? কল্পবৃক্ষ কাছে পেয়ে যদি ইহকাল-পরকালের স্বকাম-নিষ্কাম কর্ষের সফললাভ না হয়, তবে আমাদের মত পাতকীর উদ্ধার কি ক'রে করবে দয়াময়? মধুহৃদন! নিজগুণে যদি এতখানি দয়া-দানে আনন্দিত করলেন, তবে আর একটি নিবেদন শুন্ডে হবে। ক্লমরূপ দর্শনের ফলে যেন আমাদের মতি শ্রীমতীর প্রাণপতির শরণ নিতে বিম্বৃত না হয়। ক্লমরূপ দর্শনের ফলে যেন আমাদের সম-যাতনা দূর হয়।

শ্রীকৃষ্ণ । তোমাদের বিমল সরল ভক্তিতে, ক্লম—প্রেমাকৃষ্ট। তোমাদের ইহ-পরকাল শুভময় হবে—আমার নামে তোমাদের রুচি স্বভাবতঃই আগমন করবে। কোন চিন্তা নাই, শমন-শঙ্কারও চিন্তা নাই। আমি তোমাদের সকল ভার গ্রহণ করলেম।

সেনা । ভূতারহারী! তবে আমাদের ভার গ্রহণ কর।

[প্রণাম]

গীতকণ্ঠে কৰ্ম্মানন্দের প্রবেশ ।

কৰ্ম্মা ।—

গান ।

দিয়ে ভার ভূতার-হারীর পার,

হ'ল তোদের সব পারের উপার।

আর ভয় নাই, ক্লম তোদের

ইহ পরকালে পরম সহায় ॥

যাঁর নামে মুক্ত ভবের বন্ধন,

তাঁর পুত্র করে যার কর বন্ধন,

মুক্ত তাদের মায়া'র বন্ধন

শ্রীমদ-নন্দনের কুপায় ॥

যুগল মুরতি হের রাম-কৃষ্ণ,
 যুগল-আননে ওই উপবিষ্ট,
 দরশে-হরষে পরাগ আকৃষ্ট,
 শ্রীকৃষ্ণ-কমলে মধুপথার ।

[মন্ত্রী ও সেনাপতির হস্ত ধারণ করতঃ

দ্রুত প্রস্থান ।

বল । এইবার তাহ'লে সব শান্তি হ'ল ত, কৃষ্ণ ?

শ্রীকৃষ্ণ । ন' দাদা, এখনও অশান্তি আগুন জলবে । এর পর দণ্ডীর অন্বেষণ করতে হবে—তার কাছ হ'তে অশ্বিনী উদ্ধার ক'রে নিতে হবে, তা না হ'লে শান্তি পাব না, দাদা !

বল । যদি সে প্রাণভয়ে কারু শরণাগত হয় ?

শ্রীকৃষ্ণ । অপরাজিত-অপরিমিত শক্তি-সম্পন্ন যাদব-সৈন্য সমাবেশ ক'রে মহাপরাক্রমে তার আশ্রয়-দাতা সহ দণ্ডীকে সবলে আয়ত্ত্ব ক'রে অশ্বিনী গ্রহণ করতে হবে ।

বল । তাহ'লে বল--আবার যুদ্ধ বাধাবার সঙ্কল্প ?

শ্রীকৃষ্ণ । হ্যাঁ দাদা, তাই । দেখুন না—অশ্বিনী লাভের পরিণাম কি ভাবে কোথায় দাঁড়ায় ?

বল । যা ইচ্ছা কর—আমি দেখে যাই আর শুনে যাই—আবশ্যিক হ'লে হস্তপাণি হ'রে যুদ্ধেও যাই । তোমার ইচ্ছায় ত আমার বধা দেবার শক্তি নাই, তাই !

শ্রীকৃষ্ণ । বৎস প্রহ্মায় ! তুমি অনুসন্ধান কর, দণ্ডী কোথায় কি ভাবে অবস্থান করছে ? যদি কারু আশ্রয়ে অবস্থান করে, তবে তার সেই আশ্রয়-দাতাকে আমার উদ্দেশ্য জানিয়ে দণ্ডীকে পরিত্যাগ

করতে বলবে। যদি সন্মত না হয়, তবে তাকে আমার সঙ্গে যুদ্ধার্থে প্রস্তুত হ'তে বলবে। আমার এই আদেশ পালনে শত্রু মিত্র বিচার করবে না—যুদ্ধার্থে আহ্বান করবে। দেখি ত্রিলোক মধ্যে কোথায় সে দণ্ডী আশ্রয় পায়? স্বর্গ-বা রসাতলে কেউ তাকে আশ্রয় দেবে না। মর্ত্তে কৃষ্ণদেবী রাজগণ মধ্যে যদি কেউ তাকে আশ্রয় দেয়, তাকেও যুদ্ধার্থে প্রস্তুত হ'তে বলবে। যাও, আমার আদেশানুসারে এই দণ্ডেই দণ্ডীর অন্বেষণে গমন কর।

মদন। বে আজ্ঞে পিতা! [কৃষ্ণ বলরামকে প্রণাম]

[প্রস্থান ।

শ্রীকৃষ্ণ। আসুন দাদা! বিশ্রাম করিগে, সাত্যকি! তুমিও এস! বুদ্ধ শান্তি দূর করবে।

সাত্যকি। যথাদেশ প্রভু! চলুন।

বল। [যাইতে যাইতে স্বগত] এই অগ্নিনী নিয়ে এমন একটা কার্য্য হচ্ছে—নিশ্চয় কৃষ্ণের কোন গূঢ় উদ্দেশ্য আছে।

[সকলের প্রস্থান ।

তৃতীয় অঙ্ক ।

প্রথম দৃশ্য ।

বনপথ ।

উর্ধ্বশী ও দণ্ডীর প্রবেশ ।

উর্ধ্বশী । মহারাজ ! কে!থায় আনিলে মোরে ?
রাজপুরী হ'তে কেন আনিলে কাননে ?
তবে কি মহিষি, কিছু বলেছে তোমায় ?
তাই অপবাদ ঘুচাইতে দেবে বনবাসে ?

দণ্ডী । না—না প্রাণাধিকে !
তোমার নবীন প্রেমে বিমোহিত আমি,
পারি কি তোমায় কভু বনবাসে দিতে ?
কিন্তু প্রিয়ে ! ভীষণ ছুর্দেব উপনীত ।
দ্বারকেশ হৃষিকেশ লোলুপ দৃষ্টিতে
চেয়েছে সুন্দরী, তোমা প্রতি !
তাই শঙ্কা কেমনে রক্ষিব তোমা ?
জীবন থাকিতে দেহে মোর,
কৃষ্ণের অঙ্কশায়িনী হইবে প্রেয়সী !
পারিব না সহিতে তা' প্রাণে ।
তাই তব সনে—সংগোপনে,
অন্ধ নিশাকালে, এসেছি প'লায়ে বনে ।

পরাক্রান্ত যত্নবীরগণ—তোমার কারণ
করিয়াছে আক্রমণ অবস্খী আমার !

উর্কশী । তা'হ'লে ত সর্কনাশ হইবে প্রাণেশ !

পরিহরি তব সঙ্গবাস

কেমনে রহিব কৃষ্ণ পাশে ?

পারিব না জীবন থাকিতে তাহা ।

অধিনী দিবসে, নিশায় কামিনী

মহারাজ দণ্ডীর প্রেম-প্রণয়িনী ।

এ জীবনে তাঁরে করি পরিত্যাগ

অঞ্জনে কেমনে ভঙ্গিব ?

অথচ সে কৃষ্ণ যদি আক্রমে তোমার

হরিবারে মোরে তব পাশ হ'তে,

নাহি সাধ্য তব রক্ষিতে আশায় ?

কি হবে প্রাণেশ তবে ?

কৃষ্ণ সনে বাদ করি হেন ভাবে,

কতদিন বনে বনে রব সংগোপনে ?

যত্নবীরগণ—তন্ন তন্ন অশেষিয়া করিবে বাহির

মোর সনে বথা রবে তুমি ।

তখন কি করিবে উপায় নাথ ?

কেমনে রক্ষিবে মোরে ?

নিশ্চয়ই প্রাণভয়ে ত্যজিবে আশায়

সর্কনাশ করি অবলার ।

দণ্ডী । প্রাণাধিকে ! প্রণয়িনী ! সর্কস্ব-রূপিনী

তুমি মোর, প্রাণ চেয়ে বেশী ।

দিব প্রাণ আগে, তবে ত্যজিব তোমায় ।
 শোন প্রিয়তমে ! আমি করিয়াছি স্থির,
 স্বর্গ, মর্ত, রসাতলে করিয়া গমন,
 রাজা, মহারাজা যে যেখানে আছে,
 তব সনে সকলের লইব শরণ
 পাব না কি আশ্রয় কোথাও ?
 তাহ'লেই আশ্রয় দাতার শক্তি সহায়ে
 নিঃপদে রক্ষিব তোমায় ।

উর্ধ্বশী । কৃষ্ণের ক্ষমতা জানে ত্রিলোক নিবাসী,
 কে দিবে আশ্রয় তোমা ত্রিভুবন মাঝে
 কৃষ্ণ সনে করিতে শক্রতা ?
 এ আশা যে আকাশ কুমুম ?

দণ্ডী । সত্য হয় যদি আকাশ কুমুম,
 হই যদি কৃষ্ণ করে রক্ষিতে তোমায়
 অর্সমর্থ কোনরূপে, তবে হৌ প্রেরসি !
 তব গলদেশ ধরি এ বাহু বেষ্টনে,
 গঙ্গাজলে ত্যজিব জীবন,
 তব সনে জল মধ্যে রহিব মিশিয়া ।

উর্ধ্বশী ! আমার ত মৃত্যু নাই রাজা !
 স্বর্গের অঙ্গুরা আমি নবীনা নর্দকী,
 অভিশাপে অশ্বিনী রূপেতে
 মর্ত্যধামে আসি ভুক্তি ঋষি-শাপ ।
 আমারে ফেরিয়া তুমি ত্যজিলে জীবন
 আমার কি হবে প্রাণাধিক ?

দণ্ডী ।
 আছে বহু কৃষ্ণদেবী রাজা মর্ত্যধামে
 দোর্দণ্ড প্রতাপশালী—মহাপরাক্রমী ?
 তাঁহাদের কইরা শরণ
 রক্ষিব তোমারে তবে ।
 কৃষ্ণ প্রতি ঈর্ষ! হেতু.
 স্নানিচর মোরে দানিবে আশ্রয় ।
 চেদীশ্বর শিশুপাল তার দত্তবজ্র,
 বিদর্ভ-যুবরাজ মহাবল কৃষ্ণী,
 মগধের অধিপতি জরাসন্ধ বীর,
 যার হয়ে কৃষ্ণ ত্যজি মথুরা নগর
 দ্বারকায় করিল প্রস্থান ।
 এই সব সদাশয় কৃত্রিয়ের মধ্যে
 বিপন্ন দণ্ডীর কি হবে না আশ্রয় ?
 কেহ কি লো দিবে না অভয়
 স্বার্থপর কৃষ্ণের আতঙ্কে ?

উর্ধ্বশী ।
 তবে তাই চল প্রাণনাথ !
 বেখ কোথা কেবা দেয় আশ্রয় মোদের
 কৃষ্ণের এ অত্যাচারে কেবা রক্ষা করে ?
 হেনভাবে বনে বাস নহে নিরাপদ,
 কখন কি হবে বলা নাহি যায় ।
 এইরূপ অরক্ষিত না থাকি কাননে
 কোন লোকালয়ে নাথ ! লও গে আশ্রয় ।
 ওই পূর্বাকাশ হ'ল পরিষ্কার
 আসিতেছে হান্সময়ী উষা,

এইবার আমিও হইব অখিনী
 দুর্ভাগ্যের অভিশাপ করিতে সম্মোগ ।
 চল মহারাজ ! এই বেশে আমোদে-প্রমোদে
 কথ-কথ কথা কহিতে কহিতে,
 আরো কিয়দূর যাই এই ভাবে ।

দণ্ডী ।

প্রথমে যাইব আমি তোমারে নইয়া
 কৃষ্ণ-বৈরী কৃষ্ণী সন্নিধানে বিদর্ভ-নগর,
 সেখানে আশ্রয় লাভে আশা জাগে প্রাণে ।
 কৃষ্ণ তাঁর ভগ্নি কৃষ্ণীণীরে হরি
 অপমান করেছে তাঁহার,
 নির্ধাতিত—নিগৃহিত কৃষ্ণ-করে তিনি,
 সেই অপমান বিষে জর্জরিত হ'রে
 কৃষ্ণ প্রতি ঈর্ষান্বিত তিনি আমরণ ।
 তাঁর কাছে গেলে হব না বিমুখ ।
 শরণাগতে আশ্রয় দানিবেন ভীষ্মক-নন্দন ।

উর্ধ্বশী ।

তবে মোরে সঙ্গে ল'য়ে এবে
 কর যাত্রা বিদর্ভের পথে ।
 বৃষ্ণের লোলুপ ঃষ্টি
 নিপতিত আমার উপর,
 শুনি এই ভয়াবহ কথা
 আতঙ্কে শিহরে পরণ আমার ।
 নিরাশ্রয়ে থাকি সদা মনে ভয় হয়,
 ওই বৃষ্ণ আসিতেছে যত্নবীরগণ
 ধরিয়া লইতে মোরে সামর্থ প্রভাবে !

চল মহারাজ ! আর বিলম্ব ক'রো না,
 এখনি প্রভাত আসি হইলে উদয়
 পুনর্বার পাব অশ্বরূপ ।
 আর তব সনে কথা পাবনা কহিতে ।
 থাকিবেনা আপনার জ্ঞান,
 থাকিলেও অবলা হ'য়ে নারিব কহিতে ?
 তাই বলি এই বেলা চল মহারাজ !

দণ্ডী ।

এস প্রাণময়ী !
 এস মম সর্কস্বরূপিণী ।
 এই শুভ ব্রাহ্মমূর্ত্ত সমাগমে
 হেরিতে হেরিতে তব চাক্রচন্দ্র মুখ
 চন্দ্রদেব থাকিতে গগনে
 পার হ'য়ে যাই এই কাননের পথ !
 কৃষ্ণ ! কৃষ্ণ ! কি শক্রতা করিলে ?
 কিবা সাধে সাধিলে এমন বাদ ?
 আমার সর্কস্ব এই অশ্বিনী সুন্দরী
 তব প্রতি কেন লোভ তব ?
 সাধ ক'রে করিলে শক্রতা,
 পাই যদি দিন কোন দিন,
 পাই যদি তেমন আশ্রয়,
 সেইদিন বুঝিব তোমার ।
 অশ্বিনীর তরে স্ত্রী-পুত্র রাষ্ট্রৈর্ধর্য্য
 অকাতরে করিয়াছি ত্যাগ,
 প্রয়োজন হ'লে অশ্বিনীর সনে

জাহ্নবী জীবনে জীবন ত্যজিব,
প্রাণপণে রাখিব অশ্বিনী ।

[উর্ধ্বশী সহ প্রশ্নান ।

বিদর্ভ-নগর ।

রুক্মীর প্রবেশ ।

রুক্মী । পিতা—আমার উপর রাজ্যভার সমর্পণ ক'রে বাণপ্রশ্ন
প্রশ্নান করেছেন, রাজ্যের ভার যে, এত গুরুভার তা পূর্বে একদিনও
জানতে পারি নাই। প্রজাপালন, রাজ্যে শান্তি স্থাপন, প্রজা পুঞ্জের
ধর্মরক্ষা, রাজ্যের নিত্যকর্ম। পিতা আমার পরম কৃষ্ণভক্ত, রাজ্যবাসী
প্রজাগণও সেই কৃষ্ণের প্রেমাসক্ত—কৃষ্ণপূজা নিরত—কৃষ্ণের উপাসক।
শিশুপাল প্রভৃতি রাজগণের সংসর্গে থেকে, আমার মনেও কেমন একটা
কৃষ্ণ-বিদ্বেষ জন্মেছিল, তাই অমুজা রুক্মিণীর স্বয়ংবর বালে আমি অশেষ-
বিধ দুর্কাক্যে ভাগবতোত্তম কৃষ্ণকে হেয়চক্ষে দেখেছিলাম। অতঃ
জ্ঞানে উন্মত্ত হ'য়ে—অজ্ঞানতায় অন্ধ হ'য়ে—জগদীষ্ট কৃষ্ণকে গোপোচ্ছিষ্ট
'ভোজী—রাখাল ব'লে নিন্দা ক'রে দেবর্ষির প্রাণে বাধা দিয়েছিলাম।
দর্পহারী কৃষ্ণ আমার সেই দর্প চূর্ণ করতে—অরাসক্ত শিশুপাল প্রভৃতি
রাজগণ বিমণ্ডিত স্বয়ংবর সভা হ'তে অপূর্ব কৌশলে রুক্মিণীকে অপহরণ

করলেন । কৃষ্ণদেবী নৃপতিগণের সঙ্গে কৃষ্ণের ধৃষ্টতার প্রতিফল দিতে সমরায়োজন করলেন, কিন্তু অদ্ভুত পরাক্রমে কৃষ্ণ তাঁর শত্রু বিতাড়িত ক'রে—আমায় রথের সহিত বন্ধন ক'রে নিয়ে দ্বারকায় গেলেন । কৃষ্ণাগ্রজ বলদেবের অনুকম্পায় মুক্তি লাভ ক'রে তখন ভগ্নীপতি শ্রীকৃষ্ণের সঙ্গে আলিঙ্গনাবদ্ধ হ'লেম, তখনই যেন কেমন একটা মোহের আবরণ মনের দুয়ার হ'তে অপসারিত হ'য়ে গেল—তখন দেখলেম—কি এক অপূর্ব দীপ্তিপ্রভা সমন্বিত—অপূর্ণ লাভ্যায় শাস্ত—সোম্য—মানস-মোহন রূপ ! নব্বন হাম সুন্দর বিরাট বিস্তৃত বপু ! কত দেব দানব, যক্ষ রক্ষ, নর কিন্নর, সেই রূপের বিকাশে সৃষ্টি হচ্ছে - আবার তাতেই লয় হচ্ছে ! অসংখ্য অসংখ্য বাহু-বদন চরণ, চরণ-নথরে যেন শশী সূর্য্য বিকশিত—বিস্ফারিত অভয়প্রদ নেত্র—প্রফুল্ল হাস্য বিজড়িত আশ্র ! দেখে মনে দাস্ত্রভাবের উদয় হ'ল—বৈরীভাব দূরে গেল । অমনি ভক্তিভরে করদ্বয় সংযুক্ত হ'য়ে উচ্চশির স্বভাবতঃই তাঁর চরণতলে নত হ'য়ে পড়ল ! সেই দিন হ'তে আমিও আর কৃষ্ণ বিদেহী নাই—কৃষ্ণের অনুরাগী । কৃষ্ণ যে পূর্ণব্রহ্ম ভগবান্—সকল কার্যের কারণ ও কর্তা, তাতে আর কোন সন্দেহ নাই । তাই আমি আমার পিতৃ প্রদর্শিত পন্থায় পরিচালিত হ'তে কৃষ্ণের উপর সমস্ত ভার দিয়ে নিশ্চিত আছি । কৃষ্ণের কৃপায় রাজ্যে আমার পূর্ণশান্তি বিরাজমান ! রাজসংসার ও রাজত্বের দিন দিন শ্রীবৃদ্ধি সাধন হচ্ছে । প্রজাপুঞ্জ সকলেই হর্ষোৎফুল্ল । যথা নিয়মে ষড়ঋতুর সমাগমে শস্ত্র শ্যামলা বিদর্ভনগর আমার শান্তি নিকেতনে পরিণত হয়েছে । আমার প্রাণে পূর্ব্ববৎ কৃষ্ণ বিদেহ থাকলে, সেই সর্ব্বশক্তিমান্—অচিন্ত্য বিক্রম নারায়ণ আমার রাজ্যের অস্তিত্ব বিলুপ্ত করতে নিরস্ত হতেন না । ধরায় ধর্ম্মরাজ্য প্রতিষ্ঠার জন্তই তিনি অবতীর্ণ আদার যে ধার্ম্মিক, তিনি তার সহায় । তাই ধর্ম্ম কর্ম্ম সর্ব্বত্র কৃষ্ণ করে

সম্প্রদান ক'রে নিরাপদ স্থখে কাঙ্গত বরুছি প্রবল প্রতাপ যদুবংশ
 জাত কৃষ্ণক্লে আমার ভগ্নীপতি, সেই আশঙ্কার আমার শক্রতা সাধনেও
 কেউ সাহসী হয় না। ধন্য আমার মাতা পিতা, যাদের দুইভাঙ্গুপে
 কৃষ্ণিণী ভগ্নী আমার যদুপতি বাগুদেবের বনিতা। এই সব স সর্গ
 লাভ করতে না পারলে, আমার মত নারকীর দৃশ্যতির পরিবর্তন হ'ত না।
 সব বৃষ্ণের কৃপা, সব তাঁর অনুকম্পা, তাই ত কে চিন্তে পেরেছি—
 তাই দয়া ক'রে তিনি শ্যালক জ্ঞানে আমার চেনা দিয়েছেন। হে চিন্ময়
 চিন্তাতীত—চিন্তামণি! হোমার চরণে কোঁজী কোঁজী প্রণাম।

[তথাকরণ]

অশ্বিনী সহ দণ্ডীর প্রবেশ ।

দণ্ডী । এই কি বিদর্ভ--সভা ?

রুক্মী । হাঁ—এই বিদর্ভ সভা ? আপনার কি প্রয়োজন ?

দণ্ডী । পরে বলছি। আপনি কি মহারাজ ভীষ্মকের ছোঁঠপুত্র
 রুক্মী ?

রুক্মী । আজ্ঞে হাঁ, এই হতভাগ্যই সেই বৃষ্ণদেবী রুক্মী ।

দণ্ডী । আনন্দিত হলেম—এখন আশঙ্ক হ'তে পার্ব কি না তাই
 চিন্তা করছি !

রুক্মী । আপনি কোথা হ'তে এলেন ?

দণ্ডী । আমি অবন্তী নগর হ'তে আসছি।

রুক্মী । আপনিই কি তবে অবন্তীরাজ দণ্ডী ?

দণ্ডী । হাঁ মহাভাগ ! আমিই সেই দণ্ডধন দণ্ডী, বর্তমানে
 বিপন্ন—নিরাশ্রয়—ভাগ্যের শরণাপন্ন ।

রুক্মী । এখানে কি উদ্দেশ্যে আগমন ? কার কাছে আপনার

কি প্রয়োজন, বাধা না থাকে যদি শুন্তে, তবে বনুন—প্রকাশ
ক'রে ।

দণ্ডী । আপনি প্রতিশ্রুতি দিন—আমার উদ্দেশ্য পূর্ণ করবেন ।

রুক্মী । আপনার উদ্দেশ্য—আমার বিবেচনায় যদি জ্ঞায় ধর্ম বিগর্হিত
না হয়—পূর্ণ করা যদি সম্ভব পর হয়, তাহ'লে অবশ্যই পূর্ণ করব ; প্রকাশ
করুন—কি উদ্দেশ্য—কোন প্রয়োজনে এখানে এসেছেন ?

দণ্ডী । বিদর্ভরাজ ! আজ আমি কোন আততায়ী অরাতির
আতঙ্কে সশঙ্কিত হ'য়ে বড়ই বিপন্ন । তাই অনন্তোপায় হ'য়ে আপনার
শরণাপন্ন ! আপনি যদি এই অশ্বিনী সহ আমায় আশ্রয়দানে নিরাপদ
করেন, তবে জগতে আপনার আশ্রিত বংশল নাম প্রচারিত হবে ।

রুক্মী । সেই অরাতির অযাচিত শত্রুর কারণ কি অবন্তীরাজ !

দণ্ডী । কারণ—এই অশ্বিনী । দেখছেন বোধ হয় এমন বর্ণ
বৈচিত্র অশ্বিনী—এমন সম্পন্ন অশ্বিনী এই ত্রিভুবনে কোন স্থানে
নাই । আমি যুগয়ায় গিয়ে দৈবানুকূলে এই সুন্দরী অশ্বিনীকে প্রাপ্ত
হই । এই অশ্বিনীর লোভে লুপ্ত হ'য়ে সেই অরাতি আমার কাছে
অশ্বিনী প্রার্থনা করে, কিন্তু আমি অশ্বিনী প্রদানে অসম্মত হই, তজ্জন্ত
সে সঠিক্তে আমার পুত্রী আক্রমণ কব্তে সমুদ্রত হয় । আমি তখন
অনন্তোপায় হ'য়ে—আমার জীবন সর্বস্ব এই অশ্বিনীকে সঙ্গে নিয়ে
রাত্রমধ্যে পুত্রী পরিত্যাগ ক'রে পালিয়ে এসেছি । এক্ষণে কোন
মহদাশ্রয়ে আশ্রয় নিতে হবে ; আপনার যত মহৎ, এই বিশ্ব
সংসারে অতি বিরল, তাই বহু আশায় আপনার সন্নিধানে আশ্রয় ভিখারী
শরণাগত হয়েছি । আপনি শরণাগত প্রতিপালক, এই বিপন্ন দণ্ডীকে
অভয় আশ্রয়ে স্থান দিয়ে আমায় অরাতি আতঙ্কে রক্ষা করুন ।

রুক্মী । কে আপনার সেই অরাতি ? যার জন্ত অবন্তী পতিকে

শক্তি হ'য়ে সামান্য একটা অশ্বিনীর রক্ষায় আমার শরণ গ্রহণ করতে হয়েছে ? কে সেই দুর্দান্ত পরাক্রমী অরাতি আপনার, সত্ত্বর বলুন ।

দণ্ডী । আপনি অগ্রে বলুন—আমায় আশ্রয় দেবেন কি না ?

রুক্মী । শরণাগতকে আশ্রয় প্রদান সত্রিয়ের কর্তব্য এবং সনাতন ধর্ম । আপনার অরাতি কে ? তার শক্তি সামর্থ্য আমাপেক্ষা অধিক কি অনধিক, বিবেচনা না ক'রে আমি-আপনাকে আশ্রয় দান প্রতিশ্রুতি বাক্য প্রদান করতে অক্ষম । আগে জানতে চাই, আপনার অরাতির নাম, তার পর উত্তর বিবেচনা সাপেক্ষ ।

দণ্ডী । আপনারও যে অরাতি, আপনি যার নাম শুনলেই খজ্জাহস্ত হ'ন্—যে ছুটে আপনার অসম্মান ক'রে—চরম নির্যাতিত—অপমানিত করেছে—যাকে শাসন করবার জন্য আপনারা সমবেত শক্তি প্রকাশ ক'রেও কিছু করতে পারেন নাই । যে অধম নীচ বংশোদ্ভূত পাপাত্মা, আপনাদের পবিত্র কুলে দুর্মোচা কলঙ্ক কাশ্মিমা লেপন করেছে—যে কপট—শঠ লম্পট, কান্দুকতা বশে সত্বক বিচার করে না—লঘু গুরু বিবেচনা করে না, বে স্বার্থপর বিশ্বাসবাতক প্রহারক ঐশ্বর্যালোতে মাতুল হত্যা করেছে, অরাসক ভয়ে দ্বারকা প্রস্থান করেছে, সেই গোপাধম পাপাধম—নীচাধম-পশ্যাধম কৃষ্ণই আমার অরাতি । আমি সেই কৃষ্ণভয়ে ভীত হ'য়ে অশ্বিনী সহ আপনার শরণাগত । আমার আশ্রয় দিন্ বিদর্ভরাজ ! অশ্বিনীকে কৃষ্ণের বরে রক্ষা করতে আপনার সহায়—শক্তি সাহায্য ক'রে আমায় নিশ্চিন্ত—নিরাপদ করুন—আমার প্রাণ রক্ষা করুন—মান রক্ষা করুন—স্বজাতির সহায় হ'ন্ ।

রুক্মী । অবস্ঠীপতি ! দ্বারকাপতি কৃষ্ণ আপনার অরাতি হ'লেও আমার যে পরম আত্মীয় ভগ্নীপতি । আপনি তাঁর অসম্মানকারী, তাই

তিনি আপনাকে শাসনে সমুদাত। আগাতেও তাই করেছিলেন, আমিও তাঁর অসম্মান ক'রে ভগ্নীদানে অসম্মত হ'য়ে নারদের ঘটকতা প্রত্যাখ্যান ক'রে স্বয়ংস্বর সভা সমাবেশ করেছিলাম, কৃষ্ণ কুঞ্জিনী হরণ ক'রে রুক্মী দমন করেছেন—অজ্ঞানকে দিব্যজ্ঞান দি'য়েছেন। তেমনি আপনি কৃষ্ণকে চিন্তে না পেরে, অশ্বিনী দিতে অসম্মত হ'য়ে তাঁর অসম্মান করেছেন, তাই তিনি আপনাকে তাঁর ঐশীশক্তি প্রভাবে শাসনে কৃতসঙ্কর এ অবস্থায় আপনাকে আশ্রয় দিই যদি, তাহ'লে আমাকে, আমার সেই ভগ্নীপতি জগৎপতি কৃষ্ণের সঙ্গে শত্রুতাচরণ করতে হবে। আপনার জন্ত আমি কেমন ক'রে আত্মীয়ের সহিত বিরোধে প্রবৃত্ত হই—আপনিই বিবেচনা ক'রে বলুন ?

দণ্ডী। বুল্লেম—মরুভূমে জলের আশায় এসেছি। আগে জানতে পারি নাই বিদর্ভরাজ রুক্মীর এমন অসম্ভব পরিবর্তন হয়েছে। যে গোপাল আপনার চিরশত্রু ছিল, তাকে আজ পরমাত্মীয় ভগ্নীপতি ব'লে তার স্তাবকতার পরিচয় দিচ্ছেন ? হিঃ—আপনি জাতীয় গৌরব—বংশ মর্যাদার অসম্মানকারী—কৃষ্ণের ভয়ে ভীত হীনবীৰ্য্য কাপুরুষ—আপনি শরণাগত বিমুখ অধাশ্বিনিক। আপনার কাছে আমার আশ্রয় হবেন ? তবে আর এখানে কেন ? চল প্রাণের অশ্বিনী ! এখনও যামিনীর অনেক বিলম্ব, তোমার গলা ধ'রে আমি একবার মগধরাজ্যে, গমন করব—মহারাজ ব্রহ্মসঙ্কের আশ্রয় প্রার্থী হব। খুব সম্ভব তিনি আমার আশ্রয় প্রদানে বিমুখ হবেন না। এস অশ্বিনী ! এস প্রাণাধিকে ! তোমার নিয়ে অকূলে ভেসে যাই।

রুক্মী। ভ্রম—ভ্রম—ভ্রম। রাজা ! কৃষ্ণ গোলোকের ধন ! তাঁর প্রতি এই ভ্রান্ত্যভাব অধঃপতনের ষ্টে। এমন ভ্রান্তি একদিন সৃষ্টিপতি ঐশ্বর্য হ'য়েছিল, তাই তিনি বৃন্দাবনে গোধন হরণ করেছিলেন ; যে

অহমিকাবশে কৃষ্ণকে সামান্য জ্ঞান ক'রে মথুরাপতি কংস তাঁর বিনাশে সচেষ্টি হয়েছিলেন, যে অহং মত্ত হ'য়ে আমিও তাঁকে হীনচক্ষে দেখেছিলাম, সেই অহং—সেই দ্রাবিড় এখন সম্পূর্ণরূপে আপনাকে আশ্রয় করেছে রাজা ! তাই এমন কৃষ্ণ-নিন্দা করছেন ! জানবেন দণ্ডীরাজ ! কৃষ্ণের সঙ্গে শক্রতা ক'রে ত্রিলোককে কোথাও আপনি আশ্রয় পাবেন না। কেন একটা বন্য পশুর ভয় পূর্ণরূপে ভগবানের অকৃতহাজন হচ্ছেন ? আমার কথা শুনুন—কৃষ্ণপদে অশ্বিনী প্রদান ক'রে সেই বিশ্বপতির অভয় রাতুল চরণে শরণ গ্রহণ করুন, আপনার মঙ্গল হবে। নতুবা অশ্বিনীর জন্য যাদবগণের শক্তি প্রতিহত হ'য়ে অশেষ লাঞ্ছনা ভোগ আপনার কেউ রোধ করতে পারবে না।

দণ্ডী । আমি উপদেশ নিতে আসি নাই আপনার কাছে বিদর্ভরাজ ! আশ্রিতকে আশ্রয় দান যদি ধর্ম হয়, আপনি যদি সেই ধর্মার্জ্জনে কৃষ্ণের ভয়ে আমার অভয় দিতে সক্ষম হ'ন—বলুন ; অক্ষম হ'ন আমি আমার কর্তব্য স্থির ক'রে নোব।

কৃষ্ণী । কৃষ্ণের সঙ্গে বিপক্রতা ক'রে আপনাকে আশ্রয় দিতে অক্ষম।

দণ্ডী । এই ভারতের ক্ষত্রিয়ের ধর্ম পালন ? মহারাজ ! আশ্রিতকে আশ্রয় দান যে ক্ষত্রিয়ের সুমহান্ কর্তব্য এবং পরম ধর্ম। কৃষ্ণের ভয়ে আপনি আজ কর্তব্যভ্রষ্ট—ধর্মচ্যুত, আপনি মনুষ্যহীন—অপদার্থ—বীরকেশরী কৃষ্ণীর প্রাণ আজ পশুস্বপ্নে পরিপূর্ণ ! প্রাণের ভয়ে ভীত হ'য়ে আশ্রয় নিতে এসেছি অমানুষ—অক্ষত্রিয়ের কাছে। ছিঃ ! ছিঃ ! কি করেছি ? একি ভ্রম ? না না—এ ভ্রম সংশোধন করব। এস অশ্বিনী ! এই কৃষ্ণ শ্রাবকের পাপ সংশ্রব পরিবর্জন করি।

[অশ্বিনী সহ প্রশ্নান।

রুম্মী । কৰ্মফলের আকর্ষণ—বিধাতার লিপি—আর তোমার
একটা অদ্ভুত পরিবর্তনের ভিত্তিই ভগবানের এই লীলা লিপিবদ্ধ করণ ।
এখনও সাবধান না হ'লে তোমার সর্বনাশ হবে রাজা ! যাই বেলা,
হয়েছে ; স্নানাহ্নিক সমাপন ক'রে রাজসভায় যেতে হবে ।

[প্রস্থান ।

তৃতীয় দৃশ্য ।

মগধ—রাজসভা ।

মগধরাজ জ্বরাসন্ধ ও পারিষদগণের প্রবেশ
গীতকণ্ঠে প্রজাগণের প্রবেশ ।

প্রজাগণ ।—

গান ।

জয়তি জয়তি,	মগধ অধিপতি
সদাশয় ভূপতি	প্রজাকুল পালক ।
রাজ্য পরিচালক,	আর্য্য প্রতিপালক
বুদ্ধ বালক আশ্রয়	পরম পুলক ॥

পূর্ণচন্দ্র সম স্নিগ্ধ কিরণে,

স্বশাসিত রাজ্য করুণা বিতরণে,

নতশির শত অরাতির তব চরণে

স্বয়ং আচরণে বিমোহিত ত্রিলোক ॥

পুরন্দর সম প্রতাপে স্তম্ভর,
শাসিত অরিত্র শঙ্কিত চরাচর,
রাজচক্রবর্তী কুল ধুরন্ধর

তব কীৰ্ত্তি যশ গায় সৰ্বলোক ;—

রাজার ধরমে প্রজার মঙ্গল,
রাজপুণ্যে রাজ্যে শাস্তি সুশৃঙ্খল,
রাজকর নানিতে এসেছি সকল

জানি তুমি হে রাজেন্দ্র কুল-ভিলক ।

অরা । রাজ কর দাঁও গিয়ে সচিবের কাছে,
তুষ্ট আমি তোমাদের নিষ্টে আচরণে ।

[প্রভাগণের প্রশ্নান

হে প্রিয় পারিষদগণ !

মম জামাতা গে কংস মহাবীরে
নিহত করিয়া কৃষ্ণ সাধিল শক্রতা ।
অস্তি-প্রাপ্তি কন্যাঘয়ে বিধবা হেরিয়া
হৃদি মাঝে দাবানল উঠিল জলিয়া
কৃষ্ণে বনি কন্যাদের বেদনা বারিত ।
সনাজে স্ত্রীক্ৰম অস্ত্র করিয়া গ্রহণ
রণাঙ্গনে করিগু গমন ; যুদ্ধ নাম মাত্র
কিঙ্ক তাহাতেই মম জামাতার অরি
হৃষ্টমতি কৃষ্ণ গেল হারকা পলায়ে,
তদবধি মথুরায় আসে নাই আর ।
তাই মোর করে কৃষ্ণ পায় পরিভ্রাণ ।
মহাবীর অরাসক্ জীবনে কখন

ভীত পলায়িত মনে করে না সময়,
শান্তি যে, তারে ক্ষমা করে ক্ষত্রবীর ।
তাই কৃষ্ণ পায় পরিত্রাণ ;
নতুবা কি দ্বারকায় থাকি
নিরাপদ হত জীবনে ?
কেবল শঙ্কিত কৃষ্ণে করেছি উপেক্ষা
শিশু বলি করিয়াছি ক্ষমা ।

অস্তির প্রবেশ ।

অস্তি । বাবা ! বাবা !

অরা । কে—অস্তি ? মা আমার । প্রাণের নন্দিনি !

তোমার এ বৈধব্য নেহারি

ঘন ঘন বক্ষ যন্ত্রে হতেছে স্পন্দন !

মনে হয় এই দণ্ডে মর্গ্য পরাক্রমে

আক্রমিয়া দ্বারকা নগরী,

কৃষ্ণ সহ যত্নগণে করি বিতাড়িত,

কংস বধ প্রতিশোধে হৃদয় মাতাই !

কিন্তু পারি না মা, বীরধর্ম হেতু

ভীত কৃষ্ণ প্রতি করিবারে অত্যাচার কোন !

শঙ্কা পাছে ঘটে কোন কলঙ্ক-অখ্যাতি

মহাবীর জরাসন্ধ—ইতিহাসে তার ?

অস্তি । তবে বাবা, পতিহস্তা পাইল নিস্তার ?

আমাদের বৈধব্য প্রদাতা যেই—

হবে না তাহার কোন প্রতীকার ?

তবে আর কেন থাকি পিতা,
 কিসের কারণে হই তব গলগ্রহ ?
 মম পতিহস্তা কৃষ্ণে যদি না কর শাসন,
 প্রতিহিংসা যাবে না আমার ।
 দুর্বলা—অবলা নারী আমি
 জীবনে জীবন ত্যাগ কর্তব্য আমার ।
 যাই বাবা, যাই তবে জন্মের মতন
 তব পাশে বিদায় লইয়া ।

[প্রশ্নান ।

অরা । যাও পারিষদগণ ! কর গে বিশ্রাম ।

[পারিষদগণের প্রশ্নান ।

কৃষ্ণ সনে আর নাহি রণ অভিলাষী !
 নিতান্ত দুর্বল চেতা ভীত শিশুমতি
 মম ভয়ে লুক্কায়িত যেই,
 তার প্রতি অত্যাচার কেমনে করিব ?
 সবল দুর্বলে যদি করয়ে পীড়ন,
 বীরধর্ম পণ্ড হয় তার,
 গৌরবের ইতিহাসে থেকে যার কলঙ্ক-কালিন্দী !
 তবে যদি রণসাজে শক্রতা সাধিতে,
 কোন দিন পুনরায় পশে সে কেশব,
 সেইদিন সুনিশ্চয় বিনাশিব তারে,
 কংস হত্যা প্রতিহিংসা করিতে গ্রহণ ।

প্রহরীর প্রবেশ ।

প্রহরী । অভিবাদন মহারাজ !

জরা । কি সংবাদ দারী ?

প্রহরী । অবস্খী ভূপতি এক অশ্বিনী লইয়া
সমাগত দ্বারদেশে অমুমতি আশে !
আসিয়াছে রাজার সকাশে !

জরা । তাগ কর পুরদ্বার,
প্রবেশের দাও অধিকার,
যাও—তাঁরে করহ প্রেরণ ।

প্রহরী । পালনীয় রাজ-আজ্ঞা । [অভিবাদন]

[প্রস্থান ।

জরা । অসময়ে কিবা প্রয়োজনে
অশ্বিনী লইয়া দণ্ডী আসিল হেথায় ?
শুনিয়াছি জনরবে—“এক অপূর্ব অশ্বিনী
মৃগয়ায় দণ্ডী রাজা করিয়াছে লাভ ।”
অশ্বিনীর রূপ—মুগ্ধ হ’য়ে
কৃষ্ণ তাহা করেছে প্রার্থনা ;
তার পর জানি না সংবাদ ।
বোধ হয় কৃষ্ণে দিতে পারে নি অশ্বিনী,
তাই কোন বিপদে পতিত !

অশ্বিনী সহ দণ্ডীর প্রবেশ ।

দণ্ডী । জয় হ’ক্ মগধ-ভূপতি ! [অভিবাদন]

অর। - এস মহারাজ !
 লহ মম প্রতি—অভিবাদন । [অভিবাদন]
 কহ রাজা, কি কারণে হেথা আগমন ?
 শারীরিক মানসিক কুশল ত সব ?
 আছে কি আমার কাছে প্রয়োজন কিছু ?
 দণ্ডী : প্রয়োজন গুরুতর রাজা !
 তার পূর্বে কয়েকটা জিজ্ঞাস্য আছে মম ।
 অর। - বল মহারাজ ! কি জিজ্ঞাস্য তব ?
 দণ্ডী : আশ্রিত—বিপন্ন জনে আশ্রয় প্রদান
 বীরধর্ম ক্ষত্রধর্ম বলি
 কর কি না স্বীকার ভূপতি !
 অর। : আশ্রিত পালন—বিপন্ন রক্ষণ
 বীরোচিত ধর্ম সত্য বটে ।
 কিন্তু রাজা, আছে তার
 দেশ-কাল পাত্র ভেদাভেদ ।
 দণ্ডী : তবে শোন হে মগধ-পতি !
 কুম্ভ ভয়ে ভীত হ'য়ে আমি,
 যার কাছে বাই—কেউ দেয় না আশ্রয়,
 স্বর্গে দেবগণ কুম্ভভয়ে দিল না আশ্রয়,
 পাতালে বণির কাছে নাহি হল স্থান ।
 বিদর্ভে না পাইলু আশ্রয়
 সকলেই কুম্ভ ভয়ে শঙ্কিত অনুর ।
 তাই কুম্ভ ভয় নিবারণে,
 কুম্ভ যার ভয়ে ভীত

আমি তাঁর আশ্রয় ভিখারী ।
 পাব কি মগধপতি !
 প্রাণের অধিনী সহ মগধে আশ্রয় ?
 তোমার সাহায্যে মহারাজ !
 হবে না কি দণ্ডীর এ কৃষ্ণ-ভীতি দূর ?
 অরা । কেমনে হইবে মহারাজ !

কৃষ্ণ মোর ভয়ে ভীত,—পলায়িত,
 তার সনে শক্রতা তাঁর সাজে কি আগার ?
 দুর্বল সে কৃষ্ণ—নহে মম যোগ্য প্রতিদ্বন্দী,
 তাহে নিরীহ—নিশ্চিত ।

এ সময় আমি তোমা আশ্রয় দানিলে,
 কৃষ্ণ-সনে বিরোধ ঘটবে ।
 বিশ্বাসী যাবতীর রাজ্য নিকর
 অধিকাংশ কৃষ্ণ পক্ষ হবে,
 কৃষ্ণসনে দেবগণ হইবে মিলিত ;
 এই সব প্রতিপক্ষ সনে হইবে যুঝিতে,
 তবে ত পারিব রাজা রমিতে তোমায় ?
 কিন্তু নহি তাহে অভিলাষী আমি
 অস্ত্রের কারণে বিরাট এ রণ
 বাধাইতে ইচ্ছা নাই মোর ।
 বিপ্লবের পরিণাম ঘোর বিশৃঙ্খলা ।
 আরো কথা—বীর-প্রথা কলঙ্কে ঢাকিতে
 ভীত লক্ষ সনে করিব না রণ ।

দণ্ডী । তাহ'লে যে নিরাশ্রয়—সেই নিরাশ্রয় !

কৃষ্ণ প্রতিপক্ষ জনে,
কেহই না দানিল আশ্রয় ?
কোথা যাই তবে, কি করি এখন
কোথা পাই স্থান—কৃষ্ণ ভয়ে ?

ধরা : মম সম কৃষ্ণের অরাতি
চেদীপতি শিশুপাল আর দস্তবক্র ।
হুই ভাই তাঁরা—মহা শক্তিধর
চার তারা সূত্র কোন কিছু
কৃষ্ণ সনে শত্রুতা বাধাতে ।
তাঁহাদের আশ্রয়ে যাও রাজা !
মনকাম হইবে পূরণ ।

ধণ্ডী । তাই যাব মগধ ঈশ্বর !
চেদীপতি প্রত্যাখ্যান করিলে আমার,
জীবনের জীবনরূপা এ অশ্বিনীরে ল'য়ে
জাহ্নবী-জীবনে আগি তাজিব জীবন ।

[প্রশ্নান ।

ধরা । সামান্য অশ্বিনী তরে
সাধ ক'রে বাধায় যে রণ,
পরিণাম তার অতীব ভীষণ—
দেখা যাক—ঘটে কিবা অশ্বিনী লইয়া ।
ইন্দ্রজাল বিছা বিশারদ কৃষ্ণ,
অশ্বিনীর প্রতি যবে করিয়াছে লোভ,
ছলে—বলে—সুকৌশলে
নিশ্চয় সে লইবে অশ্বিনী ।

କୋପା ତୁମି ଯାବେ ନୀରାଜ !
 ଯାହୁଁକର କୁଞ୍ଜ ଦୃଷ୍ଟି ଏଡ଼ାଇଲା ?
 ଯାହୁଁବିଦ୍ଵାବଳେ ଜାନି' ତୋମାର ମନ୍ଦାନ.
 ଯାଦବବାହିନୀ ମନେ ଆସି ସେହି ସ୍ଥାନେ,
 ଅନିଶ୍ଚୟ ଲହିବେ ଅଶ୍ଵିନୀ ।
 ହିନ୍ଦୁଜାଲ ବିଦ୍ଵା ଯଦି ନା ଜାନି' ଓ କୁଞ୍ଜ,
 ତାହ'ଲେ କଂସେର କରେ କବେ ଧାରାତ ଜୀବନ ।
 ଅଷ୍ଟମ ଗର୍ଭେର ପୁତ୍ର କୁଞ୍ଜ ଦେବକୀର,
 ପାଷାଣେ ପଡ଼ିଲେ ତାର ହବେ ନା ମରଣ ;
 ତାର ଏବେ ଅୁସନ୍ଧ୍ୟ—ସବ ଅୁସନ୍ଧ୍ୟୋଗ,
 ବିଶ୍ଵ ତାର ସ୍ଵତ୍ଵିବାଦକାରୀ,
 ଦେବଗଣ ତାର ଆଜ୍ଞାକାରୀ,
 କୁଞ୍ଜମନେ ବିସନ୍ଧାଦ କରିତେ ହିଲେ,
 ପୂର୍ବ ହ'ତେ ଚାହି ଆରୋଜନ ।
 କେଉଁ କେଉଁ ବଳେ କୁଞ୍ଜ ନା କି ଭଗବାନ୍ ?
 କିନ୍ତୁ ମନ ନା ହୁଁ ଅୁତାୟ ।
 ବାହି ହ'କ୍—କୁଞ୍ଜ ଅୁଚତୁର ବଟେ !
 ଯଦିଓ ଆମାର ଭରେ ଭୀତ ସେ ମତତ,
 ତଥାପି ମଚେଷ୍ଟେ ମନା ଆମାର ସଂହାରେ ।
 ମନ୍ତ୍ରଯୁଦ୍ଧେ ପରାଜିତ ନୂପତି ନିକରେ
 କାରାଗାର ହ'ତେ କରିତେ ଉଦ୍ଧାର
 ପାଣ୍ଡବେର ମନେ କୁଞ୍ଜ ହ'ଲ ମନ୍ତ୍ରିନିତ ।
 ଅୁଯୋଗ ପାହିଲେ କୋନଦିନ
 ଅିଶ୍ଚୟ ଆସିବେ କୁଞ୍ଜ ଶାସିତେ ଆମାର ।

সেইদিন আসে যদি বুঝিব কুঞ্জে ?
আমিও সতর্ক থাকি—
সাবধানে হয় না বিনাশ ।

গীতকণ্ঠে কর্মানন্দের প্রবেশ ।

গান ।

আবার বিনাশেরও নাই রে সাবধান !
সাবধান হ'রে কে হয় অমর
করেছ কি কোথাও অবধান ।
যতই জীবন কর সাবধান,
মরণের করে নাই পরিজ্ঞান,
বেদিন আসবে পূর্ণ হ'রে নিদান
সেদিন বিকল হবে সবার শত সাবধান ।
জন্মদিন কি যায় হে জানা,
ভেমনি মৃত্যুদিন সবার অজানা,
বার চক্রে চলছে বিশ্বধানা,
কে করছে তার সকান ;—
অহং মনে মত্ত যারা,
চিরদিন কি থাকে তারা,
জনম মরণ সৃষ্টির ধারা
চার সুগের এই বিধির বিধান ।

[প্রস্থান ।

স্বরা । র'্যা— হ'্যা—তাইত—সতাই ত
যতই যে হ'ক সাবধান,
মৃত্যুকরে কেবা পায় পরিজ্ঞান ?

আসে ঠিক যথাকালে অলক্ষ্যে মরণ
 গতিরোধ সাবধানে হয় না তাহার !
 দেখা যাক—কি ভাবে সে মৃত্যুদিন আসে ?
 কংস—ছিল ব্যস্ত জীবনের ভবে শত সাবধানে
 পারিল না মরণ জিনিতে ।
 মর জীব জন্ম-মৃত্যুর অধীন, সত্য কথা ইহা
 তাই বলে জলবিহ্ব সম
 জলে উঠে জলে না মিশাবে ?
 মরণেও কীর্তি রেখে যাবে
 কীর্তিযশ্চ সজীবতি—সেই ত অমর ।

প্রস্থান

চতুর্থ দৃশ্য :

চেদীরাজ্য ।

শিশুপাল ও দম্ভবক্রের প্রবেশ ।

শিশু । ভাই দম্ভবক্র ! কৃষ্ণকে শাসিত করবার ইচ্ছা আমার
 নাই, কেন না সে আমাদের আত্মীয়—আমাদের মাতুল-পুত্র—সখকে
 ভাই । কিন্তু তার নীচতা—শঠতা—কপটতা—লম্পটতা দেখে তাকে
 ব্রাতৃসম্বোধন করতে মাথাটা মুয়ে আসে । কৃষ্ণ সামান্য গোপ-শিশু-
 দের উচ্চিষ্ট ভোজনকারী—নবনীত অপহারী—গোপিনী-প্রেমবল্লভ—
 গো-রাখাল, তার সঙ্গে আমাদের এ সখক উচ্ছেদ করাই কর্তব্য ।

দত্ত । সামাজিক সম্বন্ধের উচ্ছেদ করবেন কি ক'রে দাদা ?

শিশু । সম্বন্ধের উচ্ছেদ হয়—মরণে । কৃষ্ণকে তাই আমি শাসন না ক'রে সংহারের সঙ্গ করছি ।

শ্রুতস্রবার প্রবেশ ।

শ্রুত । কেন বাবা শিশু ! কৃষ্ণের প্রতি তোমার এমন বিদ্বেষ জন্মাল ? সে ত তোমার কোন অনিষ্ট করে নাই বাবা ! সে যে আমার প্রিয়তম ভ্রাতৃপুত্র, তোমার বড়দাদা । তার প্রতি এমন ভাব পোষণ ক'রো না বাবা ! সে যে তোমার বয়োজ্যেষ্ঠ দাদা—পূজনীয় মাননীয় ; তার প্রতি এ ব্যবহার ত ভাল নয় বাবা ! কৃষ্ণের কি এমন দোষ দেখেছ বাবা ! কি অনিষ্ট করেছে কৃষ্ণ তোমাদের, যে তার জন্য তোমরা দুই ভাই মিলে আমার পিতৃ-বংশধর গুণধর কৃষ্ণকে বিনষ্ট করার সঙ্কল্প করছ ? এ দুর্নীতি ত্যাগ কর—কৃষ্ণের কাছে বিনা কারণে অপরাধী হ'য়ো না বাবা ! আমি না, আমার কথা রাখ শিশু !

শিশু । এ সময় তুমি এখানে কেন এলে মা ? যাও—অন্তঃপুরে যাও । কৃষ্ণকে যতই আপনার ব'লে বৃষ্টিয়ে দিতে চেষ্টা কর—যত আত্মীয়তাই স্বরণ করিয়ে দাও, কিন্তু মা ! এমন নীচবৃত্ত হীনচেতাকে সূচকে দেখতে পারব না । তার কৃতকর্ম সকল সমাজে এমন নিন্দিত—হ'য়ে প্রতি ঘরে প্রচারিত যে, তার সঙ্গে কোন সম্বন্ধ রাখতে যেন মহামানী চন্দীপতী শিশুপালের মহা অপমান বোধ হয় ; তার সঙ্গে সম্বন্ধের উচ্ছেদ করতে হ'লে, এ জগত হ'তে তাকে অন্য জগতে অপসারিত করতে হবে । তাই তাকে নিহত করতে ইচ্ছা করেছি !

দস্ত । সত্যই মা ! কৃষ্ণ আমাদের বংশমর্যাদার অসম্মানকারী—
চন্দ্রীরাজবংশের আত্মীয়ের অযোগ্য । তার সঙ্গে কোন সংশ্রব বা
সম্বন্ধ রাখা খুবই অকর্তব্য । এ রাজনীতির মধ্যে তোমার না দাঁড়া-
নই ভাল, মা ! আমরা কৃষ্ণকে কিছুতেই মিত্রভাবে ভাবতে পারব
না । তার নাম শুনেই আমাদের আপাদ মস্তক হিংসায় জ্বলে
উঠে ! তার সঙ্গে শত্রুতা করতেই যেন সাধ হয় ! মনে হয়—সে
যেন কত যুগ যুগান্তরের শত্রু ।

শ্রুত । মিত্রভাবে ভাবতে না পার, শত্রুভাবেই ভাব । তার
সঙ্গে আত্মীয়তা না রাখতে চাও, সম্বন্ধ তুলে দাও ; কোন সংশ্রব
রেখো না তাদের সঙ্গে, তাদের ভাল মন্দ কোন কথায় থেক না,
তাহ'লেই ত যথেষ্ট বাবা ! তাকে বিনষ্ট করবে তোমরা—তোমাদের
মাতামহের বংশধরকে বধ করবে তোমরা, মা হ'লে আমি তা হ'তে
দোষ না । কৃষ্ণের নিন্দা করতে মন হয়—কর । তার সঙ্গে বাক্যা-
লাপ করতে ইচ্ছা না হয় ক'রো না, তবু যুদ্ধ সাজে সাধ ক'রে
যেও না ; তবে সে যদি আসে; বাধা দিও আপত্তি নাই । কিন্তু
আমার অনুরোধ বাবা ! তোমরা যা করবে কর, কেবল তোমাদের
মায়ের প্রাণে বাধা দিতে কৃষ্ণকে বধ করতে যেও না ।

শিশু । তাহ'লেই যদি ভূমি সন্তুষ্ট থাক মা ! তবে বলছি—
স্বৈচ্ছার আমরা তার সঙ্গে যুদ্ধ করতে যাব না, কিন্তু কশ্মীর দ্বারা
তাকেই যুদ্ধসাজে টেনে আনবো ।

শ্রুত । সুখী হ'লেম পুত্র ! আর একটা কথা—

শিশু । কি, মা ?

শ্রুত । কৃষ্ণের কোন শত্রুর পক্ষ হ'য়ে কখনও তার মনে শত্রুতা
ক'রো না ।

শিশু । আচ্ছা মা, সম্মত হ'লেম—অপর কারণ পক্ষ হ'য়ে কৃষ্ণ সনে কোন শক্রতা করব না ।

ব্রত । আশীর্বাদ করি—কৃষ্ণ তোমাদের কৃপা করুক ।

[প্রশ্নান ।

শিশু । মায়ের প্রাণ পুত্রের জন্তু সদাই ব্যাকুল !

দম্ভ । মা ত জানেন না—কেন আমরা কৃষ্ণকে শত্রুভাবে দেখি ?

শিশু । ছেনেও কাজ নাই ভাই ! এইবার আমরাও তাড়াতাড়ি কাম্য শেষ করে নিই এম ।

অধিনীসহ দণ্ডীকে লইয়া প্রতিহারীর প্রবেশ ।

প্রতি । মহারাজ ! ইনি আপনার সহিত সাক্ষাৎপ্রার্থী ।

[অভিবাদন]

[প্রশ্নান ।

শিশু । কে আপনি ?

দণ্ডী । আমি অবন্তীর-রাজা, আমার নাম দণ্ডী ।

শিশু । আসুন—আসুন—উপবেশন করুন ।

দণ্ডী । না চেদিবর ! এখন উপবেশনের সময় নাই, যেজন আপনাদের দ্বারস্থ হয়েছি, সেই কথার অধিবেশন না হ'লে আমি উপবেশন করব না—শপথ করেছি ।

শিশু । কি প্রয়োজনে এসেছেন বলুন ?

দণ্ডী । আমি বড় বিপন্ন—কৃষ্ণের ভয়ে ভীত—আপনাদের দ্বারস্থ ।

দম্ভ । তারপর ?

দণ্ডী । তারপর আশ্রয় ভিখারী । আপনারা হুই-ভাই চির কৃষ্ণ-ষেধী, কৃষ্ণের সঙ্গে শত্রুতার সূত্র অন্বেষণ করছেন, তাই এসেছি—

আপনাদের সকাশে সাহায্য ভিক্ষা করতে । দয়া করে এই অশ্বিনীসহ আমার আশ্রয় দান ক'রে—কৃষ্ণকে শাসিত করুন—আমার কৃষ্ণভীতি দূর করুন ;

শিশু : কৃষ্ণের সঙ্গে আপনার এ বৈমুচনের কারণ কি ?

দত্তী । কারণ এই অপূর্ণ দর্শন অশ্বিনী ।

দত্ত । এমন সুন্দর—বর্ণ-বৈচিত্র অশ্বিনী আপনি কোথায় পেলেন ?

দত্তী । মৃগয়া ব্যাপদেশে গিয়ে কানন হ'তে এই অশ্বিনী সংগৃহীত হয়েছে । কৃষ্ণ তা কিরূপে জানতে পেরে, আমার এই জীবন সর্বস্ব অশ্বিনীর প্রতি লোভ পরবশ হ'য়ে অশ্বিনী প্রার্থনা ক'রে পাঠায় ; আমি অশ্বিনী প্রদানে অসম্মত ব'লে সবলে সে আমার পুরী আক্রমণ করেছে । আমারও অনুসন্ধান করছে অশ্বিনী গ্রহণের জন্য । নিতান্ত নিরুপায় হ'য়ে—কৃষ্ণ-ভয়ে অশ্বিনীসহ নিরাপদ আশ্রয় লাভ করতে দেশে—দেশে নগরে—নগরে, স্বর্গে রসাতলে ভ্রমণ করলেম, কেউ আশ্রয় দিলে না । বিদর্ভে আশ্রয় দিলে না—মগধেও আশ্রয় পেলেন না, কেউ কৃষ্ণের সঙ্গে স্বেচ্ছায় শত্রুতা করতে চায় না । তাই বহু আশায় আপনাদের সন্নিধানে এসেছি—আশা পূর্ণ করুন । আমাকে একটু আশ্রয় দিন । আমি আপনাদের শরণাগত, কৃষ্ণের প্রবল স্বার্থপরতায়—অন্যায় অত্যাচার হ'তে আমাকে রক্ষা করুন ; আপনারা যদি দয়া না করেন—বিরূপ হ'ন, তাহ'লে আমার নিরাশার গহ্বরে ডুবে যেতে হবে ।

শিশু । মহারাজ ! আমরা কৃষ্ণ বিদেষী হ'লেও, কৃষ্ণের যে বিদেষী, তাকে আশ্রয় দিয়ে কৃষ্ণের বিদেষ ভাজন হ'তে চাই না । কারণ কৃষ্ণ—আমার মাতুল-পুত্র, কিন্তু তার অনাচার—অত্যাচার—ব্যভিচার, হীনতা—নীচতা—কাপুরুষতা—আমাদের যোগ্য সম্মানের

অনুপযুক্ত, তাই তাকে আমরা আনুগতিক ঘণা করি। কিন্তু তা ব'লে একজন অনাত্মীরের জন্য, পরমাত্মীরের সঙ্গে বৈষয়িক ব্যাপারে শত্রু শত্রুতা থাকলেও অপরের জন্য তার সঙ্গে শত্রুতা করা অবিধি।

দম্ভ । তা ছাড়া আমরা মাতৃ-পাশে পণে আবদ্ধ আছি—
সাম ক'রে, কখনও কৃষ্ণকে আক্রমণ করতে হাব না, তাকেই শত্রুতা
দ্বারা আকর্ষণ ক'রে এনে আক্রমণ করব। আর কৃষ্ণকে শত্রুকে
কখন আশ্রয় দিয়ে তার শত্রুতা আকর্ষণ করব না। সুতরাং এখানে
আপনার আশ্রয় লাভের আশা অসম্ভব। আপনি অন্য আশ্রয়ে
গমন করুন।

দণ্ডী । সেই এক কথা—সেই নিরাশ্রয় আমি,
কৃষ্ণভয়ে ভীত দণ্ডীরাজ,
স্বর্গ-মর্ত্য রসাতলে কেহ দিল না আশ্রয় ।
তবে আর কোথা যাব ?
কর্তব্য এখন মোর মহৎ আশ্রয় ।
পুত্রময়ী ভাগিরথী পতিত পাবনী
তার কোলে অশ্বী সহ লইব আশ্রয় ।
বঝিলাম—স্বর্গ মর্ত্য রসাতলে
আশ্রিত পালন ধর্ম্য কারু প্রাণে নাই ?
সকলেই স্বার্থে আত্মহারা
জীবনের শুভাশুভ কামী,
ধর্ম্য লক্ষ্য কারু প্রাণে নাই ।
প্রকৃত ধার্মিক যদি থাকিত ত্রিলোকে
নিশ্চয় তাহ'লে দণ্ডী পাইত আশ্রয় ।
ধর্ম্য নাই ধর্ম্য নাই নাই সে ধার্মিক ।

দুর্কাসার প্রবেশ !

দুর্কাসা : আছে—আছে রাজা ! ধর্ম আছে
 ধার্মিকও আছে—কিছুই অভাব নাই,
 মাত্র চিনে লগ্না অতি সুকঠিন ।
 তবে সার পথ করেছে সম্বল তুমি,
 বিশ্বমাঝে নাহি পেয়ে স্থান
 জাহ্নবী জীবনে চাহ লইতে আশ্রয় ?
 সে আশ্রয়ে ধর্মের আশ্রয়,
 যাও তথা, দেখিতে পাইবে
 জগতে ধার্মিক আছে, আছেন সে ধর্ম ;
 এস মম সনে—দিব স্থান দেখাইয়া
 যেখানে জীবন দানে মহা পুণ্য হবে !

কণী । চলুন হে ঋষিবব ! বিপন্ন-বান্ধব !
 নিদানের সুপথ দেখায়ে ।
 কৃষ্ণের আতঙ্কে শঙ্কিত ত্রিলোক
 কেহ কৃষ্ণ ভয়ে স্থান নাহি দিল ।
 তাই স্থির করিয়াছি মনে
 সর্ব জীবাশ্রম মাতা সুরধুনী-নীরে
 নিরাপদে লইব আশ্রয় ।
 চল ঋষি, পথ দেখাইয়া ।

[দুর্কাসাসহ প্রস্থান

শিও । দশবক্র ! এখনো ত এল না নর্তকী ?
 ব'রে যার প্রমোদ সময় !

দস্ত । এই বৃষ্টি আসে দাদা, সবে :

নর্তকীগণের প্রবেশ ও অভিবাদন ।

শিশু । এই যে এসেছ সবে সাজি নবীন সজ্জায়
ভুলাইতে দর্শকের মন ;
গাও— শুনি নবীন সঙ্গীত ।

দস্ত । নর্তকীগণ ! কৃষ্ণ যে বৃন্দাবনে গোপীদের সনে
করিয়াছে ঘণ্য-লীলা রাস দোল আদি,
সেই সব কৃষ্ণের কুকীর্্তি গাও:
জান যদি গাও ত সকলে ?
শুনি সেই কৃষ্ণের নীচতা
বুঝে দেখি কত হীন সেই ?

নর্তকীগণ :—[নৃত্যসহ] গান ।

লম্পট শঠ নিপট কপট কুলবালা কুলনাশী ।

গো-পাল সনে গোষ্ঠ গমনে বাজার কুটিল বাণী ।

গোপিনীর গৃহে নবীন হরণ,

ঘাটে—ঘাটে নারীর কাড়িল বসন,

রাধা সনে কুঞ্জে বামিনী বাপন

সবে প্রমাণাপে উদাসী ।

রাখাল সকলে সখা সখা ব'লে,

গোপোচ্ছিষ্ট খেলে কাঁধেতে চড়ালে,

বামরী বাজালে বমুনা উজালে

গোপিনী বজালে, হ'ল অসাসী ।

নিশু । ছিঃ—ছিঃ ! ক্ষত্রিয়ের এ কি কলঙ্ক !
 এই সব দোষে ভারে বিরূপ সতত ।
 যাও সবে নিজ নিজ স্থানে,
 এস ভাই ! করিগে বিশ্রাম ।

[সকলের প্রস্থান ।

পঞ্চম দৃশ্য ।

গঙ্গাতীর ।

উর্ধ্বশীকে ধরিয়া দণ্ডীর প্রবেশ ।

দণ্ডী । এতদিনে সব আশা হইল বিফল !
 ত্রিলোক ভ্রমণ করি কোথাও না পাইলু আশ্রয় ।
 প্রেণের প্রতিমা মোর উর্ধ্বশী সুন্দরী
 আর বুঝি তোমা পারি না রক্ষিতে ।
 এখন আসিয়া ছুঁই কৃষ্ণ-চরণ
 কাড়িয়া লইবে তোমা মম পাশ হ'তে ।
 তবে আর আগে মোর কিবা প্রয়োজন ?
 দাঁড়াও সম্মুখে তুমি মোর,

জন্মের মতন তব রূপ হেরিতে হেরিতে
জাহ্নবী জীবনে দিব প্রাণ বিসর্জন ।

উর্ধ্বশী । মহারাজ । প্রাণ ত্যাগ করা নহে ত কঠিন
ইচ্ছামাত্রে হ'তে পারে সে কার্য সাধন ।
কিন্তু অতি প্রিয় প্রাণ ত্যাগ আমার কারণে
কেন তুমি করিবে রাজন ?
আমি কে ? স্বর্গের অপ্সরা আমি,
অভিশপ্তা ধরণী মণ্ডলে ।
শাপমুক্ত হ'লে, বাধা যেতে নিভ্বাসে ।
তখন ত পাবে না আমার ।
সহিতে ত হইবে তখন
আমার বিরহ জ্বালা ।
তবে কেন আমার আশায়
অমূল্য জীবন দিবে বিসর্জন,
আত্মহত্যা মহাপাপ করিতে সক্ষম ?
তার চেয়ে গৃহে যাও রাজা !
মম আশা পূর্ব হ'তে কর পরিত্যাগ ;
নিজ পত্নী পুত্র বিভব রাজত্ব ল'য়ে
মহানন্দে কাটাও জীবন,
মরিবার নাহি প্রয়োজন
রাধ প্রিয়তম দাসীর বচন ।

মণ্ডী । কেমনে তোমায় প্রিয়ে, করি পরিত্যাগ ?
তুমি যে লো সর্বস্ব আমার ।
আমি বিস্তমাসে তুমি হইবে হৃকের

কেমনে সহিব তাহা,
 তাই প্রাণ করি বিসর্জন !
 ওই হের প্রভাতী তারকা পূর্বাকাশে,
 ক্ষণ পরে প্রভাত হইবে
 তুমিও অশ্বিনীরূপ পাবে ।
 তাই বলি প্রিয়ে, তব ওই উর্ধ্বশী মুরতি
 হেরিতে হেরিতে গঙ্গাজলে দানিধ জীবন ।
 মাতর্গঙ্গে দে মা কোলে স্থান ।
 ত্রিভুবনে আশ্রিতের নাহিক আশ্রয়
 তাই তব পদাশ্রয়ে এসেছি জননী !
 তব জলে দানিধ জীবন ;
 সস্তাপনাশিনী মাতঃ সুরধুনি !
 সস্তানের এ সস্তাপ কর মাতা দূর
 স্থান দিয়ে পুত্র অঙ্কে তব ।
 জয় মা জাহ্নবী ! জয় মা জাহ্নবী !

পরিচারিকাসহ সুভদ্রার প্রবেশ ।

সুভদ্রা ! দেখ দেখ সহচরি ! কেবা একজন
 বলিতেছে গঙ্গাজলে ত্যজিব জীবন ?
 ওই হের সখি ! রাজ পরিচ্ছদ পরি
 সুন্দর পুরুষ ওই জলে নেমে যার ।
 লহ সখি ! পরিচয় গুঁর,
 কি কারণে ত্যজিবে জীবন ?

পরি । কে মশায় আপনি এ সকাল বেলায় জলে ডুবতে

যাচ্ছেন ? দাঁড়ান—কি হয়েছে বলুন, আমার সখি আপনাকে অভয় দেবেন। কি হয়েছে বলুন ?

দণ্ডী। কে তুমি দয়্যাবতী ? কার সহচরী তুমি ? কেন আমার জীবন ত্যাগে বাধা দান করলে ?

পরি। আমার সখি আপনাকে প্রাণত্যাগের কারণ জিজ্ঞাসা করতে বসলেন, তাঁর আদেশেই বাধা দিয়েছি।

দণ্ডী। আমার প্রাণত্যাগের কারণ শুনে তিনি কি করবেন ?

পরি। ওগো দেবি ! উত্তর দাও, শুনু ত ইনি কি বলছেন ?

সুভদ্রা। সখি ঠকে বল—কারণ শুনে যদি কোন উপায় করতে পারেন, তাহলে আপনার জীবন ত্যাগ করতে হবে না।

দণ্ডী। সে ছঃসাধ্য দেবী !

সুভদ্রা। কিছুই ছঃসাধ্য নয়, সুসাধ্য। আপনি বলুন—কেন আপনি প্রাণত্যাগের সঙ্কল্প করেছেন ?

দণ্ডী। ত্রিভুবনে কোথাও আশ্রয় না পেয়ে শক্রভয়ে জীবনত্যাগ করতে এসেছি।

সুভদ্রা। আপনি নিরস্ত হ'ন, আমি আপনাকে আশ্রয় দোব—আমি আপনার শক্রভয় দূর করব, প্রাণত্যাগ কববেন না।

দণ্ডী। ত্রিলোক যার ভয়ে আমার আশ্রয় দিতে সাহসী হ'ল না, তুমি সামান্য রমণী হ'য়ে এই অরাতি সঙ্কটে অভয় দিচ্ছ কোন্ সাহসে মা ? কে তুমি দয়্যাবতী দেবী মূর্তি মা ? কোন্ কুলোজ্জল-কারিণী তুমি মা ? যোর নিরাশার অন্ধকার মানে আশার কীণা-লোক ছেলে দিলে কে তুমি মা মহিমময়ী মহীয়সী ?

সুভদ্রা। আমি যদুকুল শ্রেষ্ঠ কৃষ্ণের ভগিনী—তৃতীয় পাণ্ডব পার্থের বনিতা—চন্দ্রবংশের কুলবধু—নাম সুভদ্রা।

দণ্ডী । থাক মা ! আর আমার আশ্রয়ে প্রয়োজন নাই, আর এ সময় প্রবঞ্চনা ক'রো না মা, আমি বুঝেছি তোমার উদ্দেশ্য । কৃষ্ণ-ভয়ে ভীত হ'য়ে জিলোক ভ্রমণ ক'রেও আশ্রয় পেলেন না, আর তুমি সেই কৃষ্ণের ভগিনী হ'য়ে কেন আমার আশ্রয় দিতে চাচ্ছ, তা বুঝেছি । আমায় নিয়ে গিয়ে কৃষ্ণের হাতে তুলে দেবে : যে আমার শত্রু, তুমি তার ভগ্নী হ'য়ে কেমন ক'রে আশ্রয় দেবে আমায় ?

সুভদ্রা । আশ্রিতকে আশ্রয় দান দে পরম ধর্ম । আমার স্বামী এবং আর্ষ্যপুত্রগণ ধর্মরক্ষক ; আমি তাঁদের কুলবধু, তাই নিরাশ্রয় আপনি, আপনাকে আশ্রয় দিয়ে ধার্মিক পাণ্ডবগণের ধর্মরক্ষা কর'ব ।

দণ্ডী । আমায় রক্ষা কর'তে যদি কৃষ্ণের বিরুদ্ধে অস্ত্রধারণ ক'রে যুদ্ধ কর'তে হয়, তবে কি কৃষ্ণ-সখা পাণ্ডবগণ আমার জন্তু তা কর'বেন ?

সুভদ্রা । ধর্ম রাখ'তে গেলে, আশ্রিতকে রক্ষা কর'তে হ'লে তা কর'তে হবে বৈ কি । এর জন্তু—এই ধর্মরক্ষার জন্তু আমাকেও যদি দাদার বিরুদ্ধে অস্ত্র নিয়ে দাঁড়াতে হয়, তাতেও প্রস্তুত । যখন আপনাকে অভয় দিয়েছি, তখন আশ্রয় দোবই দোব । আসুন, আপনি আমাদের সঙ্গে আসুন ।

দণ্ডী । কিন্তু—

সুভদ্রা । সন্দেহ কর'বেন না, কোন ভয় নাই ।

দণ্ডী । মন বিশ্বাস কর'তে পার'ছে না ।

সুভদ্রা । এই পবিত্র প্রভাতকালে

পুত্র ভাগিরথী তীরে দাঁড়াইয়া,

প্রাতঃসূর্য্যপানে চাহি কহি মহারাজ !

সুভদ্রাব দেহে থাকিতে জীবন
 কেহ তব না পারিবে অনিষ্টে সান্বিত ,
 এটী বাক্য যদি মম হয় প্রত্যাশার
 অনন্ত নরকে যেন হই নিপবিত ।
 আশ্রিত আপনি যখন মোর,
 আশ্রয় পালন ধরন যখন,
 তখন সে ধম্ম করিতে রক্ষণ
 সুভদ্রার এ জীবন পণ ।

কণ্ঠী । তব চল দেখি । তব মনে বাই
 মহাবলী পাণ্ডবের অভয় আশ্রয়ে ।
 অবস্থার অধিপতি নিরাশ্রয় নগ্নী
 সুধার্মিক পাণ্ডবের পাঠল আশ্রয় ।
 আমি তবে অশ্বিনীরে আমি
 স্নান সমাপিয়া এস না, স্বরায় ;
 অপেক্ষা করিহা রব ওই পথিপাশে ।

সুভদ্রা । তাই যাও মহারাজ, স্নান দে অশ্বিনী
 নান তরে বাক তব দানার সঙ্কিত :
 গঙ্গাস্নান করি সমাপন,
 সেই দণ্ডে বাইব আসিয়া ।

সখিমত প্রহান ।

কণ্ঠী । ওই যে উর্ধ্বশী মম অশ্বিনী রূপেতে
 অদূরেই রয়েছে দাঁড়ায়ে
 যাই আমি তারে, ল'য়ে বাই পাণ্ডব-আশ্রয়ে ।

প্রহান ।

গীতকণ্ঠে প্রাতঃস্নান করিয়া ব্রাহ্মণগণ
যাইতেছিলেন ।

ব্রাহ্মণগণ ।—

গান ।

গঞ্জ গাঁও দায়িনী ।

পতিত জন পাবনী, পাতকী ভয় নাশিনী

মোকমুক্তি বিদায়িনী ।

ব্রহ্মাক্ষয়লুপ্তিতা বরত নর তারিণী,

ভানুজ তর ভঙ্গিনী মা হরিচরণ সঙ্গিনী,

ত্রিলোকে ত্রিদারা মাতঃ পুত্র ভরঙ্গিনী

দুরিতবারিণী হঃ শুক্র প্রদায়িনী ।

গোমুখ গিরি বিদায়িণী তরঙ্গা তটিনী,

সগর বৃন তারিতে এলে বরতে মা সুরধুনী,

অস্তে গঙ্গা বলে তব জলে মরিলে তরে পরাণী ;—

মহাপাণী কত শত তারিতে এলে অবনী,

ব্রহ্মলোক নিবাসিনী মা পুণ্য প্রবাহিনী,

তব সলিলে মরিলে যুক্তপাণী তখনি,

তার গঙ্গেশে শমন ত্রাসে গঙ্গেশ শিরচারিণী ।

[প্রস্থান]

চতুর্থ অঙ্ক ।

প্রথম দৃশ্য ।

ইচ্ছ প্রসঙ্গ ।

কুন্তী ও সুভদ্রার প্রবেশ ।

কুন্তী । কি সন্ধান করছ তুমি বৌ মা ! নারী-মূলভ চপলতা
বশে তুমি হিতাহিত ভবিষ্যৎ বিবেচনা না করে দণ্ডীকে আশ্রয় দিয়ে
তাল কাট কর নাই মা ! যে কৃষ্ণ তোমার অগ্রজ, আমার ভ্রাত-
স্পুত্র—পাণ্ডবগণের বল বুদ্ধি ভরসা, সহায় সঞ্চল, সেই কৃষ্ণ যার
প্রতি প্রতিকূল ব'লে ত্রিভুবনে কেউ যাকে আশ্রয় দিতে সাহস করে
নাই, তুমি অবলা—দুঃখলা নারীজাতি হ'য়ে কোন সাহসে তাকে আশ্রয়
দিয়ে, তোমার দাদার প্রতিকূলতাচরণ করলে বৌমা ? পাণ্ডবেরা এ
কথা শুনে ভাববে কি ? কৃষ্ণই বা শুনে বলবেন কি ? তাই
বলছি মা, এখনও কেউ জানতে না জানতে দণ্ডীকে পরিত্যাগ কর ।
আব কৃষ্ণের সঙ্গে বিবাদ বাধিও না ।

সুভদ্রা । সুধাশ্রিত পাণ্ডবগণের ধর্মপরায়ণা জননী হ'য়ে অজ্ঞ এ
কি কথা বলছ মা ? কেন আমার বৃথা তিরস্কার করছ ? মা গো !
তোমার মুখে শুনেছি—দাদাও বলেছেন, আলিভ পালন, ক্ষত্রিয়ের
সনাতন ধর্ম । বিপন্ন দণ্ডীকে দাদার প্রতিকূলে আশ্রয় দিয়েছি ব'লে
কি অন্তায় করেছি মা ? বিপন্নকে আশ্রয় দান যে ক্ষত্রিয়ের ধর্ম
মা ! আমি সেই ধর্মবলে বলবান, যে ধর্ম পাণ্ডবের প্রধান বল—
পরম সঞ্চল, সেই ধর্মবলে প্রবল করতে আমি ধর্মামুদিত নিরম্বে

শরণাগতকে আশ্রয় দিয়েছি । এতে যদি আপনার পুত্রের দণ্ডীকে রক্ষা করতে কাতর হ'ন, তাহ'লে বুঝ্বে—জগতে ক্রিয়ের ধর্ম নাই । ক্রিয়ের বাস্তবতা তর্কাল পীড়ন করতে—বিপন্ন আশ্রিত পালনের জন্য নয় । আমার এই কার্যের সহায়তা করতে পাণ্ডবগণ যদি দাদার ভয়ে দণ্ডীকে রক্ষা না করেন, তবে মা ! দাদার পায়ে ধ'রে দণ্ডীর জীবন ভিক্ষা কর্বে ; তথাপি প্রাণ থাকতে আশ্রয় দান ক'রে আবার আশ্রিতকে পরিত্যাগ করতে পার্বে না । না গো ! যে পাণ্ডব ধার্মিক ব'লে জগতে সুপরিচিত—ধর্মরাজের কুলের উজ্জল রত্ন, সেই কুলের কুলবধু আমি, আমার আশ্রিত পালন-ধর্মের লক্ষ্য দিও না মা !

কুন্তী । কি কর্বে—কি হবে কিছুই বুঝতে পারছি না মা ! বাই, আমি পুত্রদের তোমার কাছে পাঠিয়ে দিইগে, তারা যা ভাল বোধে তাই করুক ।

[প্রস্থান ।

সুভদ্রা । জানি না—নারায়ণ আমার আশ্রিত পালন ধর্মের সহায়তা করবেন কি না ? ধর্ম ! সুভদ্রার এই কাঁধে জগত যদি বিকল হয়, তবে তুমি যেন সহায় থেকে । ধর্মবল সম্বল ক'রে—সুভদ্রা আজ শরণাগত বিপন্নকে আশ্রয় দিয়েছে । আমার কেউ নাই—কেবল ধর্ম ! তুমিই ভরসা ।

অর্জুনের প্রবেশ ।

অর্জুন । ভদ্রা ! প্রাণাধিকে ! করেছ কি প্রিয়ে ?

সুভদ্রা । [প্রণাম করিয়া] কি করেছি নাথ ?

অর্জুন । কৃষ্ণ ভয়ে ভীত-দণ্ডীকে আশ্রয় দিয়ে অস্ত্রাণ করেছ ।

সুভদ্রা । আশ্রিত—শরণাগত—বিপন্নকে আশ্রয় দান করা কি অশ্রায় নাথ ?

অর্জুন । না—তা অশ্রায় নয় । কিন্তু কাকে আশ্রয় দিয়েছ ? জান না কি প্রিয়ে ! দণ্ডী তোমার দাদার ভয়ে ভীত, আশ্রয়প্রার্থী হয়ে ত্রিলোকে কোথাও স্থান পায় নাট ? তবে তুমি কেন তাকে আশ্রয় দিয়ে কৃষ্ণের প্রতিকূলতাচরণে প্রবৃত্ত হ'লে ? এই কি কৃষ্ণ-ভগ্নীর কর্তব্য হয়েছে ভদ্রা ?

সুভদ্রা । কৃষ্ণ-ভগ্নীর কর্তব্য করতে না পারলেও চন্দ্রবংশ সমুৎপন্ন মধ্যমীর পার্থের পত্নীর উপযুক্ত কার্য্য করেছি—কুরু-কুলবধূর না কর্তব্য, তাই করেছি । শরণাগতকে আশ্রয় দিয়ে রক্ষা করা যদি কৃত্রিয়-ধর্ম্ম হয়, আশ্রিত রক্ষায় যদি কৃত্রিয়ের গৌরব থাকে—তাতে প্রাণত্যাগে যদি কৃত্রিয়ের স্বধর্ম্ম পালন হয়, তবে নাথ ! আমি পৃথাদেীর পুত্র-বধূর উপযুক্ত কার্য্যই করেছি । নীর পত্নীর কার্য্য করেছি—ধনঞ্জয়র ধর্ম্মপত্নীর-ধর্ম্ম পালন করেছি । আমি দণ্ডীকে আশ্রয় দান করেছি । তোমরা পার—তাকে রক্ষা কর, না পার—বৃক্শ পাণ্ডবেব; দুর্কালের যম, বলবানের নিকট ভীত—অক্ষম ; তখন আমিও আমার কর্তব্য পালন করব ।

অর্জুন । ভদ্রে ! এই দণ্ডীকে আশ্রয় দান হ'লে যে তোমার দাদার সহিত বিরোধ সংঘটিত হবে, তা কি ভেবে দেখ নাট প্রিয়ে ! এই ব্যাপারে আমাকেও যে, কৃষ্ণ-বিরুদ্ধে অস্ত্র ধারণ করতে হবে ।

সুভদ্রা ! অস্ত্র ধরতে হয় ধরবে । আশ্রিত রক্ষণ ঃস্ব পালনে দাদার সঙ্গে যুদ্ধ করা যদি ধর্ম্ম বিবেচনা কর, তবে নিশ্চয়ই অস্ত্র ধরতে হবে ।

অর্জুন । তুমি কি জান না, ভদ্রা ! ধর্ম্মরাজের অকুমতি না গেলে

কোন কার্যে ব্রতী হ'তে পারি না? তিনি যদি বৃক্ষের বিরুদ্ধে অঙ্গপারণে আমায় আদেশ না দেন?

সুভদ্রা। তিনি যদি প্রকৃত ধর্মরাজ হ'ন, তবে নিশ্চয়ই এ ধর্ম-রক্ষায় অনুমতি দেবেন; আর যদি ধর্মরাজ নাম কার্যে এদন্ত হয়, তবে অনুমতি নাও দিতে পারেন।

অর্জুন। তাহা বর—তিনিও অনুমতি দেবেন—আহরাত না হয় যুদ্ধে যাব, কিন্তু ভদ্রা! তোমার দাদা বৃক্ষের সঙ্গে যুদ্ধে আমরা জয়লাভ করিতে পারিব?

সুভদ্রা। আশ্রিত ধর্ম পরম ধর্ম, এ বাক্য যদি ধর্মধার শ্রীকৃষ্ণের ধর্মবাক্য হয়, তবে এ ধর্মযুদ্ধে অবশ্যই জয় হবে; যদি না হয়—পরাজিত হবে; তখন আমি আমার নারী শক্তি প্রকাশ করে এ যুদ্ধে জয় লাভ করিব। দেখ তোমরা বিচাব ব'রে—পার যদি যুদ্ধে যেতে দাদার বিরুদ্ধে প্রস্তুত হও। না পার, তোমাদের বিবেচনায় যা ভাল বোধ, তাই করতে পার। আর আমার কাছে এনে বিরক্ত ক'রো না—অনুরোধ ক'রো না—শরণাগতকে আশ্রয় দিও; পুনঃ প্রত্যা-ধান করতে। আমি আমার শক্তি না বুঝে এ কার্যে ব্রতী হই নাই। যাও, আমার আশ্রিত পালন ধর্মের তোমরা কেউ সহায়তা ক'রো না—আমি তোমাদের মত অক্ষয়-অধাশ্রিত-অবিবেচকদের সাহায্য নিবে আমার ধর্ম রক্ষা করতে চাই না। ধর্মবল সম্বল করে ধর্মধার কৃষ্ণের বাক্য রক্ষা করিব। আশ্রিত রক্ষা সনাতন ধর্ম, এ কথা যদি সত্য হয়; তবে ধর্মই আমার ধর্ম রক্ষা করবেন। যাও, আর আমায় বিরক্ত ক'রো না—ধর্মপত্নীকে আর ধর্মত্যাগিনী করবার প্রয়াস পেয়ো না।

অর্জুন। অনেক দূর গিয়ে পড়েছ, ভদ্রা!

সুভদ্রা । অনেক দূর গিয়ে না পড়লে কি, নিজের অগ্রজের ভয়ে ভীত, তাঁরই শত্রুকে—নিরাশ্রয়—বিপন্ন দেখে আশ্রয় দিতে পারি ?

অর্জুন । ধর, যদি তোমার দাদা যুদ্ধার্থী হন ? তুমি তখন কি করবে ভদ্রা ?

সুভদ্রা । যে দিন তুমি এই ভদ্রাকে হরণ ক'রে এনেছিলে, সে দিন সমবেত যাদব শক্তির সম্মুখে ভদ্রা যা কবেছিল, এ ক্ষেত্রেও তাই করবে । তবে তখন সারথী হয়েছিল, এখন না হয় রথী হবে—এই ত ?

অর্জুন । ত্রু বুদ্ধি যে প্রহরকারী, তা তোমাকে দিয়েই প্রমাণ হ'রে যাবে, ভদ্রা !

সুভদ্রা । তাই যদি হয়, তাহ'লে ভদ্রার এই আদেশ—বিশ্বব কোন নারী আর আশ্রিতকে আশ্রয় দিয়ে বিপন্ন হবে না : আর যদি আশ্রিত রক্ষায় স্বধর্ম পালন করতে পারি, তাহ'লেও জগতের আদর্শ রেখে যাব । তবু আশ্রিতকে পরিত্যাগ ক'রে ধর্মত্যাগিনী হ'তে পারব না ।

ভীষ্মের প্রবেশ ।

ভীষ্ম । কিছুতেই না । সুধান্নিক পাণ্ডবকুলের কুলবধু হ'রে—ধর্মীর বাহুদেবের ভগ্না হ'রে—ধর্মত্যাগিনী কিছুতেই হ'য়ো না, মা ! আশ্রিতকে আশ্রয় দিয়ে আর পরিত্যাগ করা হবে না ! তার জন্ত শুধু ক্লম হ'বে, যদি তেত্রিশকোটি দেবতার সঙ্গেও যুদ্ধ করতে হয়, তাও করব । আর কেউ তোমার সহায় না হ'লেও একা ভীষ্ম তোমার ধর্মপালনে সহায়তা করবে । অর্জুন ! কৃষ্ণই যে নিজমুখে বলেছেন—আশ্রিত পালন—শরণাগতকে আশ্রয় দান—বিপন্ন উদ্ধার—কত্রিরের পরম ধর্ম ।

তবে শরণাগত—কৃষ্ণভয়ে বিপন্ন দণ্ডীকে আশ্রয় দিবে কিসে বধুমা-
অত্যাগ করেছেন? তিনি কি করেছেন, ঠিকই করেছেন।

অঙ্কন। কিসে ঠিক কাজ করেছে দাদা? আশ্রিতকে আশ্রয় দান
করা দক্ষ, একথা সত্য। কিন্তু তার কি কার্য কারণ, পাত্রাপাত্র বিচার
নাই? কার ঐতিকুলে আশ্রয় দান—কি কারণে শরণাপন্ন—আশ্রিতের
যোগ্য কি না, সে বিচার না করে কাজ কর: কি ঠিক?

ভীম। নিশ্চয় ঠিক। আশ্রিত যে, বিপন্ন যে, শরণাপন্ন যে, তা কেই
আশ্রয় দিতে হবে—আর সেই আশ্রয় দেওয়াই মহত্ব—মনুষ্যত্ব—বীরত্ব।
কার্য কারণ, পাত্রাপাত্র বিচার করে আশ্রিতকে আশ্রয় দান করতে
গেলে ধর্ম পালন হয় না। শোন পাণ্ড! কৃষ্ণ বলেছেন—তার বাক্য
পালন কর্তে, বলি, আশ্রিতকে আশ্রয় দান ধর্ম বাক্য কি তারই মুখ
নিঃসৃত নয়? জনে কিসে দণ্ডীকে আশ্রয় দিয়ে বধুমাতা ঠিক কাজ করে
নাই বলছিস? ধর্ম রক্ষায় কৃষ্ণের সঙ্গে যুদ্ধ করতে হবে সেই ভয়ে?
কৃষ্ণের ভয়ে ধর্মত্যাগ করবে পাণ্ডব? ধর্মত্যাগী যে, সে কি কৃষ্ণকে
পায়? পাণ্ডবের ধর্মের গতি আছে বলেই সেই ধর্মবীর কৃষ্ণ আমাদের
সখা। আজ যদি সেই ধর্ম ত্যাগ করে অধার্মিকের কাজ করি, তাহলে
কৃষ্ণ কি অধার্মিকের সহান হবেন? না—তাও কখন হয়? ধর্ম যদি থাকে,
তবে কৃষ্ণও থাকবে। তার ভুল ভয় কি—চিন্তা কি? প্রাণের ভয়—
কৃষ্ণের সঙ্গে যুদ্ধ—এই চিন্তা? প্রাণের ভয় কর যদি, প্রাণ ত একদিন
যাবেই; তবে আজ আর কাল? কৃষ্ণের সঙ্গে বিচ্ছেদ ঘটবে এই
চিন্তা? তা কোন চিন্তা নাই, ধর্মবল সম্বল থাকলে কৃষ্ণকে সহায়
থাকতেই হবে। এতেও যদি পাণ্ডবেরা ধর্মের মহিমা না বোঝে, ধর্মরাজ
যদি অবতারের মত দণ্ডীকে ত্যাগ করতে বলেন, তবে আমি দাদার কথাও
কর্ণপাত্র করব না। তিনি ধর্মরাজ ধর্ম-রক্ষক—ধার্মিক, তাই ভীম তাঁর

আজ্ঞাবাহী দাস—ভীম ধর্মের অন্তর্গত গোড়া : দাদা যদি সে ধর্মত্যাগ করেন, তবে আমি আর তখন তাঁর দাসত্ব করব না—ধর্মের দাসত্ব করব। আশ্রিত দণ্ডীকে রক্ষা করতে ধর্মের দাহাশ্রিতিকে একে ভীমটে ধর্মবীর কৃষ্ণের সঙ্গে যুদ্ধে যাবে। মাও পার্থ : ধর্মরাজকে বল ধে, দেবী সুভদ্রা দণ্ডীকে আশ্রয় দিয়ে আর পরিত্যাগ করবেন না। আর তোমার কথা শুনেও বলো—তাঁর যা ক্ষমতা তার যেন কথাসাধা ভ্রষ্ট না করেন। তিনি ভল্লাদেবীর খতাবুবত্তী—সহায় থাকবে, দেখি—কেমন করে কৃষ্ণ আমাদের আশ্রয় থেকে দণ্ডীকে নিজে যেতে পারেন ?

যুধিষ্ঠিরের প্রবেশ ।

যুধি : বললে ভীম ! কি বললে তাই ! কৃষ্ণের সঙ্গে যুদ্ধ করবে ? না তাই ! অমন কাঙ্ক্ষ করো না : যে কৃষ্ণ আমাদের সহায় থাকবে—আত্মীয়, তার প্রতিকূলতাচরণে আর দণ্ডীকে আশ্রয় দিয়ে না। তাই রে ! এই ক্ষেত্রে আমরা কৃষ্ণ হারা হব—কৃষ্ণ রূপায় বঞ্চিত হব। ভাগ ! দণ্ডীকে ত্যাগ কর, নৈলে যুধিষ্ঠির কৃষ্ণ হারা হবে।

ভীম। দাদা, ধর্মরাজ আপনি, ধর্মতঃ বিবেচনা করে বলুন ? দণ্ডীকে আশ্রয় দিয়ে আমাদের কৃষ্ণের সঙ্গে যুদ্ধ করতে হবে, তাই আপনি কৃষ্ণ হারা হবেন ? আর বিপন্ন পরাণগতকে আশ্রয় না দিয়ে তাড়িয়ে দিলে আপনি ধর্মহারা হবেন না ? আশ্রিত রক্ষার কি ধর্ম নাই ? তবে ধর্মরাজ হয়ে কেমন করে আপনি ধর্মত্যাগ করবেন দাদা ? বলুন—বিচার করে ?

যুধি। তাই রে ! কৃষ্ণ যে ধর্মময়, কৃষ্ণই যে ধর্মের আধার, তবে তাঁর প্রতিকূলে তাড়িয়ে আশ্রিতপান্ন—ধর্মার্জনে কি ফল হবে তাই ?

ভীম । ধর্মার্জনে কি ফল হবে, তা ধর্মরাজকে ভীম বুঝিয়ে দেবে ?
 মাছা, তাই হ'ক! বলুন ত দাদা! কৃষ্ণ কার প্রতি সাধুকুল ?
 যুধি । পুণ্যাশ্রম প্রতি ।

ভীম । যে পুণ্যাশ্রম, সেই ত ধর্মশ্রমী—ধর্মিক !

যুধি । হাঁ তাই, সেই ধর্মিক ! কৃষ্ণ ধর্মিকের প্রতিই সাধুকুল !

যুধি । ধর্মিক কে দাদা ?

যুধি : যে ধর্ম পালন করে সেই ধর্মিক !

ভীম । শরণাগত বিপন্ন—সীত ব্যক্তিকে রক্ষা করা ধর্ম না অধর্ম ?

যুধি । ধর্ম ।

ভীম । তবে তা পালন করলে ধর্মবীর কৃষ্ণকে হারা হবেন কেন ?
 আর কেনই বা সেই ধর্ম ত্যাগ করে ধর্মরাজ নামে কলঙ্ক অঙ্গণ করবেন ?
 ধর্ম রক্ষায় ধর্মিকের প্রতি কখন একের প্রতিকূল ভাব আসতে পারেনা !
 আপনি ধর্ম রক্ষা করুন, দেখবেন ধর্মই আপনাকে কৃষ্ণ মিলিয়ে দেবেন ।
 আপনাকে কিছু করতে হবে না, যা করতে হয় আমরাই করব । তবে
 দাদা ! ধর্মরাজ হ'লে ধর্ম ত্যাগ করে আমার প্রাণে ব্যথা দেবেন না ।

মদনের প্রবেশ ।

মদন । ধর্মরাজ ! প্রহ্মারের প্রণাম গ্রহণ করুন । [প্রণাম]

যুধি । এম বৎস ! ঘরকার সব কুশল ?

মদন । আজ্ঞে হাঁ, কুশল ।

ভীম । তারপর মদন বাবাজী ! তোমার বাবা কেমন আছেন ?

মদন । তিনি শারীরিক সুস্থ আছেন, কিন্তু মানসিক বড় উদ্ভিন্ন ।

ভীম । কারণ ?

মদন । আপনারা বিদিত আছেন বোধ হয়—অবন্তীরাজ দণ্ডী এক

অশ্বিনী প্রাপ্ত হয়েছেন, আমার পিতা তাঁকে সেই অশ্বিনী প্রার্থনা করায়, তিনি তাতে অসম্মত হ'য়ে পিতাকে চুস্কা গায়োগ করেন । অবস্থাপতির সঙ্গে সেই সূত্রে যাদব-শক্তির সংঘর্ষ উপস্থিত হয় ; যুদ্ধান্তে জয়লাভের পর অশ্বিনী সহ দণ্ডীকে আর দেখতে পাওয়া যায় না । পিতার নিয়োগে আমি এইদিন সেই অশ্বিনী ও দণ্ডীকে অনুসন্ধান করছি । সম্প্রতি শুনলেন—পিসীমাতা! নাকি সেই দণ্ডীকে আশ্রয় দিয়েছেন । তাই চিন্তাকুল—মানসিক উদ্ভিগ্ন ।

ভীম । এতে আর চিন্তাই বা কি ? আর উদ্বেগই বা কি ?

মদন । চিন্তা এই যে, আপনার তাঁর পরমাত্মীয় হ'য়ে কি জন্তু তাঁর পরম শত্রুক, যে ত্রিলোকে কোথাও আশ্রয় পেলে না, তাকে—আপনার আশ্রয় দিইন ? আর উদ্বেগের কারণ এই যে, যদি আপনারা অশ্বিনী সহ দণ্ডীকে ভাগ না করেন, তাহ'লে ভবিষ্যতে কি করবেন ?

ভীম । কি আর করবেন ? হয় অশ্বিনীর আশা ভাগ ক'রে দণ্ডীকে ক্ষমা করবেন, নয় রণসাজে পাণ্ডব বাহিনীর সম্মুখে উপস্থিত হবেন । এর জন্তু তোমার পিতাকে উদ্ভিগ্ন চিন্তিত হ'তে নিষেধ ক'রো মদন !

মদন । তিনি অশ্বিনীর আশা ভাগ ক'রে দণ্ডীকে ক্ষমা কর'তে পারবেন না ! ঐ অশ্বিনী সহ দণ্ডীকে তাঁর চাইই, তাতে তিনি প্রাণপণ ; তাই আপনাদের হািনাতে এসেছি, অশ্বিনী সহ দণ্ডীকে পিতার কাছে অর্পণ ক'রে পূর্ব আত্মীয়তা রক্ষা করুন ; অনর্থক জন্তুর জন্তু যাদব পাণ্ডবের ঘনিষ্ঠতা ভাগ করবেন না । বরং দণ্ডীকে প্রদান ক'রে সৌহার্দ্য আরও বর্দ্ধিত করুন ।

ভীম । এ তোমার শিশু মস্তিষ্কের কল্পনা প্রসূত অনুবোধ না—তোমার পিতার আদেশ ?

মদন । পিতার আদেশ ।

ভীম । যদি দণ্ডীকে তোমার পিতার করে সমর্পণ না করি ?

মদন । তাহ'লে পিতা সবলে দণ্ডী সহ অশ্বিনীকে গ্রহণ করতে সচেষ্ট হবেন ।

ভীম । তাই হ'তে বল গে, প্রহ্ময় ! ভীমের শক্তি সংরক্ষিত—
সুভদ্রাদেবীর আশ্রিত দণ্ডীকে সবলে গ্রহণ করতে তোমার পিতাকে
রণসাজে প্রস্তুত হ'তে বল গে । আমি কৃষ্ণের সঙ্গে যুদ্ধ করতে প্রস্তুত ।

মদন । পিসিমা ! আপনি দণ্ডীকে আশ্রয় দিয়েছেন, পিতার অসু-
রোধ তাকে পরিত্যাগ করুন ।

সুভদ্রা । আমি যে তাঁকে আশ্রয় দিয়ে রক্ষা করব ব'লে প্রতিজ্ঞা
করেছি মদন ! গঙ্গাজলে দাঁড়িয়ে যে শপথ করেছি বাবা !

মদন । সে শপথ ত্যাগ করুন—প্রতিজ্ঞা পরিহার করুন ।

ভীম । চূপ কর মদন ! আর ও কথা বলিস্ না । ক্ষত্রিয়ে প্রতিজ্ঞা
ভঙ্গ করবে কি রে ! তুই দূত—তাতে কৃষ্ণের পুত্র, তাই আজ ভীমের
সম্মুখে প্রতিজ্ঞা পরিত্যাগের কথা ব'লে নিস্তার পেলি ? শোন মদন !
পাণ্ডবেরা ধর্ম'ত্যাগী হ'তে আশ্রয় দিয়ে দণ্ডীকে প্রত্যাখ্যান করতে পারবে
না । এতে তোর বাবার যা ক্ষমতা, সে যেন তাই করে । তার ভয়ে ভীত
হ'য়ে পাণ্ডব কখন ধর্ম'ত্যাগ করবে না—প্রতিজ্ঞা ভঙ্গ করবে না । যা—যা
তোর বাবাকে আমার নাম ক'রে বলগে—দণ্ডীকে আমরা দিলেম না ।

মদন । তবে যুদ্ধের জন্ত প্রস্তুত থাকুন । আসি ধর্ম'রাজ !

যুধি । যখন আশ্রয় দিয়েছি, তখন তাই হ'ক ! যুদ্ধই স্থির, ধর্ম'ত্যাগী
হওয়ার চেয়ে যুদ্ধই স্থির !

মদন । ওজ্ঞে ! তবে পিতাকে সব জানাই গে !

[প্রস্থান ।

অর্জুন । কৃষ্ণ প্রতিকূলে যুদ্ধই হ'ল দাদা ! কৃষ্ণের সঙ্গে সড়াব
রথে দণ্ডীকে রক্ষা ক'রে উভয়দিক্ বজায় হ'ল না ?

ভীম । না—না, আর ছুই নায়ে পা দিতে হবে না. যা হয় একদিক্
দিয়েই হ'ক্ । এখন তুমি কি করবে বল ? যুদ্ধে যোগ দেবে—না, কৃষ্ণের
পদলেহন করতে যাবে ? বল তোমার মতামত কি ?

অর্জুন । আমার মতামত কিছুই নাই দাদা ! ধর্ম্মরাজের বা অনুমতি
হবে, ধর্ম্মদাস অর্জুন তাই অবিচলিত ভাবে পালন করবে :

ভীম । ধর্ম্মরাজ ! অনুমতি দিন—কৃষ্ণের বিপক্ষে সমরায়োজন করি ?

যুধি । অনুমতি দিলেম ভাই ! আশ্রিত রক্ষা ধর্ম্মপালনে তোমরা
প্রস্তুত হও । যুদ্ধের আয়োজন কর—আত্মীয় মিত্রদের আহ্বান কর ।

ভীম । আত্মীয় বা মিত্র—বর্ত্তমানে পাণ্ডবদের যাদব, কৌরব, আর
চেনী । তা যাদবের সঙ্গেই যুদ্ধ—চেনীরাজ শিশুপাল যাদবের নিকট
আত্মীয়, সূতরাং এদের আহ্বান করাও যা, না করাও তা । বাকী
কৌরব—তা তারা কি আমাদের সাহায্য করবে ? বরং শক্রতাই
করবে; আপাততঃ কাকেও আহ্বান ক'রে কাজ নাই । যা করতে
হয়—আমরাই পাঁচ ভাই করব ।

যুধি । বৃকোদর ! কত্রিয়ের ধর্ম্মনীতি তা নয় ভাই ! গৃহ-বিবাদ
যতই বদ্ধমূল থাকুক না, শক্র-সঙ্কটে পতিত আত্মীয়ের নিমন্ত্রণ উপেক্ষা করা
অধর্ম্ম । আবার শক্র-সঙ্কটে আত্মীয় মিত্রকে আহ্বান না করাও অত্যাচার ।
আমরা আমাদের কর্তব্যপালন করতে তাদের নিমন্ত্রণ করিত, তারপর তারা
তাদের কর্তব্যপালন ক'রে উত্তম, না ক'রে তারাই ধর্ম্মে পতিত হবে ।

ভীম । ধর্ম্মরাজ আপনি, আপনার বিবেচনায় যা কর্তব্য তাই করুন ।
কৌরবদের নিমন্ত্রণ নিয়ে সহদেবকে রথ সহ হস্তিনার পাঠাবার ব্যবস্থা
করুন ।

যুধি । চল ভাই, তাই করিগে ।

[পাণ্ডবগণের প্রশ্নান ৥

সুভদ্রা । পরীক্ষার অনন্ত বারিধি সুবিস্তার
 পার হ'তে হবে কস্ম'তরী বেয়ে !
 ধস্ম' হও তুমি নিদান কাণ্ডারী
 ভবকর্ণধার হরি ! ভগ্ন তরী মগ্ন নাহি ক'রে,
 অকূল তুফানে কর্ণ ধরি রেখো কস্ম'তরী,
 পার ক'রো দুর্কলা অবলা মোরে ।
 কিছু নাহি জানি—কিছুই না বুঝি,
 জানি মাত্র— বুঝি মাত্র সার—
 জানাম্য ধস্ম' নচ মে প্রবৃত্তি
 জানাম্য ধস্ম' নচ মে নিবৃত্তি
 হুয়া হৃদিকেশ হৃদিস্থিতেন
 যথা নিযুক্তোন্মি তথা করোমি ।

[প্রশ্নান ৥

দ্বিতীয় দৃশ্য ।

ঘরিকা ।

শ্রীকৃষ্ণ বসিয়া আছেন, শিষ্যগণ সহ
দুর্বাসার প্রবেশ ।

শিষ্যগণ । — [করঘোড়ে] গীত ।

হে কৃষ্ণ কিশোর ষড়কেশর

শ্রাম কাণ্ঠ সুন্দর ।

শিব, বিধি বন্দিত নীল নীরব বন্দিত

পুঞ্জিত দেবাদি পুরন্দর ।

দ্বিজ-পালক, দুঃখ-হারক, ভবতারক, মূরহর,

ব্রহ্ম-ধর্ম, বিপ্র কর্ম, সর্ব কর্ম সর্বেশ্বর,

কাতর জন অন্তর দাতা তর্হি পরমেশ্বর,

গঙ্গেশ-সুদয়েশ্বর বহুকুল ধুরধর ।

[প্রস্থান

দুর্বাসা । আর কতদিন হেঁতাবে হরি,

মনস্তাপে হইব তাপিত ?

কর্ম-দোষ কবে হবে শেষ ?

কবে হবে উর্ধ্বশীর শাপ বিমোচন !

কবে নিশ্চিন্ত বসির যোগাসনে ?

বল নারায়ণ ! বল ভবতারণ !

সে দিনের দাকি কতদিন ?

শ্রীকৃষ্ণ । আর বেলী দিন নয়, ঋষি !
সমাগত অষ্টবজ্র সন্মিলন দিন ।
আমার আতঙ্কে দণ্ডী অধিনী গইয়া
জিতুবনে খুঁজিল আশ্রয়,
মোর ভয়ে কেহ তারে অভয় না দিল

চর্কাসা । কোথা এবে তবে সেই দণ্ডীরাজ
অধিনীর মনে করিছে বিরাজ ?

শ্রীকৃষ্ণ । জানি না সংবাদ তার ।
পাঠায়েছি তাই জানিবারে
প্রিয়পুত্র প্রহ্মায়েরে দণ্ডী-অন্বেষণে ।

চর্কাসা । তাহ'লেও জান তুমি কোথা আছে দণ্ডী
কার কাছে—কোন্ দেশে—কেমন আশ্রয়ে ?
অন্তর্ধারী তুমি—কিবা অবিদিত তব ?
ছলনার কর না প্রকাশ ।

শ্রীকৃষ্ণ । স্থির হ'ন্ ঋষি !
আসিতেছে ওই সে প্রহ্মায়
ওনি—কি দেয় সংবাদ ।

মদনের প্রবেশ ।

মদন । প্রমিণাত ঋষির চরণে । [প্রণাম]
প্রণমিত পিতার ঈগদে । [প্রণাম]

শ্রীকৃষ্ণ । এস পুত্র ! এস প্রাণাধিক !
পেয়েছ কি দণ্ডীর সংবাদ কোন ?

মদন । পেয়েছি অনেক কষ্টে

বহুস্থান—ত্রিভুবন করি পর্যটন
এতদিনে দণ্ডীর সংবাদ ।

শ্রীকৃষ্ণ । কোথা হ'তে কিবা ভাষে দণ্ডী কাহার নিকটে
এতদিনে পাইল আশ্রয় ?

বল রে প্রচার ! কেবা সেই আসন্নমরণ
কৃষ্ণ প্রতিকূলে দিল দণ্ডীরে আশ্রয় ?

যদন । জানিয়াছি অহুস্কানকালে বর্তমানে
বিদর্ভে কল্পীরাজ, মগধে করাসক
চেদীরাজ্যে শিশুপাল, দণ্ডবক্র পাশে
পাতালে বলি ও বাহুকী নিকটে,
স্বর্গের অমর নিকর সকালে
ভীত দণ্ডী লইল শরণ,
কিন্তু কেহ নাহি দানিল আশ্রয় ।
অবশেষে মৃত্যু স্থির করি
সমাজে জীবন ত্যজিতে গেলে,
মম পিতৃস্বনা ভদ্রাদেবী দিলেন আশ্রয় ;
এবে দণ্ডী তব প্রিয় মিত্র পাণ্ডব-আবাসে
নিরাপদে বাস করে অধিনীর মনে ;
তব প্রতিকূলে পাণ্ডবেরা রক্ষিবে দণ্ডীরে ।

শ্রীকৃষ্ণ । পাণ্ডবেরা দণ্ডীরাজে দিচ্ছে আশ্রয় ?

আশ্রয়তা—চক্ষুসজ্ঞা সব পরিহারি
মম শত্রু জনে যেবা দানিল আশ্রয়
যতই আশ্রয় হোক, শত্রু সে আমার ।
নিবাত্ত-কবচে যদি অহঙ্কৃত পার্ব,

রাক্ষস বিনাশি ভীম মনগর্ভী অতি,

তাই এ উপেক্ষা কৃষ্ণ প্রতি !

ভাল,—দিব প্রতিফল পাণ্ডবেরে ।

ভগ্নী ভদ্রা এই শক্রতার মূল,

তাহারেও করিব শাসন ।

মদন ।

আর তব প্রিয় নধাম পাণ্ডব

অনেক চূর্বাক্য বলেছেন পিতা !

অসম্মান করেছে তোমার ।

তিনিই ত দণ্ডীরাজে দিলেন প্রশর !

বলেছেন মহাদর্পে মোরে

জানাইতে তব সন্নিধানে,

আশ্রিত দণ্ডীরে দিবেন না কভু,

যতক্ষণ দেহে রবে প্রাণ ।

আরো বলেছেন বার বার সবার সমক্ষে

কৃষ্ণের যা শক্তি থাকে, পারে নে করিতে :

কৃষ্ণ ।

ওঃ ! ভুলে গেছে কৃষ্ণের ক্ষমতা !

মনে নাই সে দুঃখের দিন,

যে দিন গরল দানে বদ্ধ অবস্থায়

ভাসাইল গঙ্গাজলে রাজা দুর্যোধন,

যেই দিন যতুগৃহ মাঝে অনল দাহনে

পড়েছিল পাণ্ডবেরা জননীর সনে

ভুলে গেছে সে দিনের কথা ?

পাশা খেলা, দ্রৌপদীর কসন হরণ,

বিরাট ভবনে সেই অজ্ঞাত নিবাস :

সে সব দিনের কথা ভুলে গেছে ভীম,
 তাই চাহে দেখিবারে কৃষ্ণের ক্ষমতা ?
 দেখাব দেখাব তারে কৃষ্ণের শক্তি ।
 যাও রে মদন ! যুদ্ধে নিমন্ত্রিতে দেবগণে ।
 স্বর্গে ইন্দ্র, ব্রহ্মা ব্রহ্মলোকে . . .
 সংযমনীপুরে যম, সুমেরু পর্বতে পবন,
 কৈলাসে মহেশ্বর, ছত্ৰাশন ও বরুণ,
 লঙ্কার রক্ষা বিভীষণে, যক্ষ সে কুবেরে
 এমন কি দেবতার ঘরে ঘরে গিয়ে
 ব'লে এস সবে, মম সাহায্যার্থে
 রণসাজে অবিলম্বে যেতে কুরুক্ষেত্রে ।

মদন । শিরে ধরি জনকের আজ্ঞা
 নিমন্ত্রিয়া দেবগণে ল'য়ে যাব সন্ধে
 কুরুক্ষেত্রে যাদব পাণ্ডব রণে ।
 আসি তবে পিতা ! [প্রণাম]

প্রস্থান ।

শ্রীকৃষ্ণ । যান্ ধর্মি ! কুরুক্ষেত্রে গিরে
 কর্তব্যদোষ করগে খণ্ডন ;
 অষ্টবজ্র কুরুক্ষেত্রে হবে সশিলা
 কুরুক্ষেত্রে উর্ধ্বশীর শাপ বিমোচন !

শ্রীকর্ষাসা । অপার করুণা তব কৃপাময় হরি !
 চলিলাম কুরুক্ষেত্রে তবে ।
 জয় শ্রীহরি—শ্রীহরি—শ্রীহরি !

[প্রস্থান ।

এই গুণে পাণ্ডবেরে এত ভালবাসি
 এই গুণে যুধিষ্ঠির ধর্মরাজ খ্যাত ।
 পাণ্ডবের মত সুধাশ্রিক কেহ নাই তবে
 তাই ধর্মাধার কৃষ্ণ ধর্মিকের সখা ।
 এই ধর্মভাবে পাণ্ডবেরা যোরে
 বাধিয়াছে ভক্তির শৃঙ্খলে ।
 ধর্মের চির জর চির দিন আছে,
 জতো ধর্ম জতো জর ব্যাসের বচন ।

[প্রস্থান ।]

তৃতীয় দৃশ্য ।

হস্তিনা—সভা ।

দুঃশাসন ও শকুনির প্রবেশ ।

দুঃশা । মায়া ! শুনেছ—কেমন রগড় বেখেছে ?

শকুনি । কি হয়েছে বাবা, কৈ—আমি ত কিছুই শুনি নাই ।

দুঃশা । সেই যে দিন কতক আগে একটা খুঁড়ী নিয়ে, কৃষকের
 তরে ভীত হ'য়ে অবন্তীরাজ দণ্ডী আমাদের কাছে আশ্রয় চাটতে
 এসেছিল না ? তাকে আমরা ত কেউ আশ্রয় দিলাম না, কৃষকের
 পক্ষে কৃষ্ণ কংকত হবে ব'লে ত্রিভুবনে কেহই আশ্রয় দেয় নাই ।

শকুনি । তবে কি এখনও সেই ঘুঁড়ির দড়ি ধরে এদেশ—সে দেশ ঘোরাঘুরি করছে ?

হুশা । ঘোরাঘুরি করে নাই, এতদিনে আশ্রয় পেয়েছে ।

শকুনি । যাঁ! আশ্রয় পেয়েছে ? কৃষ্ণ-বিপকে কে তাকে সাহস করে আশ্রয় দিলে হুশাসন ?

হুশা । আশ্রয় দিয়েছিল পাণ্ডবদের সেনা-বউ সুভদ্রা ঠাকরন, এখন আবার ভীম তাঁর পক্ষ নিয়ে দণ্ডীকে তাগ করতে অসম্মত । আর কার কোথা ? অর্জুন প্রাণের বন্ধু কৃষ্ণ চটিতং হ'রে বলেছেন রণং দেহি—রণং দেহি । এ এক রকম রণড় নর মাঝা ? যা শত্রু পরে পরে, বাঁড়ের শত্রু বাঘে থাক ; আমরা মজা দেখি ।

শকুনি । বটে—বটে । এমন তর নাকি ? আরে বাঃ—বাঃ ! তবে তু রণড় বেপেছে বটে ? হতভাগাদের যত বল—বুদ্ধি—কৌশল, শক্তি, সামর্থ, সহায় সব ঐ কৃষ্ণ । সেই কৃষ্ণের সঙ্গেই এখন রণড়া বাধিয়ে বসেছে, তখন তু নিজের পায়ে নিজেই কুড়ুল মেরেছে—বেশ হয়েছে । এখন দেখে সুখ—শুনে সুখ—বলে সুখ । ও এক রকম ভালই হয়েছে বাবা ! “কণ্টকে নৈব কণ্টকং” কি না কাঁটা দিয়ে কাঁটা তোলা । কৃষ্ণকে এখন বিপড়ে দিয়েছে, তখন বাবাজী ! এইবার তোমাদের কেলা মাং ।

হুশা । কেলা মাং কি নানা ! বাব্বী মাং । এখন দেখছি—আমাদের পোয়াবারো, ঘুঁটা ত সব পেকেই এসেছে, এখন দাদা একটু বুকে দানটা ফেণ্ডে পারলে হত ।

শকুনি । সে কি রকম ?

হুশা । এই যাদব পাণ্ডবের বিবাদ হুজে যুদ্ধটির যুদ্ধে সাহায্য চেরে পাঠিয়েছে । দাদা যদি সেই শত্রুদের সহায়তার অসম্মত হ'ন, তবেই তু

সব গুটি পাকল, আর যদি সে দিকে চ'লে খড়েন, তাহ'লেই আবার পাকা গুটি কেঁচে গেল। যাই হ'ক্‌ মামা! পাণ্ডবপক্ষে যোগদান ক'রে কৃষ্ণের বিপক্ষে যুদ্ধ করবার প্রস্তাবে তুমি যেন বাপু-আদৌ মত দিও না?

শকুনি। আবে বাবা, আমার মতামতে কি এসে যায়? আমার মতে ত কোন কাজ হবে না। কাজ হবে যাদের কথামত, সেই ভীষ্ম, দ্রোণ, বিহুর এ'রা কি বলেন শোন?

- হুঃশা। জানে দ'ও—যা হয় পরে হবে; যে যাই করুক মামা! তুমি আর আমি কিছু সরলমনে এ যুদ্ধে নেই; নেহাৎ দাদার অনুরোধে যেতে হয়—যাব; এই পর্য্যন্ত। এখন ঐ সব নর্তকী আসছে, দাদা সভায় আসতে না আসতে টুক ক'রে একটু আমোদ ক'রে নেওয়া থাক না?

শকুনি। তা মন্দ কি? যত আনন্দে থাকবে, ততই স্বাস্থ্যের উন্নতি হবে। যেমন আবুর্কৈদ শাস্ত্রে আছে—“ঋণং কৃত্বা স্ততং পিবেৎ” তেমনি “নর্তকী দর্শনং কৃত্বা আনন্দং ভবেৎ।” আনন্দ করবে, তার আর কথা আছে?

হুঃশা। ওগো নর্তকীগণ! একটু দ্রুত পদক্ষেপে সভাস্থ হ'য়ে, খুব চটকের ওপর একটু চুটকী গোছের নাচ-গান লাগাও দেখি? আমরা মামা ভায়ের একটু স্মৃতি করতে চাই। বুঝে গান গাও—সমঝে নাচ লাগাও।

গীতকণ্ঠে নর্তকীগণের প্রবেশ।

নর্তকীগণ।— [নৃত্যসহ গান।]

বায়ের বা বলি

কেবা পোনে

মোহের মরম-কাহিনী।

পরকীয়া মোরা

পর-এত্যাশিনী

বিরহ বিধুরা কামিনী ।

মদন-দাহনে তহু জ্বলে যায়,

অঘলা সরলা করে হায় হায়,

বধুরা বিহনে তাপিত কারায়

কাটাই আর কত যামিনী ।

কোথা পাঠ তেমন প্রেমিক নাগর,

বিরহ বেরনা করিতে অস্তর,

শূন্য জীবনে আছি নিরস্তর,

পতিহীনা প্রেম-প্রবাহিনী ।

শকুনি । ঐ যে অক্ষরাজ কর্ণকে সঙ্গে নিয়ে ছর্যোধন এই দিকেই
আসছে ।

ছঃশা । নর্তকীগণ ! তোমরা নীচ্র যাও, দাদা এসে বেন দেখতে
না পান ।

[নর্তকীদের প্রস্থান ।

ছর্যোধন সহ কর্ণের প্রবেশ ।

ছর্যো । মামা ! শুনেছ কি—কৃষ্ণ ভয়ে ভীত দণ্ডীকে আশ্রয় দিয়ে
পাণ্ডবদের সঙ্গে যাদবের মনোমালিন্য সংঘটিত হয়েছে ?

শকুনি । শুনেছি বাবা ! তার কি হয়েছে ?

ছর্যো । তাই দাদা যুধিষ্ঠির, তাঁদের সাহায্য করবার জন্য আমন্ত্রণ
পত্র সহ সহস্রদেবকে পাঠিয়েছেন আমাদের নিয়ে বেতে । এখন কি কর্তব্য
তাই স্থির করুন ।

শকুনি । ভীষ্ম আছেন—দ্রোণ আছেন—বিদুর আছেন—তোমাদের পিতা আছেন, এঁরা থাকতে আমি আর কি কর্তব্য স্থির করব বাবাজী ? যা করতে হয়, তাঁরাই করবন । আমার কথা থাকবেও না—তোমরাও থাকবেও না, তবে কেমন অনর্থক আমাকে কর্তব্যাকর্তব্য নির্ণয় করতে বলছ বাবা ?

কর্ণ । তবু আপনায় মত কি প্রকাশ করুন । এ ক্ষেত্রে ন্যায়তঃ যা সদ্ব্যক্তি, তা সকলেই বলতে পারেন ।

শকুনি । পাণ্ডবদের সঙ্গে তোমার ষতটা হৃদয়তা, সে হিসাবে বলতে পারি যে, ভীষ্মকে বিষদান—যতুগৃহ দাহ—পাশাখেলা—দ্রৌপদীর বস্ত্রহরণ—পাণ্ডব নির্বাসন, এই কার্যগুলি যদি আমাদের মন্ত্রণায় ও তোমার অনুমতি অনুসারে সংসাধিত হ'য়ে থাকে, তবে আমার মতে তাদের সাহায্য করা যুক্তি সঙ্গত নয় । তবে তোমাদের কার্য—তোমাদের বিবেচনা ?

দুর্যোধন । তাহ'লেও এ ক্ষেত্রে কার্য করা বিশেষ বিবেচনা সাপেক্ষ । জ্ঞাতি বিসম্বাদ সত্ত্বেও যদি কোন জ্ঞাতি অন্য শত্রু কর্তৃক আক্রান্ত হ'য়ে আমন্ত্রণ দ্বারা যুদ্ধ-সাহায্য প্রার্থনা করে, তবে তাঁর সহায়তা করা ক্ষত্রিয়ে পরমধর্ম এবং প্রধান কর্তব্য । চলুন, পিতামহ ভীষ্ম—খুল্লতাতঃ বিদুর ও পিতাকে জিজ্ঞাসা করিগে; তাঁরা কি বলেন শুনি !

শকুনি । আর যেতে হবে না । ঐ তোমার পিতার সঙ্গে সঙ্গে সকলেই সভার দিকে আসছেন । যা মতামত স্থির করতে হয়, এইখানেই ক'রে নাও ।

দুর্যোধন । [জনান্তিকে] বাবা ! যে যা মত দেয় দিক, আমাদের কিছ সেই কথা ।

শকুনি । তা আর বলতে ? তোমার মামা কাঁচা ছেলে নয় ঠিক আছি ।

সঞ্জয়ের হস্ত ধরিয়া সর্বাঙ্গে ধূতরাজ্য এবং
তৎপশ্চাৎ ভীষ্ম, দ্রোণ ও বিদুরের প্রবেশ ।

দুর্যোধনাদি সকলে । আহুন—আহুন ! [সকলের প্রণাম]

ধৃত । বৎস দুর্যোধন ! পাণ্ডবদের সঙ্গে কৃষ্ণের যুদ্ধ বেধেছে বলে সুখিতির যে, তোমাদের সাহায্য প্রার্থনা করে মহাদেবকে দিয়ে আশ্রয় পত্র প্রদান করেছে, তার কি কর্তব্য স্থির করেছে ?

দুর্যোধন । কিছুই স্থির করতে পারি না, পিতা ! তাই আপনাদের নিকটে যাচ্ছিলাম । সকলেই এসেছেন—ভালই হয়েছে ; এখন কর্তব্যাকর্তব্য নির্ণয় করে অহুমতি করুন, আমরা সেই মত কার্য করি ।

ধৃত । চেষ্টাত্যতঃ ভীষ্মেব আর সুবিজ্ঞ সহোদর বিদুর বিশেষ দূরদর্শী, তাঁরা যা স্থির করে দেবেন, তাই তোমাদের কর্তব্য ।

দুর্যোধন । বলুন, পিতামহ ! বলুন, পিতৃব্য ! কৃষ্ণ-পাণ্ডবের যুদ্ধে ধর্মরাজ আমাদের সাহায্য প্রার্থী, আমরা কি কৃষ্ণ বিপক্ষে পাণ্ডব পক্ষে তাদের সাহায্য করতে বাব, না নিরুপেক্ষভাবে অপেক্ষা করব ?

বিদুর । বৎস দুর্যোধন ! কৃষ্ণের সঙ্গে পাণ্ডবের বেরূপ ঘনিষ্ঠতা, তাতে বোধ হয় এই বিবাদ ক্ষত্রে কৃষ্ণ পাণ্ডবদের কোনরূপ পরীক্ষা গ্রহণ করছেন, তাই পাণ্ডবেরাও পরীক্ষা দিতে অগ্রসর হয়েছে । আজ তোমাদেরও সেইরূপ পরীক্ষার দিন । অতএব আমার বিবেচনায় তোমাদেরও কৃষ্ণের গিরে ধর্মপরীক্ষা প্রদান জন্য পাণ্ডব পক্ষ অবলম্বন করাই কর্তব্য । জ্ঞানিষ্ণু হিসাবে পাণ্ডবের সঙ্গে যুদ্ধই

বিস্বাদ চলুক না কেন, তবু তারা তোমার খুল্লভাতঃ-পুত্র—নিকট
আত্মীয় । অন্ত্রে তাদের নির্যাতন করবে, আর তোমরা যদি নিরপেক্ষ
থাক, তাহ'লে তোমাদেরই অখ্যাতি—দুর্নাম—অধর্য । তাই বলছি
বৎস ! যখন তোমাদের জ্ঞাতি বিরোধ হবে, তখন কোরব-পাণ্ডব দুই
পক্ষ দুই দিকে থাকবে, কিন্তু অন্যের সঙ্গে যুদ্ধে কোরব-পাণ্ডব একযোগ
হ'য়ে যুদ্ধ করবে । রাজনীতি এই বলে, আর এইই কত্রিয়ার ধর্ম ।

দুঃশা । শুনলে মামা ! খুড়ো মশায়ের ঢালাও হুকুম ? বলি—
এইটা কি ওর উচিত বলা হ'ল ? যাদের সঙ্গে আজীবন বিবাদ—
বিস্বাদ চ'লে আসছে, তাদের সাহায্যে অস্ত্র ধ'রে যুদ্ধে যেতে বলাটা
কি সদযুক্তি ? আমি ত জানি—“যা শত্রু পরে পরে” ! বাঘে
বাঘে বেধে গিয়েছে, আমরা কেন মজা দেবি না ? ও সব মারা-
মারি কাটাকাটির মাঝখানে আমাদের যাওয়া কেন ? পরে পরে
শত্রু নিপাত হবে, এ সুযোগ কি ত্যাগ করতে আছে ?

দুর্ঘো । দুঃশাসন ! পাণ্ডবদের সঙ্গে যতই আমাদের বৈষয়িক
ব্যাপারে বিস্বাদ চলুক না, তবু তারা আমাদের ভাই । আজ
আমাদের সেই ভ্রাতৃগণ কৃষ্ণকর্তৃক নিষ্কিন্ত হবে, আর আমরা তাই নিশ্চেষ্ট
নিষ্কীর্ষের মত দাঁড়িয়ে দাঁড়িয়ে দেখব ? না ভাই ! দুর্ঘোষনের
দেহে কত্রিয়-শোণিত থাকতে তা পারবে না । আমাদের গৃহ বিবাদ
কালে আমরা শত্রু ভ্রাতা এক পক্ষ—আর পঞ্চপাণ্ডব একপক্ষ । কিন্তু
অস্ত্রের সহিত বিবাদকালে আমরা একশত পঞ্চভ্রাতা একপক্ষে ।
এরূপ ক্ষেত্রে আমাদের যাওয়াই উচিত, তাতে দাদা ধর্মরাজ কর্তৃক
আমরা সমর-সাহায্যে আমন্ত্রিত । এ ক্ষেত্রে আমরা যদি ধর্মরাজের
অসুরোধ উপেক্ষা করি, তাহ'লে কাত্রধর্ম—বীরধর্ম—রাজধর্ম কলঙ্কিত
হবে । পিতামহ ! আপনি কি বলেন ? আপনার কি মত ?

ভীষ্ম । বিহ্বলের মতেরই পক্ষপাতী আমি । যদি ধর্ম রক্ষা করাই কর্তব্য মনে কর, তবে অবিচলিত চিত্তে কৃষ্ণ বিপক্ষে পাণ্ডব পক্ষে সাহায্য করতে যুদ্ধে যোগদান কর ।

দুর্যো । [কর্ণের প্রতি] সখা ! তোমার কি অভিপ্রায়, ভাই ?

কর্ণ । ধর্ম রক্ষা করা যদি তোমার উদ্দেশ্য এবং কর্তব্য হয় মহারাজ ! তবে আমার মত সাহায্যপ্রার্থী আশ্রমের সাহায্যে গমন করাই উচিত । তাতে কৃষ্ণ প্রতিপক্ষ কেন । ত্রিলোকের বিপক্ষতাও উপেক্ষণীয় । আমার মত পিতামহ ও পিতৃবোর মতের পৃষ্ঠ পোষক । এ যুদ্ধে আমার গায়ত্রঃ ধর্মতঃ এই অভিপ্রায় ।

দুর্যো । এই কি তবে স্থির যুক্তি, সখা !

ক'রে তবে রণসাজে প্রস্তুত সকলে

যেতে হবে কুরুক্ষেত্রে কৃষ্ণ প্রতিকূলে ?

শুক দ্রোণাচার্য্য ! আপনার কিবা অহুমতি ?

দ্রোণ । প্রিয়তম দুর্যোধন !

যে ধর্ম রক্ষার তরে ধার্মিক পাণ্ডব

ধর্মময় কৃষ্ণ সনে সংগ্রামে প্রস্তুত,

সেই ধর্ম করিবে পালন যদি,

তবে মহারাজ ! অসন্ধিগ্ন মনে,

পাণ্ডবের সাহায্যার্থে করহ গমন ।

কৃষ্ণ-প্রতিকূল তাহে চিন্তা কিবা ?

ধর্ম যদি থাকে সাক্ষুকূল

কৃষ্ণ—অকূল আপনি হইবে ।

চক্রীর কি চক্র, কেবা বুঝিবারে পারে ?

প্রাণ সম সুধার্মিক পাণ্ডবের প্রতি

ধাৰ্মিকের অনুরক্ত কৃষ্ণ ধৰ্ম্মময়
 বিয়োগ হইয়া কত আসে নাই রণে,
 হই মনে অসুমান মোর
 এই যুদ্ধ পাণ্ডবের ধৰ্ম্মের পরীক্ষা,
 ধৰ্ম্মাধার কৃষ্ণ তার পরীক্ষক মাত ।

অৰ্জুনা ।

জবে আমিও কত্রিরধৰ্ম্ম করিতে পালন
 রণমাঞ্চে যাব সেই পাণ্ডব-আহ্বানে
 কৃষ্ণ প্রতিপক্ষে করিতে সমর ।
 সাজ সখা অঙ্গরাজ ! সাজ গো মাতুল,
 গুরুদেব সাজুন আহবে গুরুপুত্রে ল'য়ে,
 সেনাপতি সাজে সাজি পিতামহ
 অশ্রুণী হইয়া রণে যাবেন সদৰ্পে ।
 যাও হঃশাসন ! সাজাও বাহিনী কোরবের ।
 কৃষ্ণ প্রতিকূলে যুদ্ধই স্থির ; এম সবে ।

[সকলের প্রশ্নান

গীতকণ্ঠে কৰ্ম্মানন্দের প্রবেশ ।

কৰ্ম্মা ।—

গীত ।

এ ত বুড় নয় ধৰ্ম্ম তব জ্ঞান ।
 ধৰ্ম্ম রণে পাণ্ডবের এ পরীক্ষা প্রধান ।

সকল কণ্ঠের কর্তা যিনি,
 ভক্তের রণে শিশু তিনি,
 সে যে মহাচক্রীর হৃদয়নি,

তার চক্ষে কে পার জ্ঞান ।

কৃষ্ণের চক্ষে এ সব চক্র,
অজ্ঞান তাই অন্ধ বক্র,
যেমন সমুদ্রে রম রত্ন-নক্র,

কার রত্নলাভ-কেউ হারায় প্রাণ ।

[প্রস্থান ।

চতুর্থ দৃশ্য ।

দারকা ।

রণসাজে সজ্জিত কৃষ্ণ, বলরাম, সাত্যকি, মদন
ও যাদব সৈন্যগণের প্রবেশ ।

বল । সখ্যতার নিদর্শন দেখালি চরম ।
যে পাণ্ডব কৃষ্ণগত প্রাণ,
কৃষ্ণ ধ্যান—কৃষ্ণ জ্ঞান বেই পাণ্ডবের,
সর্বস্ব কৃষ্ণের পদে উৎসর্গ বাহের,
মেই চির অচূপত সুধার্মিক পাণ্ডবের প্রতি,
বিরূপ হইয়া কৃষ্ণ তুমিই সখ্যতি
চলিয়াছ রণসাজে করিতে সাক্ষাৎ,
দেখাইতে বিধে সখ্যতা প্রমাণ ।
এমন অনর্থ যদি ঘটাবে কেশব !

কেন তবে ভক্তাধীন হ'রে
 পাণ্ডবের ভক্তি পাশে বন্ধ হয়েছিলি ?
 সুভদ্রা অনুজা তোর ভীত দণ্ডীরাজে
 দানিলা আশ্রয় স্বধর্ম পালনে,
 সেই সূত্রে এই বিসম্বাদ ?
 বুঝি না কেমন কৃষ্ণ এ উদ্দেশ্যে তব ?
 বুঝি না কি চক্রে চল চক্রধারী ?
 বুঝি না এ রণ আয়োজন
 পাণ্ডব নিগ্রহ তরে ? না পাণ্ডবের ধর্ম পরীক্ষায় ?

শ্রীকৃষ্ণ । অত্যন্ত দর্পিত দাদা ! হয়েছে পাণ্ডব,
 তাই মোর শত্রু দণ্ডীরাজে দানিয়া আশ্রয়
 সাধ ক'রে এ শত্রুতা করিল সৃজন ।
 সেই দর্প পাণ্ডবের করিতে বিচূর্ণ,
 দণ্ডী সহ অশ্বিনীরে করিতে গ্রহণ
 দর্পহারী আমি করি রণ—আয়োজন ।
 পাণ্ডবের নিগ্রহ সাধনে ।
 সেই সূত্রে, পাণ্ডবের কত ধর্মের মতি—
 কতখানি ধর্মবল সম্বল তাদের
 পরিচয় লইব তাহার ।
 কোন্ নীতি অনুসারে—কোন্ ধর্মবলে,
 পাত্রাপাত্র না করি বিচার—
 মম শত্রু দণ্ডীরাজে প্রদানি আশ্রয়,
 মম মনে সৌহৃদ্য ত্যজিল,
 তাহারাতঃ পরীক্ষা লইব ।

মনন ।

জ্যোষ্ঠভাতঃ !

বথার্থই অহঙ্কৃত হয়েছে পাণ্ডব,

মধ্যম পাণ্ডব মহাশয়

শুনিয়েছি তিনি নাকি পিতার পরম ভক্ত,

সেই মধ্যম পাণ্ডব পিতারে আমার

বলেছেন অশেষ দুর্ভাক্য ।

মিথ্যাবাদী কপট—লম্পট,

গোপোচ্ছিষ্ট ভোজী—বিকৃত মস্তিষ্ক

এমন কি অধাশ্রয়িক বলেছেন জনকে আমার ।

কি বলিব বিশেষ আশ্রয়, পূজনীর মম,

দূতরূপে গিয়াছিহু

পারি নাই তাই সে সময় করিবারে কোন প্রতীকার ?

তাই আজ সুশিক্ষা দানিতে তাঁরে

রণসাজে কুরুক্ষেত্রে যাইব নিশ্চয় ।

সাত্যকি । সত্যই তাহ'লে অহঙ্কৃত পাণ্ডব সকলে,

জানে না কি তারা কৃষ্ণ দর্পহারী ?

জানে না কি কৃষ্ণের বিক্রমে

প্রলয় ঘটতে পারে বিশ্বে ?

জানে সব—কিন্তু অহংক্রানে

কতিপয় রাক্ষসে বধিয়া,

হেয় চক্ষে হেরে যাদবেরে ;

দেব হলপানি ! পাণ্ডবের এ ধুষ্টতার

প্রতিফল দিতে যেতে হবে কুরুক্ষেত্রে ;

হবে যাদব—পাণ্ডবে রণ দৃশ্য চমৎকার !

বল ।

সাজ তবে রণসাজে, চল কুরুক্ষেত্রে,
 কৃষ্ণভক্ত সুধান্বিক পাণ্ডবে শাসিতে ।
 কৃষ্ণ—যা করিবে, তাহে নাহি প্রতিবাদ
 নির্বিচারে বলরাম কৃষ্ণ-অনুগামী ।
 কৃষ্ণ হবে সাজিয়াছে পাণ্ডব বিরুদ্ধে
 সাজিয়াছে সবাকরে, সৈন্তগণে
 তবে বলরাম কেন না সাজিবে ?
 তাই মহাজ্ঞ হুল করে ধরি
 হুলধারী বলরাম সজ্জিত সমরে ।
 কৃষ্ণ-অপমান করে মধ্যম পাণ্ডব
 কি কারণ—কোন ধন্যবলে,
 সঙ্গত মৌমাংসা তার করিতে নারিলে,
 হলায়ুধ হুল আকর্ষণে—
 গদা সহ ভীম সেনে করিবে নিপাত ।

শ্রীকৃষ্ণ ।

আমিও বুঝিয়া লব অর্জুনের বীখা ।
 মম ভগ্নিপতি হ'রে—সখাতা ভূমিয়ে
 কি সাহসে দণ্ডীরে দানিল আশ্রয়,
 কার বলে অম প্রতিকূলে পশিবে সমরে,
 আজি তার পরীক্ষা লইব ।
 চল তবে বীরগণ ! চল কুরুক্ষেত্রে,
 কোথায় সে অমর নিকর !
 বাদবের সাহায্যার্থে চল কুরুক্ষেত্রে ।
 সৈন্তগণ বল সবে উচ্চকণ্ঠে
 যতো ধর্ম স্ততো জয় !

সৈন্তগণ । যতো ধর্ম স্ততো জয় !

যতো ধর্ম স্ততো জয় !!

গান ।

ভয় ভয় ভয় ধর্মিকের ভয় ।

ধর্মীধার বাহুদেব স্বয়ং ধর্মবর ।

ধর্মবল সমস্ত করেছে ব্যব',

ধর্মীধার কেশবে বেঁধেছে তাম্বা,

কৃষ্ণ সনে বিক্রোধে হবে ধর্মহাণী,

হ'লে বাহুব সমরে পাণ্ডব পরাক্রম ।

বিধ যে কেশবের পক্ষ,

কি সাহসে পাণ্ডব হয় তার বিপক্ষ,

আজি সমরে হুর নর, বন্ধ বন্ধ,

হেরি এ প্রতিপক্ষ পাইবে আগে ভয় ।

রণসাজে মহাদেব, ব্রহ্মা, ইন্দ্র, পবন, বরুণ, হুতাশন,

বড়ানন, অশ্বিনীকুমারদ্বয়, প্রভৃতি

দেবগণের প্রবেশ ।

মহা । বাহুদেব !

সাহায্যার্থে তব বাহুব-পাণ্ডব রণে,

সুসজ্জিত ত্রিদিব নিবাসী ।

অগ্রণী হইয়া সবাকার,

ল'রে চল কুরুক্ষেত্রে পাণ্ডব-সমরে !

ধর্মিকের সনে ধর্মীধার শ্রীকৃষ্ণের রণ

তরু সনে শুক্লাধীন করিবে সমর,
 দেখিব সে সময়ের দৃশ্য চমৎকার !
 একপক্ষে আত্মীয় পাণ্ডব
 বিরাট—পাঞ্চাল কৌরবের সহ,
 প্রতিপক্ষে যাদব বাহিনী সনে দেব-অনিকীর্নি ।
 দেব-নরে বিচিত্র সমর
 নেহারি বিস্মিত হবে এই ত্রিভুবন ।
 চল বাসুদেব ! বিলম্ব কিসের আর ?

শ্রী কৃষ্ণ । কিছু নাই বিলম্ব এখন ।
 এবে হে সংহর্ষা শঙ্কর শূলপাণি !
 কালান্তক শূল করে সেনাপতি রূপে
 অগ্রণী হইয়া রণে চল যাদবের ।
 বন সবে পূর্ণেয়াস্তমে কাপারে পাণ্ডবে
 যাদবের সেনাপতি শঙ্করের জয় !
 সকলে । যাদবের সেনাপতি শঙ্করের জয় !

[সকলের প্রশ্ননি ।

পঞ্চম অঙ্ক ।

ইন্দ্রপ্রস্থ ।

ভীষ্ম, দ্রোণ, দুৰ্যোধন, দুঃশাসন, কৰ্ণ, শকুনি
সৃঞ্জয়, পাঞ্চাল, বিরাট, যুধিষ্ঠির, ভীম, অর্জুন,
নকুল, সহদেব, প্রভৃতির প্রবেশ ।

যুধি । পিতামহ ! পিতৃহীন এ পঞ্চপাণ্ডব
প্রণাম করিছে তব পদে । [প্রণামোদ্যত]

ভীষ্ম । বিপদে বিভ্রান্ত কেন ধর্মরাজ
অগ্রে বন্দি শ্রীগুরু চরণ
তারপর প্রণাম করিও মোরে ।

যুধি । গুরুদেব ! শিষ্যদের লউন প্রণাম ।

(পাণ্ডবগণ অগ্রে দ্রোণ ও পরে ভীষ্মকে প্রণাম করিলেন)

ভীষ্ম, দ্রোণ । জয়ন্ত—জয়ন্ত বৎসগণ !

যুধি । ভ্রাতঃ সুধোধন অক্ষপতি !
আর আর বান্ধব আত্মীয়
যথাযোগ্য অভ্যর্থনা লহ পাণ্ডবের ।

সকলে । সাধু সাধু বৎস যুধিষ্ঠির !

ভীম । পিতামহ ! গোরার গোবিন্দ ভীম
ঘটায়ছে দেখ কিবা বোর অঘটন !
নিরাশ্রয় দণ্ডীরাজে আশ্রয় দানিয়া
কৃষ্ণের বিপক্ষে করে রণ আয়োজন ।

কুরুক্ষেত্রে আমাদের করিতে দমন
 আসিবেন ধৈর্যশূন্য মনে কুরু বজরাম ।
 কৃষ্ণের বিপক্ষে রণ কর আশা
 নিতাই হই অসম্ভব জানি, পিতামহ !
 মরিব নিশ্চয় আছি রণে,
 কিন্তু বহুভাণ্ডে হবে দেবতা দর্শন !

ভীষ্ম ।

ভ্রাতঃ ভীষ্ম ! এ কার্য্য ত হয় নি অস্তায়
 বিপন্ন শরণাগতে দিয়েছ ত্যাগ্রয়,
 ক্ষাত্ত্রধর্ম্ম নীতি অনুসারে ।
 তাহে প্রতিপক্ষ হ'ক না ত্রিলোক,
 কি শঙ্কা তাহাতে প্রাণাধিক ?
 আশ্রিত রক্ষায় যদি ধর্ম্ম থাকে কিছু
 তবে সেই ধর্ম্ম তোমা রক্ষিবে বিপদে ।
 ধর্ম্মরক্ষা ভরে ধার্ম্মিক্য রমণী
 চক্রকুলের কুললক্ষ্মী সুভদ্রা জননী,
 আশ্রয় দানিয়া দত্তীরাজে .
 কুলোচ্ছল করেছে ষোড়শের ।
 ক্ষত্রিয়জনা—ধর্ম্মধ্বংসারণা ভদ্রাদেবী
 অর্জুনের যোগা সহধর্ম্মিণী ।
 করেছেন তার কর্ম্ম বিপন্ন রক্ষায় ।
 কুরু বলেছেন আশ্রিত পালন সর্ব্ব ধর্ম্ম সাক্ষ
 সেই ধর্ম্ম ব্রহ্মে-ব্রতী—তাই এই সুমথযোগ ।

ভীষ্ম ।

শুরুদেব ! শুরু পুত্র অধখামা !
 আশ্রিত পালনে যুদ্ধ করি

করিয়াছি কেশবের সনে,
হয়েছে কি অন্যায় আচার ?

দ্রোণ ।
স্নায়—ধর্ম সত্য বাহা,
তাই তুমি করেছ পালন, বৃকোদর !
তোমার এ মহেশ্বর গুণে
কুরুক্ষেত্রে দেব—নরে বিচিত্র সমর ।

অথ ।
মধ্যম পাণ্ডব ! এই ধর্ম-ব্রত তব
উজ্জ্বলিত হবে—
কুরুক্ষেত্র মহাপুণ্য ক্ষেত্রে !
তোমারি কর্ম দক্ষতার আমরা সকলে
ধর্মক্ষেত্র কুরুক্ষেত্রে করিয়া গমন
দেব দরশনে আজি হইব পবিত্র ।
এ কার্য তোমার অতি সুসঙ্গত ।

ভীম ।
শোন্ পার্থ ! শুভ্রন গো ধর্মরাজ !
তখন ত তিরস্কার করেছিলে কত ।
এখন আর কি কার আছে সেই বিধা
থাকে যদি এখনো বিচার কর,
এখনো সময় আছে ।
রণক্ষেত্রে গিয়ে যেন কৃষ্ণ মুখ হেরি
মমতায় যেরো না গিয়া,
লুটায় পড়ো না যেন কেশবের পার ?
মাত্র দেবে দোহাই—ধর্মের দোহাই !
দেখ ধর্মের দোহাই দিবে
কৃষ্ণ ধনে ধর্ম সনে পাই কি না পাই ?

অর্জুন । ধর্মরাজ দিরেছেন আদেশ যখন,
 ধর্মরূপে সুসজ্জিত প্রস্তুত যখন,
 তখন—তখন আর নাহি দ্বিধাবোধ,
 ধর্মরক্ষা আশ্রিত পালন
 দেখাইতে সুরাসুর, নর, যক্ষ রক্ষে,
 বিজয়ী বিজয় ধনু ধরিমু সবলে ;
 আসুক সে কেশব ত্রৈলোক্য করিয়ে সহায়,
 ডরি না তাহাতে আমি,
 আমি জানি ধর্ম যাহা—সত্য তাহা,
 সেই ধর্ম রক্ষা তরে,
 কৃষ্ণ সনে করিব সমর,
 আর বলিব সঘনে সমর প্রাক্ষনে
 যথা ধর্ম তথা জয় !

ভীষ্ম । হাঁ, ওই বাণী আর
 যথা ধর্ম—তথা জয় !
 ধর্মরাজ অগ্রজ ষাণ্ডেয়,
 ধর্মরক্ষা তাহাদের প্রধান কর্তব্য ।
 সেই ধর্ম রক্ষা হেতু হয় যদি কৃষ্ণ প্রতিকূল,
 ধর্ম রবে সামুকূল ।
 ধর্ম যদি থাকে অনুকূল
 ধর্মবীর কৃষ্ণ কৃপা অবশ্য মিলিবে ।
 কিন্তু ধর্মত্যাগী হ'লে
 কৃষ্ণ কভু না পারিবে ধর্ম প্রদানিতে ।
 ধর্মে যদি কৃষ্ণ পাওয়া যায়—

তবে ধর্ম বিনা কি আছে সংসারে ?
 ধর্মরাজ ! সেই ধর্ম করিতে পালন
 যাব মোরা ধর্মক্ষেত্র কুরুক্ষেত্র মাঝে ।
 কেবা হবে সেনাপতি যাদবের রণে
 নির্বাচন করিয়া সত্তর,
 চল সবে বীরদর্পে পশি রণস্থলে ।

শুধি । যাদবের সেনাপতি দেব শূলপালি
 সমযোগ্য প্রতি যোদ্ধা তার
 পাণ্ডবের পিতামহ ভীষ্ম দেবব্রত ।
 তাঁহারেই এ সমরে সেনাপতি করি,
 যেতে চাই যাদবের রণে ।

ভীষ্ম । তবে, পিতামহ !
 সেনাপতি হ'য়ে পূর্ণোত্তামে,
 অন্নদায়ে কাঁপারে অগ্নং
 যাদবের বক্ষ কাঁপাইরে
 সবিক্রমে কুরুক্ষেত্রে করুন প্রবেশ ।
 আজি দেখিব সমরে ত্রক্ষা, বিষ্ণু, শিবে,
 ইন্দ্র, চন্দ্র, সূর্য্য হতাশনে,
 ষড়াননে শমনে—পবনে !
 সার্থক হইবে মম চন্দ্র চক্ৰধর
 দেব দরশন করি কুরুক্ষেত্রে ।
 চল দেব পিতামহ ! কেন কালকর ?

ভীষ্ম । না ভাই ! কালকরে নাহি প্রয়োজন আর,
 শুভবাত্রা ক্ষণ এই ব'য়ে যার,

কুরুক্ষেত্রে হবে আজ দেবতার স্থান
 পবিত্র হইবে সবে দেব দরশনে ।
 হে ইন্দ্রপ্রস্থ বাসী !
 তোমাদের নিত্যধাম নিকটে উদয়
 এস কেবা যাবে নিত্যধাম দরশনে ।
 মহাতীর্থ কুরুক্ষেত্র আজ—
 ধর্মার্জনে মহাপুণ্যক্ষেত্র ।

যুধি : তবে শুভযাত্রাকালে
 স্মরি সেই চক্রধর নাম
 যুদ্ধযাত্রা করুন সকলে ।
 ভীষ্ম । বল জয় শ্রী কৃষ্ণের জয় !
 সকলে : জয় শ্রী কৃষ্ণের জয় !
 ভীষ্ম । জয় গোবিন্দের জয় !
 সকলে । জয় গোবিন্দের জয় !
 ভীষ্ম । জয় ধর্ম্মের জয় !
 সকলে । জয় ধর্ম্মের জয় !
 ভীষ্ম । জয়—ধাণ্মিকের জয় !
 সকলে । জয়—ধাণ্মিকের জয় !
 ভীষ্ম । জয়—ধর্ম্মরাজ যুধিষ্ঠিরের জয় !
 সকলে । জয়—ধর্ম্মরাজ যুধিষ্ঠিরের জয় !
 ভীষ্ম । বাণ্ডকারগণ ! শুভ রণ যাত্রা কালে
 যথাযোগ্য ঐক্যতান করহ বান্দন ।

ঐক্যতান ।

[সকলের প্রস্থান ।]

পঞ্চম অঙ্ক ।

প্রথম দৃশ্য ।

কুরুক্ষেত্র—যুদ্ধস্থল ।

ভীষ্ম, দ্রোণ, কৃপ, অশ্বখামা, কর্ণ, দুর্য়োধন, দুঃশাসন,
শকুনি প্রভৃতি কুরু যোদ্ধৃগণ সহ যুধিষ্ঠির, ভীম,
অর্জুন, নকুল, সহদেব, বিরাট,
পাঞ্চাল প্রভৃতির প্রবেশ ।

ভীষ্ম । হে কুরুক্ষেত্র সমর সমাগত নীরেকুবুক ! আজ তোমাদের
ভীষণ পরীক্ষার দিন ! যাদব-পাণ্ডবে মহারণ ! যে কুরু পাণ্ডবের সুখে,
দুঃখে, সম্পদে বিপদে, প্রতি পদে প্রতি নিয়ত সহায়—যে পাণ্ডব কুরুকে
জগদ্বিত মণিজ্ঞানে হৃদয়ে গোপে রেখেছে ; সেই পাণ্ডবের সঙ্গে সেই
কুরুের রণ । অসম্ভব—সম্ভব—অনিশ্চিত—নিশ্চিত । পাণ্ডবের সঙ্গে
কুরুের এই বণের গৃঢ় উদ্দেশ্য কি জানি না ! তবে এইমাত্র বলছি যে,
কুরুের সমর পরম ধর্ম, সমরে যত্ন কুরুের স্বর্গ—পৃষ্ঠভঙ্গ দানে অনন্ত
নরক । সকলে এই রণ-নীতি মেনে নিরে—প্রকৃত কুরুের-তেজে প্রদীপ্ত
হ'রে যাদব দল বিদলন কর্ত্তে প্রাথপণ হও । কুরুের গৌরব—বশঃ—
কীর্ত্তি দিক্দিগন্তে প্রচারিত হ'ক । বল জয় ধর্মের জয় !

সকলে . জয় ধর্মের জয় !

ভীষ্ম : . ওই কেশবের পাঞ্চকল্প শব্দ নিনাদ ! যাদব-বাহিনী নিরে
মহা পরাক্রমে রান-কুরু দেবদল সহ যুদ্ধে আসছেন । সকলে প্রস্তুত হও—

কুধর্তি কেশরীর মত । শত্রুর শাণিতে কুরুক্ষেত্রের মাটি ভিজিয়ে তোলা—
 মূর্তিমান জহ্লাদের মত । কুরুক্ষেত্র বুলিয়ে দাঁও পাণ্ডবের শক্তি—সাহস—
 ধর্মবল—সুন্দরী কন্দীর মত । সদন্তে—বীরদর্পে বুক ফুলিয়ে দাঁড়াও ।
 আমাদের ধর্ম সহায়—ধর্মরাজ সহায়—আর ধর্মবীর কৃষ্ণের নাম সহায় ;
 সেই সঙ্গে পিতামহের কাম্বুক—আচার্য্যের ধনু—অঙ্গপতির বিজয়
 কাম্বুক—অর্জুনের বিজয় গাণ্ডীব, ভীম, দুর্যোধনের গদা, গুরুপুত্রের
 ব্রহ্মশিরাও আমাদের সহায় ! তবে আর কাকে ভয়—এই সমবেত
 শক্তিতে ত্রিভুবন জয় করা যায় । জয় ধর্মের জয়—জয় ধর্মরাজের জয় ।
 জয় ধর্মবীর শ্রীকৃষ্ণের জয় !

মহাদেবকে অগ্রে লইয়া কৃষ্ণ, বলরাম, যদন, সাত্যকি,
 ব্রহ্মা, যম, ইন্দ্র, পবন, বরুণ, অশ্বিনীকুমারদ্বয়,
 কার্তিক, সূর্য্য, চন্দ্র প্রভৃতি দেবগণের প্রবেশ
 ও প্রতিপক্ষে দণ্ডায়মান হইয়া উভয়ে
 উভয় পক্ষ দেখিলেন ।

ভীম । দেখ দেখ বিশ্বাসী দেখ দিবা নেত্রে
 কুরুক্ষেত্রে কি মহান্দৃশ্য সমাবেশ ।
 গঙ্গা, গঙ্গা, বারাণসী সর্বভীর্থ দেব
 সমাগত কুরুক্ষেত্রে সমর-প্রাঙ্গনে ।
 স্বর্গের সম্পদ আজ মরতে উদয় ।
 মরিতে ত হবেই নিশ্চয় আজ নয় কাল,
 তার চেয়ে আজই মৃত্যু ভাল !
 ধর্মক্ষেত্রে কুরুক্ষেত্রে পাণ্ডব বিপক্ষে,

পাণ্ডবের মিত্র কৃষ্ণ দেবদল সহ

রণসাজে সজ্জিত সুন্দর !

সম্মুখে ত্রিশূল করে দেব শূলপাণি

যাদবের সেনাপতি ওই !

পিতামহ ! কিসের বিলম্ব আর,

ব'য়ে যার মরণের মাহেত্র সুযোগ

আক্রমণ করুন অরাতি ।

দেখুক কপটী কৃষ্ণ বিস্থিত নয়নে

পারে কি না ধর্ম-তরে মরিতে পাণ্ডব !

চাই না কৃষ্ণের কৃপা চাই তার নাম,

জয় চক্রধর ! দিও ত্বর কিঙ্করে তোমার ।

কৃষ্ণ । কিহে বৃকোদর ! চক্রধরে কেন ডাক আর,

তার সনে কি সম্বন্ধ আছে তোমাদের ?

বলেছিলে সভামাঝে একদিন

মিথ্যাবাদী, শঠ—কপট, লম্পট—

গোপোচ্ছিষ্টে ভোগী, যারে, আজ কেন তার জয় দাও ?

দেবদল সহ নিরগিয়া যাদব-বাহিনী,

আহত হয়েছে বৃহি প্রাণে ?

ভীম । ওরে গদাধর ! তোর ও গদা-চক্রে

ভীত নয় বৃকোদর ।

তোর কিবা শক্তি আছে কৃষ্ণ,

শক্তি যত কিছু নামে আছে তোর,

জানে তা পাণ্ডবগণ ।

বৃদ্ধে চক্রধর নাম উচ্চারণ

কত্রিরের শুভ যাত্রাকালে অবশ্য কর্তব্য,

তাই বলি জয় চক্রধর !

তোর মত মিথ্যাবাদী নহে ত পাণ্ডব ?

সত্যবাদী ধর্মরাজ অগ্রজ মোদের,

ব্রহ্মরূপ বাক্যে মোরা মিথ্যা নাহি বলি,

আর তুই ব্রহ্ম হ'য়ে নিজে

নিজের বলিত বাক্য মিথ্যা ক'রে দিলি ?

ধিক—শতধিক তোরে মিথ্যাবাদী ।

কৃষ্ণ । কিসে আমি মিথ্যাবাদী ?

ভীম । নস্ মিথ্যাবাদী তুই ?

আশ্রিত পালন— বিপন্ন রক্ষণ ধর্ম

তুইই ত বলেছিলি নয় আপন বদনে ?

আরো বলেছিলি—মনে আছে কৃষ্ণ তোরা—

শরণাগতে :। দিলে আশ্রয় কত্রের

পরম অধর্ম ফলে নরক গমন ?

তবে কিসে দণ্ডীরাজে দানিয়া আশ্রয়,

ভগিনী তোরা ভদ্রাদেবী অপরাধিনী ?

যার ফলে এই মহারণ ?

কৃষ্ণ । সত্য বটে,

আমারি বচন, আশ্রিত পালন ধর্ম—

আশ্রিত বর্জন—মহাপাপ । তা ব'লে কি

করম-কারণ, পাত্রাপাত্র ভেদাভেদ

নাহি যবে বিবেচনাধীন ?

ভীম ।

বটে কৃষ্ণ !

পূর্বে ইহা ছিহু না বিদিত—যে আশ্রিত,
 সে যোগা কিনা আশ্রয় প্রাপ্তির ; আশ্রয়
 দানিব নার প্রতিকূলে, সে বলবান
 কিবা হীনবল ? যুদ্ধ উপস্থিত হ'লে
 বিপক্ষ বিজয় হবে কিনা সাধ্যাতীত ?
 আশ্রয় দানিয়া বিপয় শরণাগতে,
 পাব কি না ধন্যবাদ দেশের নিকটে,
 এত বিবেচনা—এমন বিচার করি
 দিতে হবে বিপয়ে আশ্রয় । জানে না তা
 স্থলবুদ্ধি, গণ্ডমূৰ্খ ভীম । জানে মাত্র—
 যে বিপয়--যে শক্তি—যে শরণাগত,
 তাহারেই দানিয়া আশ্রয় সযতনে,
 ধর্মব্রত করিতে পালন । জানে মাত্র—
 বিপক্ষ মস্তিকে তৈল করিতে মোক্ষণ,
 তৈলাক্ত মস্তকে তৈল দেয় না পাণ্ডব !

কৃষ্ণ ।

বাজে কথা ছেড়ে দাও মধ্যম পাণ্ডব !

বল গুনি কাজের বারতা ।

ভীম ।

কহ গুনি

কিবা তব কাজের বারতা ?

কৃষ্ণ ।

মম শত্রু

দণ্ডীরাজে সমর্পবে মম করে কি না ?

সৌহৃদ্য রাখিতে যানবের সনে ?

ভীম ।

না—না,

আশ্রয় দিবেছি যারে—দিবেছি অস্ত্র,

তারে শত্রু-করে করি সমর্পণ,
 আশ্রিত পালন ধর্ম করিব না ত্যাগ ।
 তাই যদি করিতাম কৃষ্ণ ? তাহ'লে কি
 হেন শুভ সম্মিলন হ'তো কুরুক্ষেত্রে ?
 দেখ দেখি লীলাময় ! কি তোমার লীলা !
 দেখ আজ কুরুক্ষেত্রে ভীমের এ খেলা !
 হেন সম্মিলন কে কোথা দেখেছে করে ?
 কি আনন্দ আজি মোর !

কৃষ্ণ । নিরানন্দ হবে
 আজ আনন্দে তোমার যুদ্ধে ব্রতী হও,
 বুঝে নাও কৃষ্ণ প্রতিকূলে ঘটে কিবা
 পরিণাম ফল ।

ভীম । পরিণাম দেখিবারে
 পরি সময়ের সাজ সবাক্ষবে আজ
 আসিয়াছি যাদবের রণে । পিতামহ
 অনর্থক কাল গত হয় কেন আর ?
 করুন ব্যবস্থা কার সনে, কার রণ
 হইবে সম্প্রতি ।

ভীষ্ম । কার সনে হবে কার রণ
 আমি তাই করিব নির্ণয় বৃকোদর !
 তার পূর্বে শুনে রাখ সবে মম পণ ।
 ধর্ম যুদ্ধ বিনা পৈশাচিক রণে আমি
 অসম্মত । অমঙ্গল করিলে দর্শন,
 অস্ত্র শস্ত্র পরিহরি রণে কাস্ত মোব

ভীত—পলায়িত বা আশ্রিত যে হবে

তার প্রতি নির্বাসন না করিব কভু ।

ভান ।

বশ—তাই হবে পিতামহ ! তাই হবে

কখন ব্যদস্থা হইবে, নহে না বিদগ্ধ ।

ভীম ।

। কৃষ্ণের প্রতি ।

কে তুমি হে গদা চক্রধারী মহাবীৰ ?

পাণ্ডবের ধর্মনাশে প্রধান উত্তোঙ্গী

তুমিই কি পাণ্ডবের বন্ধু সেই কৃষ্ণ ?

কৃষ্ণ ।

হাঁ হে দেবভ্রাতৃ ! আমি সেই কৃষ্ণ

তুমি পারনি চিনিত তোমার ?

ভীম ।

কেননে চিনিব ?

চিনিবার কিবা চিহ্ন রাখিয়াছ আক ?

নাহি সেই পীতধড়া—নাহি শিখিপুচ্ছ,

নাই সে মোহন বাণী রাধা নামে সাধ,

কোন চিহ্নে চিনিব তোমার ?

কৃষ্ণ ।

পরিচয় ।

লব নম পরিচয়, পারিবে চিনিতে—

আনি সেই কৃষ্ণ কি না ?

ভীম ।

আর কিবা লব পরিচয় ?

যা দিয়েছ পরিচয় আজ,

বুঝেছি দেখিয়া তাই, নহ সেই কৃষ্ণ ?

হাতে পার কৃষ্ণ নামে অস্ত্র কোন জন,

পাণ্ডবের মিত্র সেই কৃষ্ণ,

তুমি নও সেই কৃষ্ণ কভু ?

- কৃষ্ণ । সত্য ভীষ্ম ! সেই আমি—
 পাণ্ডবের মিত্র কৃষ্ণ ।
- ভীষ্ম সে কৃষ্ণ যে সিংহ
 শাস্ত—সুনির্মল শাস্তি সরোবর,
 আর তুমি যে হে ঘোর মরুভূমি ময় ।
 সে কৃষ্ণ যে কল্পবৃক্ষ, তুমি বিধতরু ।
 সে কৃষ্ণ যে উক্তগত-ধন্যগত প্রাণ,
 তুমি যে হে উক্তঘাতী ঘোর নিরদয় !
- কৃষ্ণ । দেশ, কাল, পাত্র ভেদে এ পরিবর্তন
 অসম্ভব বা আশ্চর্য্য নহে দেবব্রত ।
 কালে কালে সকলি সম্ভব হবে জেনো ।
- বল । শোন কৃষ্ণ ! শোন ভীষ্ম ! বক্রবা আমার
 যুদ্ধহলে অত কথ কিসের কারণ ?
 এসেছ সমরে যবে, যুদ্ধে ব্রতী হও ।
 নতুবা হে পরস্পরে ক্ষমা ক'রে যাও,
 মাঝামাঝি নিষ্পত্তি করিয়া ।
- কৃষ্ণ । কারে ক্ষমা ?
 পাণ্ডবেরে ? আচ্ছা—হ'ক্ তবে ক্ষমা প্রার্থী
 পাণ্ডবেরা আমার নিকটে ।
- ভীষ্ম । কেন হবে
 পাণ্ডবেরা ক্ষমা প্রার্থী কৃষ্ণজনি পুটে ?
 কি দোষ করেছে তারা ? দোষী বরং তুই,
 তুই ক্ষমা ভিক্ষা কর ভীষ্মের নিকটে ।
- মদন । কেন পিতা ! অপাত্তের সনে বাঁকাবার—

অনর্থক স্বীয় সম্মান লাভ করি ?
 নিতান্তই অকৃতজ্ঞ পাণ্ডব নিকর ।
 যোগ্য শাস্তি অকৃতজ্ঞে করুন প্রদান ।

কর্ণ ।
 কৃষ্ণ পুত্র ! যুদ্ধস্থলে ত্যজ বাচালতা
 পাণ্ডবেরা অকৃতজ্ঞ- তোমরা কৃতজ্ঞ ?
 নর-নারী মনে লীলা যার, ঘৃণ্য সেইজন ।
 অপদার্থ—তুমি কুপুত্র পিতার ।

অর্জু ।
 ক্ষান্ত হও,
 যুদ্ধস্থলে বাতাব্যয় কর পরিত্যাগ ।
 মহামতি ভাঙ্গ ! বধী নিক্ষেপন করি
 সত্বরে সমরে কর অমুমতি দান ।

ভীষ্ম ।
 শ্রায় যুদ্ধে, মম শক্তি মতে যাছা পানি,
 করিব সেক্ষপ ভাবে প্রতিপক্ষ স্থির ।
 অর্জুনের মনে রণ করন কাঙ্ক্ষিক,
 বৃকোদর মনে বলরাম করিবেন রণ,
 দ্রোণাচার্য্য কৃষ্ণ মনে, অশ্বথামা—যমে,
 হৃষ্যেধন— দেবরাজ মনে, মদন ও কর্ণে,
 পদ্মযোনি আর যুবিষ্ঠিরে,
 নকুল ও সহদেব মনে অশ্বিনীকুমার ।
 এই ভাবে পরস্পরে প্রতি পক্ষ মনে
 ধর্ম মত্ত শ্রায় যুদ্ধে ভ্রতা হও এবে ।

হৃষ্যে ।
 পিতামহ ! কার মনে হবে তব রণ ?

ভীষ্ম ।
 মম মনে কে করিবে রণ
 নিক্ষেপন করিতে অক্ষম !

দেব দেব পশুপতি যজ্ঞ-সেনাপতি !

শাণ্ডবের সেনাপতি আমি ;

শিব মনে করিব সমর ।

মহা : আমারো বাসনা তাই,

এস ভীষ্ম ! মম সহ রণে ।

ভীষ্ম : তাই হ'ক দেব আশুতোষ !

আমি পিতা পুত্র হইক সমর ।

দেখুক ত্রিলোক বাসী চমকিত নেত্রে—

ক্ষত্রধর্ম—কত ভয়ানক !

প্রণমি চরণে দেব ! | প্রণাম ।

অপরাধ ক'রো না গ্রহণ ।

কি করিব পিতা !

ক্ষত্র-ধর্ম বড়ই কঠোর !

মহা : শাস্ত্র-নন্দন ! জানি তব বল বীরা আমি

দিকুতেজ-সমুদ্ভূত তপস্বী ভার্গব

তব রণে পরাজয় করেছে স্বীকার—

তবে কেন তুমি মম রণে হার না সন্ধান ?

এস বীরব্রতে ব্রতী হও ।

নিতান্ত অত্যধ যদি হয়

করখোড়ে কর তবে অভয় প্রার্থনা ।

ভীষ্ম : অভয় চাহে না কভু বীরেন্দ্র ক্ষত্রিয় ।

রণস্থল ক্ষত্রিয়ের লীলা রঙ্গভূমি ।

এস দেব আশুতোষ ! শূলপাণি হ'য়ে—

ভীষ্ম আশু সূদৃঢ় প্রতিজ্ঞ

দেখাইতে দেবতার মানবের বীৰ্য্য ।
 মহা । কি সাহসে এত বল শক্তির নন্দন ?
 ভীষ্ম । ধর্ম্মরূপে ধর্ম্মবল সম্বল আপন ।
 মহা । শক্রে জিনিবে রবে কেন এ ছুরাশা ?
 ভীষ্ম । তব কৃপাবলে তোমা জিনিবারে আশা ।
 মহা । কে কবে সমরে পারে জিনিতে অমরে ?
 ভীষ্ম । ধর্ম্মদাস পারে, কিন্তু পারে না পামরে ।
 মহা । দেখ তবে চেহে কর, ধরি ধর্ম্মরূপে ।
 ভীষ্ম । এস্তুত সমরে ভীষ্ম, হও সাবধান ॥
 সৈন্তগণ ! বীরগণ ! মৃত হও রণে ।

[যুদ্ধোত্তম]

গান

দেব-সৈন্তগণ — ভীষণ তাওবে, বধ বধ'পাতবে
 করিতে যোষণা; বাদবের ভয় ।
 পাণ্ডব-সৈন্তগণ ।— প্রমত্ত আহবে, কে জিনে পাতবে
 সর্বাঙ্গে সবে করিব বিজয় ॥
 দেব-সৈন্তগণ ।— মানব কি পারে করু জিনিতে অমরে,
 পাণ্ডব-সৈন্তগণ ।— ত্রিলোক জিনিবে নরে ধর্ম্মের সমরে,
 দেব-সৈন্তগণ ।— দুর্গ হবে দর্প দেবতার শরে ।
 পাণ্ডব-সৈন্তগণ ।— মানব সমরে হবে বাদবের পরাজয় ॥
 দেব-সৈন্তগণ ।— তেত্রিশকোটি দেব আজি কৃষ্ণ পক্ষ,
 পাণ্ডব-সৈন্তগণ ।— পাণ্ডবের পক্ষে ধর্ম্ম গুরুপক্ষ,
 দেব-সৈন্তগণ ।— নাহি পাই আশ কৃষ্ণ অস্তি পক্ষ,
 পাণ্ডব-সৈন্তগণ ।— ত্রৈলোক্য বিপক্ষে নাহি পাণ্ডবের ভয় ॥

অর্জুন ! দেব সেনাপতি বড়ানন !

ধর তবে শরাসন,

তব সনে হোক মোর রণ ।

কার্তিক ! বিজয় গাণ্ডীব পার্থ করহ ধারণ,

বেধা যাক্ কার শক্তি কত ?

অর্জুন ! শক্তিতে অর্জুন বীর ত্রিলোক বিজয়া

পশুপতি জয়ী—আদি ধনঞ্জয়,

নিবাত—কবচ কালকেয় দৈতা

বিনিহত আমার সমরে !

থাণ্ডব দাহন করি অগ্নি তৃপ্তি সাধি,

লভিয়াছি বিশ্বজয়ী—বিজয় গাণ্ডীব,

আমার শক্তির মন্ত্র

জান না কি শক্তির কুমার ?

না জান যত্বপি তবে লও পরিচয় ।

জেনো স্তম্ভিচয় দেব-সেনাপতি

পার্থ রণে আজি তব—নাহি অব্যাহতি ।

গাণ্ডীব নিঃসৃত মম ধর শরজালে

অমরত্ব হইবে বিলোপ তব দেব-সেনাপতি !

কার্তিক ! অহঙ্কারে আত্মহারা হ'য়ে

উন্নতের মত বলিতেছ অনেক প্রলাপ ;

অমরত্ব করিবে বিলোপ তুমি কার্তিকেয় ?

হা ব্রাহ্ম ! অমর কি মরে কভু মরজীব করে !

অর্জুন ! অমরের মুচ্ছাই মরণ ।

বড়ানন ! অর্জুনের শরে আজ হইবে মুচ্ছিত !

পাণ্ডবের ধর্মব্রত করিতে যাপন
প্রতিবাদী কৃষ্ণ সনে যত দেবগণ,
সকলেই নির্যাতিত হইবে সমরে ;
পাণ্ডবের করে কেউ পাবে না নিস্তার ।

কার্তিক । কার করে কে পাবে নিস্তার
নির্গয় নাহিক কিছু তার ।
না হইতে সমর আরম্ভ
পূর্ব হ'তে জয় আশা মনে,
নিভাস্তই মতিচ্ছন্ন—অধঃপাত হেতু ।
বৃথা বাক্যবার না করিয়া আর
গাণ্ডীব কাশ্মুকে কর জা—আরোপণ
কার্তিকের সনে হ'ক অর্জুনের রণ ।

অর্জুন । আনি ত প্রস্তুত সদা করিতে সমর
এস—যুদ্ধে বৃকো নিই জয়—পরাজয় ! [যুদ্ধোত্তম]

কর্ণ । বিশ্বয়-বিমুগ্ধ নেত্রে বিহ্বল মানসে
কি দেখিছ চাহিয়া—মদন ?
দেখিতেছ কাল ব'য়ে যায় ?
কখন করিবে রণ ?
ধর অস্ত্র, লিপ্ত হও কর্ণ সহ রণে
আজ তব নাহি পরিত্রাণ ।
ত্রাসক — ত্রিনয়নোখিত অনলে পুড়িয়া
ভস্মীভূত হয়েছিলে যবে,
দেবগণে সেইকালে দানিল জীবন ।
কিন্তু আজি কর্ণ রণে হারাইলে প্রাণ

- পাবে না মদন আর নূতন জীবন ।
 এস—তুমি যত অনর্থের মূল,
 ব্যভিচার—অভ্যাচার করিতে সৃজন ;
 আজি রণে বধিয়া তোমার
 ব্যভিচার বিশ্ব হ'তে মুছে ফেলে দিই ।
- মদন । কে হে নীচ অধিরথ পুত্র কণ ছরাসর !
 ছর্ষোধনের অঙ্গদাস ! কত সনে মিলি
 স্পর্শা বুঝি বেড়েছে এমন ?
 না, নিয়তির আকর্ষণে
 আনিয়াছ কৃষ্ণ পুত্র প্রহ্লাদ—সকাশে ?
 নিতান্তই অপাত্ত তুই যুগা সূত্রধর,
 তোর সনে মদনের সঙ্গে কি সমর ?
- কর্ণ । থাক্য্যয়ে বীরস্বের নয় পরিচয়,
 পাতাপাত্ত বোকা যাবে রণে
 হওঁ হে, প্রস্তুত পরীক্ষা দানিতে
 পরীক্ষার রণক্ষেত্রে যবে উপনীত ?
- মদন । কিসের গৌরব এত কাপুরুষ কণ !
 দেখা রণে পুরুষত্ব—বীর্যবস্থা তোর ।
- কর্ণ । কাপুরুষ নহে এই কণ অঙ্গপতি ।
- মদন । পরীক্ষা হইবে তার দেখিব সম্প্রতি ।
- কর্ণ । কণ-রণে মদনের ব্যর্থ ফুলবাণ ।
- মদন । ত্রিলোক মোহিত আর কণ পাবে ত্রাণ ?
- কর্ণ । কতবার ফুলবাণ করেছি বিফল ।
- মদন । আদি মদনের বাক্য হইবে সফল ।

কর্ণ । ধর তব কুসুমবু ! তব সুল পর ।
 মদন । ধনুঃশর করে আমি সদা অগ্রসর ।
 কর্ণ । কর্ণ মনে সাবধানে করিবে সময় ।
 মদন । মানব-সমরে কভু ভবে না অমর । [যুদ্ধোত্তম]
 অশ্ব । সংঘমনী যম !
 অশ্বথামা তব মনে সমরার্থী—আজ ।
 ধর দণ্ড দণ্ডধর !
 ব্রহ্মশিরা ক'রে আমি দাড়াই সদর্পে !
 যম । ব্রহ্মশিরা ছিন্ন শিরা হবে অশ্বথামা ।
 শমনের লর দণ্ড সঞ্চালন তেজে !
 কাত্তবৃত্তিধারী বিষ্ণু ভূমি—মহাপাপী
 তোমারে দানিতে আজ সমুচিত দণ্ড
 দণ্ডধর দণ্ড ধরি দাঁড়াল বিক্রমে ।
 আজি তব অনরত হইবে বিনোদ
 শমনের শাসনাস্ত্র তেজে ।
 অশ্ব । বাথানি সাহসে তব সংঘমনী পতি !
 অমরে মারিতে শক্তি কতদিন পেলে ?
 কে দিচ্ছে সে শক্তি তোমায় ?
 কালপূর্ণ হয় যার
 সেই বার যম-অধিকারে,
 আজ কাল অমরের মরিবারে পার ?
 এত গুণ না থাকিলে যমাত্ত কে পার ?
 এই গুণে ধর্মরাজ ভূমি ?
 ভূমি মহাপাপী নিষ্ঠুরের রাজা!

ধর্মরাজ রাজা যুধিষ্ঠির
 ধর্ম । হেন বুদ্ধি না থাকিলে ঈর্ষার মস্তিষ্কে
 ক্ষত্রিয়র অন্নদাস হও পিতা পুত্রে ?
 আমিই অধর্মরাজ যদি
 তবে মম পুত্র কোন গুণে হ'ল ধর্মরাজ ?
 পুত্র যুধিষ্ঠির, ধর্মরাজ কেন জান ?
 ধর্মরাজ যমের অংশ সন্তুত
 তাই সেই ধর্মরাজ—ধার্মিক সংসারে ।

অশ্ব । যাক্—যাক্—অনু বাক্যে নাহি প্রয়োজন
 সনয়ের আয়োজন করহ স্বরায় ।
 ব্রহ্মশিরা সনে হ'ক যমদণ্ড রণ
 কার শক্তি—কার তেজ দেখি বলবান ।
 প্রজ্জল—প্রজ্জল দীপ্ততেজে অঙ্গ ব্রহ্মশিরা :
 শমনে বিদগ্ধ কর দাবানল তেজে ।
 লক্ লক্—লোলজিহ্বা করিয়া বিস্তার
 ধর্মদেবী দেবগণে দগ্ধ কর স্বরা ।

ধর্ম । উত্তোলিত যমদণ্ড প্রচণ্ড মূর্তিতে
 ব্রহ্মশিরা শির খণ্ড খণ্ড করি
 ধরণীর ধূলি সনে করিতে মিশ্রিত ।
 আর—আর এই যমদণ্ডাঘাতে
 কাত্রবুদ্ধিধারী বিধে দণ্ড প্রদানিব । [যুদ্ধোদ্যম]

ভীম । সকলেই প্রতিষন্দী করিল নির্ণয়
 এবে আমি আর হলধর দেখিব হুজনে ।
 গদাধরের দাদা—ওহে বীর হলধর !

এস হলধরে—গদাধরে করিব সময় ।

বল ।

বুকোদর ! হলধর সনে রণ নহে ত সহজ ?

এই হল করিয়া সহজ

ত্রিভুবন পারি আকষিতে,

কি ছার পাণ্ডব—কিবা ছার বুকোদর ।

মাত্র দামোদর করে নি ইঙ্গিত

তাইতে এখনো ছিছু নিশ্চেষ্ট হইয়া ।

এইবার সময় আগত সময়ের

এস ভীম ! হলায়ুধে বিচূর্ণিব গদা

ভীম ।

গদাধর অমুজ তোমার

ভর করে ভীমের এ গদা ।

কৃষকের হল অগ্নে

কি করিবে ভীমের গদার ?

কেন্দ্র-কর্ষণের বজ্র কৃষকের হল,

সেই হ'ল যুদ্ধে অঙ্গ তব ?

ভাল—ভাল—এস একবার

স্বপাত্রে ভীমের গদা করুক প্রহার !

[বুদ্ধোত্তম]

ব্রহ্মা ।

ধর্মরাজ যুধিষ্ঠির !

যাদব-পাণ্ডব রণে—

প্রতিদ্বন্দ্বী তুমি মোর

এস ধর্মরাজ ! ব্রহ্মা সনে ধর্ম রণে ।

যুধি ।

প্রস্তুত কিঙ্কর দেব ! করিতে সময়,

এই ধরিলাম ধর্মরাজ,

- সাবধানে এস রণে লোক-পিতামহ !
 জনো মনে যুধিষ্ঠির যুদ্ধে সদা স্থির ।
 ব্রহ্মা । সে বাক্যের আজি ঘটাব জল্পধা,
 যুদ্ধ স্থির যুধিষ্ঠিরে করিব অস্থির ।
 এই কমণ্ডলু বজ্র-সম মহাঅস্ত্র
 এরই আঘাতে তোমা করিব চঞ্চল ।
 যুধি । ধর্মরণে ধর্মপুত্র যুধিষ্ঠির
 তাঙ্কলো না ভীত হয় কভু,
 প্রাণত্যাগ রণে ধর্ম কত্রিসের
 জানে তাহা কামরূপ রাজা যুধিষ্ঠির ।
 শিব, ব্রহ্মা, ইন্দ্রাদি অমরগণ
 পাণ্ডবেরা ডরিলে সমরে,
 এতক্ষণ রণস্থল করি পরিহার
 পলাইত কিংবা শরণ লইত ।
 ব্রহ্মা । ভাল ধর্মরাজ !
 দেখা যাক ধর্মরণে ধর্ম বল তব ;
 যুধি । পাণ্ডবের ধর্মবল অতি অসম্ভব ।
 ব্রহ্মা । ব্রহ্মার-বিক্রমে হত হবে ধর্মবল ।
 যুধি । অথবা ব্রহ্মার বাক্য হইবে বিফল ।
 ব্রহ্মা । সামান্ত মানব হ'য়ে তুতি উচ্চ-আশা ।
 যুধি । শক্তি থাকে বীর্যবলে চূর্ণ কর আশা ।
 ব্রহ্মা । সাবধান হও তবে পাণ্ডুর নন্দন !
 যুধি । সাবধানে কর বণ হে চতুরানন ।
 নকুল । এইবার পিতা পুত্রে হইবে সমর ।

[যুদ্ধোত্তম]

সহদেব ! রণে লিপ্ত হও জনকের সনে ।

সহ । এস পিতা ! অশ্বিনী কুমার
কত্রিয়ের রণনীতি করহ পালন
দেখুক্ জগত্ত্বাসী পিতা—পুত্রে রণ ।

অ, কুমার । দেব-নরে বৃদ্ধকালে পিতা-পুত্রে রণ
এ ত নাহে অসম্ভব বীরের কখন ?
তার অন্ত ইতস্ততঃ কিবা সহদেব ?
ধর ধনু—জোড় শর—হান কি প্রহস্তুে
পারি যদি করি প্রতিরোধ ;
তোমরাও পার, নম অস্ত কর নিবারণ ।

[যুদ্ধোত্তম]

কৃষ্ণ । আচার্য্য ! এইবার আপনি আর আমি ।

দ্রোণ । বেশ—তাই হ'ক্ ! তুমি ইচ্ছাময়, ইচ্ছা করে যখন
আমার সহিত রণ প্রার্থনা করছ, তখন আমি প্রস্তুত । বাজাও
পাঁকজন্তু শঙ্খ ! পর তোমার সুভীষণ গদা চক্র ; আমি এই ধনু
ধারণ করে দাঁড়ালেম ।

কৃষ্ণ । আমিও চক্র হস্তে দাঁড়ালেম । [যুদ্ধোত্তম] [অগত]
দেবশক্তি আকর্ষণ করে পাণ্ডব অঙ্গে প্রদান না করলে, তারা
সমরে সমর্থ হবে না । এত আয়োজন করেও ত অষ্টবজ্র সম্মিলন
হ'ল না ! তবে কি দুর্ভাগ্যের কল্পদোষের গুণন হবে না ? তবে
কি উর্ধ্বশীর শাপ মোচন হবে না ? যাই হ'ক্—পাণ্ডবাকে দেব
শক্তি চালনা করি । [উত্থাপন]

দ্রোণ । কেশব ! আকুল হ'য়ে কি ভাব'ছো ? আজ আর ভেবে

কুল কিনারা পাবে না—এ অকুল সমুদ্রের মাঝখানে এসে পড়েছ, আর রক্ষা নাই।

কৃষ্ণ। ভাব্‌ছি—ব্রাহ্মণ-দ্বন্দ্ব কেমন ক'রে শরক্ষিপ করব ?

দ্রোণ। ব্রহ্মবধে তোমার আবার ভয় কিহে! ওটা ত তোমাব চিরাত্যক্ত। গোহত্যা—ব্রহ্মহত্যা—জীহত্যা করতেই ত তোমার কৃষ্ণ অবতার ?

কৃষ্ণ। কোথায় কবে আমি কোন্ ব্রাহ্মণকে হত্যা করেছি আচার্য্য ?

দ্রোণ। দৈত্যবধ ক'রে ব্রহ্মহত্যা করেছ। দৈত্যগণ ত কশুপের পুত্র ? তাহ'লে কি তারা ব্রাহ্মণ হ'ল না ? তারপর ত্রেতারাম অবতারে—বিশ্বামানন্দন দশানন, যে লঙ্কায়ামে ত্রিকালজ্ঞ ব্রাহ্মণ তাঁকে কি তুমিই বধ কর নাই ? তবে আর ব্রহ্মহত্যার বাকী কি ?

কৃষ্ণ। গো-হত্যা করলেম কিসে ?

দ্রোণ। ব্রহ্মধামে যে বৎসাসুরকে বধ ক'রেছিলে—ধেনুকাসুরকে বধ ক'রেছিলে, কি মূর্তিতে বধ ক'রেছিলে বল দেখি ?

কৃষ্ণ। ধেনুকাসুর ধেনুমূর্তিতে আর বৎসাসুর গো-বৎসাকারে গো-পালে প্রবেশ ক'রে অত্যাচার করছিল, সে ত তাদের মায়ামূর্তি।

দ্রোণ। মায়ামূর্তি হ'লেও গো-মূর্তিতে বধন তুমি তাদের বধ করেছ, তখনই তোমার গোহত্যা করা হয়েছে। তার পর তুমি ব্রহ্ম-বর্জন করলে তোমার শোকে বহু ধেনু—বহু বৎস—বহু বহু বৃষ প্রাণত্যাগ করেছে।

কৃষ্ণ। আচ্ছা—জীহত্যা করলেম কিরূপে ?

দ্রোণ। পুত্নার স্তনাকর্ষণ ক'রে তাকে হত্যা করার কি তোমাব জীহত্যা হয় নাই ?

ভীম । না—আর অভ কুটুস্থিতা—আত্মীয়তা—ভক্তিবাণ ডাকাডাকি ভাল লাগে না। কি বল্ব—পিতামহ পূর্বেই প্রতিপক্ষ নির্বাচন ক'রে দিয়েছেন, নৈলে এতক্ষণ এই ভীমই গদা ধ'রে এলোখাপাড়ি পিটতে পিটতে একধার থেকে অন্যধার পর্য্যন্ত সব সোঁপাট শুইয়ে দিত। রণী নির্বাচন ক'রেই এই সব অনর্থ ঘটে যাচ্ছে। এ এস—সে এস, তুমি আমার সঙ্গে, ও তার সঙ্গে, এই রকম করতে করতে বেলা ছপুর হ'য়ে উঠল; এখন কি যুদ্ধ করা হবে? ছপুরে মাতন হবে। ক্রোধের নাড়ী চোঁ চোঁ করলে কি যুদ্ধ ভাল লাগে? এখনও বন্দি পিতামহ! যুদ্ধ করবেন ত করুন, নৈলে বলুন—আমি একাই গদাপেটা ক'রে, দেবতাদের গুরু তাড়ান ক'রে খেদিয়ে দিই।

ভীম । না—না আর বিলম্ব নিঃপ্রয়োজন। আপন আপন ইষ্ট দেব চিন্তা ক'রে স্বয়ং প্রতিকূলে যুদ্ধারম্ভ কর।

ভীম । জয় ধর্ম্মের জয়! জয় কৃষ্ণের জয়!

সাত্যকি । যতো ধর্ম্ম ততো জয়!

[উভয়পক্ষের ঘোরতর যুদ্ধ ।

গীতকণ্ঠে কর্ষানন্দের প্রবেশ ।

কর্ষা ।—

গান ।

দিবানেত্রের হের কুরুক্ষেত্রে

অমর-নরেন্দ্র সমরে লিপ্ত ।

বাদব পাণ্ডবে প্রমত্ত আহবে,

মনে অরাতি মিনিতে কিপ্ত ।

দেবতা; মানবে বাধিল রূপ

স্বপ্নে কল্পিত হ'ল ত্রিলোক

ককচ্যুত শুই গ্রহ—ভাঙ্গাগণ

পতনকালে বিশ্ব দীপ্ত ।

অশ্রিত নক্ষত্র ধরম পালনে,

শক্ততা বিস্ময়ে মিত্র নারায়ণে,

পাণ্ডব সনে এই ধর্মরূপে

দেবভাবুল সনে উদ্দীপ্ত . -

যে ঠিকনিবে আজ সমরে অগতি,

যোষিবে তাহার স্বপ্ন সুখ্যাতি,

সম পরাক্রমী হবে মহারণী

বীরত্ব সবার বিশ্ব মাপ্ত ।

[প্রস্থান ।

জ্যোৎস্না কেশব ! সানন্দে হও । কিপ্রদেহে শরাঘাত নিবারণ
কর, নতুবা এখনই সমরক্ষেত্রে তুল শরায় শাস্তি হইবে :

কুম্ভ ! সত্যই ত ! এ কি ! আচার্য্য-শরে আমার যে বিচঞ্চল
ক'রে তুলেছে ! আর ত স্থির হ'রে দাঁড়িয়ে থাকতে পারি না ।
উঃ ! অন্ধকারের জমাট এসে দৃষ্টি শক্তি আবরণ ক'রে দিলে—মস্তক
ঘূর্ণিত—পদদ্বয় কল্পিত—দাক্ষিণ্য গিপাসা ! উঃ ! জল—জল !

[পতন ও মূচ্ছা]

ভীম ! কি হ'ল—কি হ'ল আচার্য্যদেব ?

জ্যোৎস্না ! আর কি হবে ভীম ! ব্রাহ্মণাধম জ্যোৎস্না আজ শরাঘাতে
ব্রাহ্মণাধমকে মূচ্ছিত ক'রে মহাপাপ অর্জন করেছে ।

ভীম ! কি—কি কুম্ভ ! আমার মূচ্ছিত ? কেশব ! কি খেলা

ভাই, এ সব? আজ এই দৃশ্য দেখাবার জন্যই বুঝি রণ আরোজন করেছিলি? আজ আমার প্রাণকৃষ্ণ ভূতলে মুচ্ছিত—আর ভীম চিত্র পুত্তলিকার মত তাই দাঁড়িয়ে দেখছে! ধিক্ ভীমের কর্ণে—ধিক্ তার কত্রিগর্ভে—শতধিক্ তার ধর্ম্মরক্ষায়। আর কেন? যে পাণ্ডবের বক্ষোনিধি, সেই কৃষ্ণধনই যদি অচেতন, তবে আর যুদ্ধে কি প্রয়োজন? কেশব! চক্রপানি! পুণ্ডরীকাক্ষ! ধূলার শয়ন ফি তোর শোভা পায় ভাই! আয় কমলাক্ষ্য! ভীমের বিহৃত বক্ষে বিশ্রাম করবি আয়। [কৃষ্ণকে বক্ষে ধরিলেন] দেব সঙ্কর্ষণ! রণে ক্ষান্ত দিয়ো না, ভাই! আমি অচেতন কৃষ্ণকে বুকে নিয়ে তোমার সম্মুখে দাঁড়াই, তুমি, ঐ হলের আঘাতে আমার অস্তিত্ব বিলুপ্ত কর। আমার জন্যই আজ তুমি তোমার ভাইকে হারাতে বসেছ—আমারই অবিম্বলকারিতার কৃষ্ণ আজ এমন ভাবে চেতনা বিলুপ্ত—আমিই যত অনর্থের মূল। বলদেব! প্রহার কর তোমার প্রচণ্ড হস্ত আমার পাপ মস্তকে—ধ্বংস কর ভীমকে—কৃষ্ণদ্রোহী বৃকোদরকে আর ধরায় রেখো না, হলধারী! আমি তোমার চরণে ধরি—আমার বধ ক'রে এই অকুতাপের জ্বালা জুড়াও।

বল। ধন্য ভীম! ধন্য তোমার কৃষ্ণপ্রেম! কি ভাবে সাধনের ধন কৃষ্ণধনকে প্রেমের বন্ধনে বাঁধতে হয়, তা তোমরাই জান! এত শক্ততা যার সঙ্গে, তারই মুচ্ছা দেখে, উন্মত্তের মত তাকে বুকে তুলে নিলে। এর নাম কি শক্ততা? না প্রকৃত বীরভক্তের উদ্দীপ্ত ভক্তি? বৃকোদর! আমার প্রাণের সহোদর দামোদরকে একবার আমার বক্ষে দাও, দেখি আমি যদি কৃষ্ণের চৈতন্য সম্পাদন করতে পারি?

নাও ত অশ্বদেব! জগতের চৈতন্য যিনি, তাঁকে

অচেতন্য দেখে আমি যেন দিগ্বিদিক জ্ঞান শূন্য হয়েছি । দাও ত বলদেব !

চৈতন্যদেবের চৈতন্য দাও ত ! [বলরামের বক্ষে কৃষ্ণকে সমর্পণ]

বল । কৃষ্ণ ! কৃষ্ণ ! প্রাণকৃষ্ণ ! এ কি তোর ভাব ভাই ?
মানবের রণে তুই আজ অচেতন্য ? যার নামের গুণে মৃত্যুতে প্রাণ
পায়—লুক্কতরু মূগ্ধরিত হর—পাষণে প্রবাহিনী ছোটে, সেই তুই
আজ অচেতন ? এ মুচ্ছার চৈতন্য দিতে তোর নাম ভিন্ন আর
কি আছে ? কৃষ্ণ ! কৃষ্ণ ! কৃষ্ণ !

কৃষ্ণ । [সংজ্ঞাপ্রাপ্তে] কেন দাদা ! কি হ'য়েছে ?

ভীম । আর কি হবে মাখমুগ্ধ ! সর্বনাশ হয়েছিল এখনট !
এমন জানলে কি এ কাল যুদ্ধের আরোহণ করতাম ? কৃষ্ণ রে !
ভাই রে ! আচার্য্যের শরে আজ তুই অচেতন্য হ'য়ে বক্ষে কি
ভীষণ শোকের বক্ত নিক্ষেপ করেছিলি ভাই ? তোর নৃচ্ছত দেখ
বক্ষে ধ'রে তবে বজ্রাঘাতের বেদনা দূর করেছিলেম ভাই ! কিঃ
কেশব ! পাণ্ডবের সঙ্গে তোমার কি এ সব লীলা ?

কৃষ্ণ । সে পরিচয় পাণ্ডবকে কি জানাব ? আমার মুচ্ছার বক্ষে
বজ্রাঘাত-ব্যথা সহ করেছ, তবু আমার লীলা বুঝতে চাও ? আচ্ছা
বোঝাচ্ছি—ভাল ক'রে আমার লীলা তোমাদের বুঝিয়ে দিচ্ছি । তাতে
এক বক্ত নয় অষ্টবক্তের সমাবেশ হবে । আগে অষ্টবক্তের অপেক্ষার
থাক, তার পর আমার লীলা বুঝো । এখন কি করবে ? যুদ্ধে
কান্ত দিখে দণ্ডীকে অধিনেহা আমার করে প্রদান করবে ? না
এই ভাবেই যুদ্ধ চলবে ?

ভীম । দণ্ডীকে মার্জনা কর, কৃষ্ণ ! সে আগাদের আশ্রিত !
দণ্ডী ছাড়া তুমি যা চাইবে, অকাতরে তোমার তাই প্রদান করব—
তুমি যুদ্ধে কান্ত হও, ভাই !

কৃষ্ণ । আমি অশ্বিনী সহ দণ্ডীকেই চাই, আর কিছুই চাই না ।
সে যদি তোমাদের আশ্রিত হয়, তবে অগ্রে তোমাদের প্রাণ নোব—
পরে দণ্ডীকে গ্রহণ করব ।

ভীষ্ম । আমাদের প্রাণ ত অনেকদিন দিয়েছি, কেশব !

কৃষ্ণ । সে মুখে দিয়েছ, এইবার কাজে দিতে হবে । তোমাদের
প্রাণবধ না করলে ত আমি দণ্ডীকে পাব না ? তাই সপ্তবজ্র সমা-
বেশ ক'রে যুদ্ধে এসছি । ইন্দ্রের এক বজ্র, আমার চক্র এক বজ্র,
দাদার হল এক বজ্র, যমের দণ্ড এক বজ্র, বরুণের পাশ এক বজ্র,
ত্রিলোচনের ত্রিশূলও এক বজ্র, ব্রহ্মার কমণ্ডলু এক বজ্র । এই সপ্ত
বজ্রের সঙ্গে আর একটি বজ্র যেমন যোগ হবে তেমনি আমিও পাণ্ডবের
প্রাণ গ্রহণ করব । তার আর বড় বেশী বিলম্ব নাই । দেবগণ ! নিশ্চেষ্ট
কেন, আবার যুদ্ধারম্ভ কর—পাণ্ডব বল প্রতিহত কর—অষ্টবজ্রের
সম্মিলনে পাণ্ডবপক্ষকে ভয়ে মত উড়িয়ে দাও । দেব-সেনাপতি !
কি ভাবছ ? তৃতীয় পাণ্ডব অর্জুনকে পরাভব ক'রে যাদবের জয়
অর্জুনে মনযোগী হও । আর বিলম্ব ক'রো না—বেলা তৃতীয় প্রহর
অতীত । আর এক প্রহরের মধ্যে যুদ্ধের জয়-পরাজয় নির্ণয় ক'রে
অশ্বিনী সহ দণ্ডীকে আমাদের আয়ত্বে আনতে হবে । সকলে ক্রিপ্র
হস্তে সমর-মৈপুণ্য প্রদর্শন কর ।

কার্ত্তিক । চক্রপানি ! তৃতীয় পাণ্ডব অর্জুন কেন, সমবেত পাণ্ডব
শক্তিকে দমন করবে কার্ত্তিক যুদ্ধেই সক্ষম ; তবে যে বিলম্ব হচ্ছে—
তার কারণ তুমি । চক্রী তুমি—জ্ঞানাতীত তোমার চক্র ! তাই ত হুচ্চাঁ
গিয়ে লিপ্ত রণে বীতশ্রদ্ধ ক'রে দিয়েছ । তোমার প্রথমে পেয়ে পাণ্ডবের
এত স্পর্ধা—এত সাহস ! তুমি চক্র ত্যাগ ক'রে স্পর্ধন চক্র ধ'রে স্থির
হ'য়ে রণ কর, দেখ—আমি পলকে পার্থকে সংহার করতে পারি কি না ?

অর্জুন ! কতকগুলো মুখ পেয়েছ ব'লে বাকের বীরকে পার্থকে ভোলাতে পারবে না। তোমার সর্ক — তোমার সাহসই বা সামান্য কি দেব-সেনাপতি ? আমরা কৃষ্ণের প্রশ্নের স্পর্কান্বিত—সাহসী, আর তুমি বক্র্য রমণীমণ্ডলের পূজা পেয়ে এতদূর বর্জিত হ'রে উঠেছ ? ভীম, দ্রোণাদি বিমণ্ডিত পাণ্ডব-শক্তিকে মূর্ত্তে জর করতে পার তুমি ? শিবের গুরসজাত—শরীর গর্ভজ সন্তান ব'লে এতক্ষণ আমি তোমায় কমা ক'রে যাচ্ছিলেম, বড়ানন ! তাই তুমি এতক্ষণ অর্জুনের গাণ্ডীবের সম্মুখে অক্ষতদেহে বিরাজ করছ। কিন্তু আর না—আর কমা নাই—উপেক্ষা নাই—অবহেলা নাই—শৈথিল্য নাই। এইবার কার্তিক ! তুমি ষথার্থ অর্জুনকে দেখবে—অর্জুনের প্রকৃত বীরত্ব-তেজ এইবার অমৃত্তব করবে। সব্যসাচীর গাণ্ডীববিনিমুক্ত স্ত্রীকৃষ্ণ শরকে আজ শিব-পুত্রের চৈতন্য বিলুপ্ত হবে। পার্থের এই পণ কেউ ভঙ্গ করতে পারবে না। সমস্ত দেবশক্তি তোমার রক্ষক হ'লেও পার্থের রণে আজ তোমার কেউ রক্ষা করতে পারবে না ! অমর না হ'লে তোমায় বধ করতেম, অমর ব'লে শরাঘাতে জর্জরিত ক'রে তোমায় মূর্চ্ছিত করব—অমরের মূর্চ্ছাই মৃত্যু। সেইরূপ মৃত্যু আজ তোমার অর্জুনের বাণে। সাবধান !

[উভয়ের যুদ্ধ ও কার্তিকের পতন]

কৃষ্ণ ! [স্বগত] এই ত শেষ সময় উপস্থিত। [প্রকাশ্যে] দেবগণ ! কি করছ—কি দেখছ ? সর্বনাশ হয়েছে ? পার্থ-শরে বড়ানন ভূপতিত—মূর্চ্ছিত—সংক্রান্ত বিরহিত ! এখনি অর্জুন তাকে নির্ঘাতিত করবে। অতএব সূর্য্যে আপনাপন অস্ত্র ধারণ ক'রে অর্জুনের গতি রোধ কর। এই আমি সূর্য্যদর্শন নিয়ে পার্থের প্রতিপক্ষে দাঁড়ালেম।

[চক্র ধারণ]

মহা । আমিও আমার পুত্র হস্তার বিরুদ্ধে ত্রিশূলোত্তরণ
করলেম । [ত্রিশূলধারণ]

বল । আমিও আমার হুল নিয়ে প্রস্তুত হ'লেম । [হুলধারণ]

ইন্দ্র । আমিও অর্জুনের গতিরোধ করতে আমার এই বজ্র
বিনাশি ব্রহ্মাষ্টি বিনির্মিত বজ্র নিয়ে দাঁড়ালেম । [বজ্র ধারণ ।

ব্রহ্মা । আমিও আমার মহাজ্ঞ কমণ্ডলু নিয়ে দাঁড়ালেম ।
[কমণ্ডলু ধারণ]

ধম । আমিও আমার ধমদণ্ড ধারণ ক'রে দাঁড়ালেম ।
[দণ্ড ধারণ]

বরুণ । আমিও আমার পাশ—অস্ত্র নিয়ে প্রস্তুত হ'লেম ।
[পাশ ধারণ]

[সকলের যুদ্ধ]

অর্জুন । সমগ্র দেবতা—ও বক্ষ রক্ষ, নাগ নর, গন্ধর্ব কিম্বর,
স্বাবর জঙ্গম, গ্রহ, উপগ্রহ, কেউ পার্থের প্রতিজ্ঞা ভঙ্গ করতে
পারলে না, কার্তিকে মুচ্ছিত করেছি, কার্তিকের মুষ্টিই ওর মৃত্যু ।
কার্তিকের হস্তায়ক পাথ ।

রণচণ্ডী মূর্তিতে দুর্গার প্রবেশ ।

দুর্গা । কে রে আমার পুত্র হস্তা ? কে কার্তিককে মুচ্ছিত
করেছে ? আমি তাকে বধ করব—বধ করব । প্রস্তুত হও শক্তির
পুত্রহস্তা ! শক্তির শানিত খড়্গে উত্তপ্ত বক্ষোরক্ত দিতে প্রস্তুত হও
মহাকালীর উত্তোলিত খড়্গে আজ তার পুত্র বাতীর শির সহস্র
খণ্ডে খণ্ডিত হবে । [খড়্গ ধারণ] কার্তিক কার্তিক ! তর নাই
বাপ ! আমি তোর অন্তরা মা এসেছি ? আর অচৈতন্য থেকে
না, কুমার ।

কাহ্নিক : [সংজ্ঞা প্রাপ্ত হইয়া] কৈ—কৈ আমার শক্তি অস্ত
কৈ ? আজ—অর্জুনকে বধ করতে হবে । এই যে এই যে শক্তি-
অস্ত ! [শক্তি ধারণ] সাবধান ! আজ ধরনী অপাণ্ডবা হবে ।

[যুদ্ধোত্ত !

সহসা উর্ধ্বশীর প্রবেশ ।

উর্ধ্বশী । [উভয় হস্ত—উত্তোলন পূর্বক] 'দেবগণ ! যোদ্ধৃগণ !
কাস্ত হও—কাস্ত হও—অস্ত সংবরণ কর—আর বিফল সৃষ্টি নাশে
কি ফল ? যার জন্ত এত আয়োজন—যার ব্রহ্মশাপ মোচনে আজ
কুরুক্ষেত্রে অষ্টবঙ্গ সম্মিলন, আমিও অভিশপ্তা উর্ধ্বশী—দণ্ডীরাজের
অধিনী । অষ্টবঙ্গ সম্মিলন স্থলে আমার অধিনীরূপ মূর্তি—উর্ধ্বশীর
ব্রহ্মশাপ বিমোচন । যে কার্যের জন্ত এত বিরাট আয়োজন, তা
সম্পূর্ণ যখন, তখন আর অনর্থক যুদ্ধে প্রয়োজন কি ? ধন্য পাণ্ডব ।
ধন্য তোমাদের ধর্মবল ! তোমাদের ধর্মবল সম্বল করতে পেরেছিলেম বলে
আজ এই অষ্টবঙ্গ সম্মিলনে উর্ধ্বশীর শাপ মোচন হ'ল । জয়
ধর্মের জয়—জয় পাণ্ডবের জয়—জয় ধর্মাধার বাসুদেবের জয় !

সকলে । জয় ধর্মের জয় ! জয় পাণ্ডবের জয় !! জয় ধর্মাধার
বাসুদেবের জয় !!!

ভীম । তাইত বলি কৃষ্ণ রে ! তোর লীলা বোঝা ভার ! এই
অধিনীকে উদ্ধার করতেই বুঝি পাণ্ডবের ধর্ম পরীক্ষক হয়েছিলি !
ধন্য তোর লীলা !

কৃষ্ণ । ধন্য পাণ্ডব ! ধন্য পাণ্ডবের ধর্মবল ! এস প্রিয় পাণ্ডবগণ
একবার প্রেমালিঙ্গনে সংবন্ধ হর্ষে মনোমালিন্য দূর করি । (পাণ্ড-
বাণি সকলের সহিত আলিঙ্গন)

দুর্কসার প্রবেশ ।

দুর্কসার : শান্তি—শান্তি—শান্তি ।
 শান্তিময় কৃষ্ণচক্র ব্রাহ্মণের প্রাণে
 এতদিনে দানিলেন শান্তি ।
 উর্কশীরে অভিশাপ করিয়া প্রদান
 এতদিন দহিলাম অশান্তি অনলে,
 শান্তিময় কৃষ্ণের কুপায়
 অষ্টবজ্র সম্মিলনে শাপ মুক্ত হইল উর্কশী
 পাইল সে সুবিমল শান্তি ;
 আমারো অশান্তি গেল ফিরে এল শান্তি
 দেবরাজ ! লয়ে যাও উর্কশীরে তব
 উর্কশী ! আর যেন কভু
 ব্রাহ্মণ তপস্বী চলে ক'রো না বিক্রম ।
 আর সুধাম্বিক পাণ্ডব সকলে কবি অশীর্ষাদ,
 এইরূপে অশান্তি বিনাশি
 ধর্মরাজ্য স্থাপি ভূমণ্ডলে,
 শান্তি সূখে আধিপত্য করুন বিস্তার ।
 আছি এ আনন্দ দিনে কৃষ্ণ বগরাম !
 যুগল ভ্রাতার যুগলে দাঁড়িয়ে,
 পূর্ণ কর বাহ্য সকলের ।
 কৃষ্ণ ভক্তবাহু পূর্ণ তরে
 এই মোরা ছই ভাই
 দাঁড়াইলু যুগল রূপেতে !

হুর্কাসা । অপরূপ রূপরাশি হের বিশ্ববাসী
 আর বল প্রাণ খুলে হরিবোল হরি !
 সকলে ! হরিবোল—হরিবোল—হরি হরি বোল ;
 নমস্তে বলরামায় শেধরূপী মহাঅনে
 রামায় বলভদ্রায় ভক্তার্ভি নাশনায় চ । [প্রণাম]
 ননো ব্রহ্মণ্য দেবায় গো ব্রাহ্মণ হিতায় চঃ
 জগদ্ধিতায় শ্রীকৃষ্ণায় গোবিন্দায় নমো নমঃ । [প্রণাম]
 হুর্কাসা : গাও সবে মুক্ত-কণ্ঠে-রাম কৃষ্ণ নাম
 জয় কৃষ্ণ—জয় জয় বলরাম !!

সকলে !— গান ।

আজি যুগলে মিলেছে ভাল যুগল দুটী ভাই :
 কানাই বলাই যুগল মিলন, তুলনা এর নাই ।
 কৃষ্ণ নবমানে শুভ্র—সুধাকর,
 নীল-রক্ত রূপে আলোকিত অস্তর,
 গজা যমুনা বারি ব'য়ে বায় তর তর,
 কি রূপ সুন্দর, জগজন মনোহর,
 ওইরূপে হ'য়ে বিস্তার, গজেশ শরণবাসী
 অঙ্গে মাখে ছাই ।

অন্বিনিক ।

